

尚書古今文注疏



萬有文庫

第一集一千種

總編纂者  
王雲五

陸軍軍官學校圖書館

登錄號 第 0977

類號 083.11 / 1262


商務印書館發行

愛公

海軍




向書李古文注疏  
(考)  
孫星衍著



航空學學校  
第六期  
募



國學基本叢書



愛靜齋  
公藏圖書



湖南圖書館  
第六分館

尚書今古文注疏

卷十二

621.112  
11357  
28  
v.2

洪範第十二下 周書三

五皇極。皇建其有極。史遷無五字。

漢書五行志傳曰。皇之不極。是謂不建。皇君也。極中。建立也。人君貌言。視聽思心五事皆失。不得其中。則不能立萬事。是皇極為君道之中。皇

建有極。為君立其中也。 斂時五福。用敷錫厥庶民。史遷敷作傅。厥作其。馬融曰。當斂是五福之道。用布予

衆民。 惟時厥釋詁云。斂。聚也。時。是也。五福。謂五者皆備。下文鄭注云。福之言備也。史公敷作傅者。廣雅釋言云。傅。敷也。厥。為其者。釋言文。馬注見史記集解以敷為布者。說文。專。布也。錫。為予者。釋詁云。錫。予。賜也。庶。為衆者。釋詁文。

庶民于汝極。史遷惟作維。厥作其。馬融曰。以其能斂是五福。故衆民於汝取中正。以歸心也。

馬注見史記集解以於為取者。詩傳文。 錫汝保極。鄭康成曰。又賜汝以守中之道。

者。詩崧高云。南土是保。箋云。守也。安也。 凡厥庶民。無有淫朋。淫者。王逸注楚詞云。遊也。大傳引九共云。使民無敷。敷亦游也。 人無有比德。比者。說文云。密也。反从為

0048 50330

比論語為政篇云君子周而不比。集解引孔注云阿黨為比。

惟皇作極。

史遷惟作維。凡厥庶民有猷有為有守。汝則念之。

馬融曰凡其衆民有謀有為有所執守當思念其行有所趣舍也。

馬注見史記集解以猷為謀者釋詁文云行有所趣舍者有謀有為是有

所趣有守則不為不義是有所舍也。

不協于極不罹于咎皇則受之。

史遷罹作離。

史公罹為離者罹俗字當為離詩免爰云雉罹於羅釋文云罹本又

作離文選思元賦循法度而離殃注離罹也漢書集注云罹遭也言臣民之行有不合於中亦不至獲咎於汝為君者當寬容以受之。

而康而色曰予攸好德汝則錫之福。

時人斯其惟皇之極。

史遷康作安攸作所惟作維。

而者鄭注中庸云而之言汝也史公康為安者釋詁文言當和顏以告臣民示之好德乃錫之福是

人當以此得大中也。

無虐於獨而畏高明。

史遷作毋侮鰥寡馬融亦作毋侮曰高明顯寵者不枉法畏之。

史公作毋侮鰥寡者今文尚書與古文異也困學記聞引尚書大傳云毋侮矜寡而畏高明列女傳楚野辯女引周書毋侮鰥寡而畏高明後漢書肅宗紀元和二年詔曰經曰毋侮鰥寡釋文云馬本作毋侮皆今文也癸獨者詩正月云哀此憫獨傳云獨單

也釋文云憫本又作癸王逸注楚詞云癸孤也癸蓋憫假借字馬注見史記集解以高明為顯寵者楊雄解嘲云高明之家鬼

矜其室是謂顯寵之家也不枉法畏之言不曲法以縱之案此言臣有不侮鰥寡不畏強禦者及下有能有為之人皆當進用人

之有能有為使羞其行而邦其昌。

史遷邦作國。

能者鄭注周禮云多才藝者羞者釋詁云進也潛夫論思賢篇引書曰人之有能使循其行國

乃其昌說云是故先王為官擇人必得其材功加於人德稱其位循修古字多通。

凡厥正人既富方穀汝弗能使有好于而家時人斯

其辜

正人謂在位之正長富謂重其祿穀者詩傳云善也中庸云重祿所以待士好于而寡謂善于國家詩鹿鳴人之好我示我周行箋云好猶善也言凡其正長當重其祿使之作善汝不能使賢者善於國家是人以此為其罪也于

其無好德汝雖錫之福其作汝用咎史遷無作毋無德字鄭康成曰無好于汝家之人

雖錫之以爵祿其動作為汝用惡謂為天子結怨于民史公無德字者好與咎為韻鄭本亦無是後人妄增德字也鄭注見史記集解亦無德字云無好于汝家之人

言不為國家作善也福為爵祿者周禮太宰職云祿以叙其官作為動作咎為惡者釋言云作為也為即動作廣雅釋詁云咎惡也云為天子結怨于民者言非善人雖厚其祿猶腴民以為汝斂怨也無偏無陂遵王之

義無有作好遵王之道無有作惡遵王之路史遷無俱作毋陂作頗馬融曰好私好

也有一作或好一作致史公陂為頗者經文本作頗釋文云舊本作頗熹平石經亦作頗唐元宗改為陂今本承其誤荀子修身篇引此文說之云此言以公義勝私欲也馬注見史記集解云好私好者謂好惡之私非

大中之道呂氏春秋貴公篇引陂作頗二有字作或注云義法也或有也好私好無偏無黨王道蕩蕩無黨無

偏王道平平無反無側王道正直史遷無皆作毋馬融曰反反道也側傾側也鄭康成

曰黨朋黨平平一作便便呂氏春秋貴公篇引鴻範曰無偏無黨王道蕩蕩注云蕩蕩平易也詩云魯道有蕩平平者詩采菽云平平左右傳云平平辯治也釋文云平平韓詩作便便史記張釋之馮唐傳贊引作王

道便便徐廣曰便一作辯馬注見史記集解云反反道側傾側者詩何人斯以極反側傳云反側不正直也鄭注周禮云反側猶違背法度也與馬義相近鄭注見史記集解云黨朋黨者說文作攜云朋羣也孔安國注論語以黨為相助匪又以為助私會

其有極。鄭康成曰：謂君也。當會聚有中之人，以為臣也。歸其有極。鄭康成曰：謂臣也。當就

有中之君而事之。鄭注俱見。史記集解。曰：皇極之敷言。史遷皇作王，敷作傅。馬融曰：王者當極行之，使

臣下布陳其言。史公此皇極作王者，蓋以為大中之敷言，傅同敷。見上疏。馬注見史記集解。以極為盡也。以下極之敷言，屬庶民言之，故變其義。高誘注淮南云：極盡也。是彝是訓，于帝其

訓。史遷彝作夷，訓作順。馬融曰：是大中之道，而常行之，用是教訓天下，於天為順也。史公彝為夷者，詩傳云：夷

常也。訓為順者，聲相近。馬注見史記集解云：子天為順者，易曰：天且不違，而况於人乎。凡厥庶民，極之敷言。史遷敷作傅。馬融曰：亦盡極敷陳其

言於上也。是訓是行，以近天子之光。史遷訓作順。周禮詢萬民，詩詢芻蕘，周語邵公曰：庶人傳語，故古者庶民得近天子也。曰：天

子作民父母，以為天下王。大傳說聖人者，民之父母也。母能生之，能食之，父能教之，能誨

之。聖王曲備之者，也能生之，能食之，能教之，能誨之也。故書曰：作民父母，以為天下王，此之謂也。

王者，呂氏春秋下賢篇云：王也者，天下之往也。六三德。史遷無六字。一曰正直。鄭康成曰：中平之人。一曰剛克。三

曰柔克。鄭康成曰：克，能也。剛而能柔，柔而能剛，寬猛相濟，以成治立功。此言人有三德，當自治其性也。漢書匡衡傳，衡上疏曰：傳



曰。審好惡。理情性。而王道畢矣。又云。治性之道。必審已之所餘。而彊其所不足。又云。齊之以義。然後中和之化應。經言三德者。說文云。意外得於人。內得於己。似如皋陶謨言九德。據德行言之。不及政治。僞傳所說未是。馬鄭亦未爲得之。此三德謂天地人之道。正直者。論語云。人之生也直。人道也。剛克天道。柔克地道。克者。釋詁云。勝也。皋陶謨疏以九德配三德云。其洪範三德。先人事而後天地是也。鄭注見史記集解云。中平之人者。言不剛不柔。中正和平之人。詩羔裘云。彼其之子。邦之司直。又云。三英。三德也。箋云。三德。謂剛克柔克正直也。疏引鄭注申之云。剛則彊。柔則弱。此陷於滅亡之道。非能也。然則正直者。謂不剛不柔。每事得中也。史公三德上無六字。熹平石經同。蓋今文也。

平康正直。彊弗友。剛克。爨

友柔克。史遷弗作不。變作內。鄭康成曰。人臣各有一德。天子擇使之。安平之國。使中平守一之

人治之。使不失舊職而已。國有不順孝敬之行者。則使剛能之人誅治之。其有中和之行者。則使柔能

之人治之。差正之。此又申言三德之性行。正直者平康。是得其中正。不須克制也。彊弗友者。廣雅釋詁云。友。親也。言其性彊。殺不可親。剛克之人。有是性。變友者。釋詁云。變。和也。言柔克之人。有此性。二者君德之偏。故下言自克之

道。史公變作內者。內與變聲相近。假借字。鄭注見書疏。以此三德爲人臣各有一德。云安平之國。使中平守一之人治之者。上文云。父用三德。馬鄭皆以父爲政治也。安平之國。謂其國平康。無事紛更。使中平守一之人。循其舊職可矣。云不順孝敬之行者。爾雅云。善兄弟爲友。彊弗友。是不順孝敬之行。當使剛能之人治之。云中和之行者。釋詁訓變爲和。和而友。當使柔能之人治之。馬鄭俱以下文有惟辟作福作威之言。故爲此說也。

沈潛剛克。高明柔克。史遷

潛作漸。馬融曰。沈。陰也。潛。伏也。陰。伏之謀。謂賊臣亂子。非一朝夕之漸。君親無將。將而誅。高明君子。亦

以德懷也。經言三德。蓋謂君德有中正者。有偏于剛柔者。須先自治其德。至於中和。乃可作福作威。故云。父用三德。又言自治也。春秋左氏文五年傳。寧嬴之說。陽處父曰。以剛商書。沈潛剛克。高明柔克。夫子壹之。其不沒乎。天爲剛德。猶不干

時況在人乎。杜注云。沈潛猶滯弱也。高明猶亢爽也。言各當以剛柔勝己本性。乃能成全也。此周人引警。即言治性。不言治人。蓋書古文說。杜比所云亦不同。馬鄭之說。意以沈漸地道近弱。當以剛勝之。高明天道近剛。當以柔勝之。乃成德也。此言君德之明證。谷永傳。永說王音曰。意豈將軍忘滿漸之義。委曲從順。所執不彊。此亦用洪範沈漸剛克。班氏谷永皆用今文書說。亦不與馬鄭同也。馬注見史記集解云。沈陰潛伏者。月令云。天多沈陰。詩潛雖伏矣。故沈陰潛伏同義。云賊臣亂子。非一朝一夕之漸者。易文言傳曰。積不善之家。必有餘殃。臣弑其君。子弑其父。非一朝一夕之故。其所由來者漸矣。馬說本此。云君親無將。將而誅者。公羊莊三十二年傳文。案如馬鄭所云。君無自治之德。亦必不能用人。專作威福。似非洪範垂教之道。此衛賈諸君孔壁古文之說。未必合古經義也。惟

辟作福。惟辟作威。惟辟玉食。史遷惟皆作維。馬融曰。辟君也。玉食。美食。不言王者。關諸侯

也。鄭康成曰。此凡君抑臣之言也。作福。專慶賞也。作威。專刑罰也。玉食。備珍美也。此言為君者。自治其性行。至於中和。則喜

怒中節。可以專威福也。辟者。釋詁云。君也。玉食。猶言好食。史記封禪書。案隱引三輔決錄云。杜陵有玉氏音肅。說文以為從玉。音畜牧之畜。案玉讀為畜。畜好聲之緩急。孟子梁惠王篇云。畜君者。好君也。高誘注呂賢云。畜好。凡經言玉女玉色。義皆為好。後人忽之。并刪說文音讀。馬注見史記集解云。辟君者。釋詁文云。不言王者。關諸侯者。謂諸侯於其國亦君也。得專威福者。王制云。次國三卿。二卿命於天子。一卿命於其君。小國二君。皆命於其君。是諸侯得爵命大夫也。康誥是周公誥康叔之書。而云敬明乃罰。文王世子云。獄成。有司讞於公。是諸侯得專刑罰也。玉藻云。諸侯朝服以食。特性三俎祭肺。夕深衣。祭牢肉。朔月少牢五俎四簋。是諸侯亦得備美食也。鄭注見公羊傳成元年疏。及史記集解。案齊策高誘注。引書曰。無有作威作福。後漢書荀爽傳。引洪範曰。惟辟作威。惟辟作福。惟辟玉食。皆先威後福。段氏玉裁云。今文尙書如是。臣無有作福作威玉食。臣之有作福作威玉食。其害于而家。凶于

而國。鄭康成曰。害于汝家。福去室。凶于汝國。亂下民。一作而凶于而國。熹平石經。凶。人用側

上有而字

頗僻。民用僭忒。馬遷僻作辟。馬融曰：忒，惡也。

疏 漢書王嘉傳：嘉奏封事曰：箕子席武王曰：臣無有作威作福，亡有玉食。臣之有作威作福，玉食害于而家，凶于而國。人用

僭頗僻，民用僭惡言。如此則逆尊卑之序，亂陰陽之統，而害及王者，其國極危。國人傾仄不正，民用僭差，不壹。是說此經之義也。亦先威後福。楚元王傳：劉向上封事，引書曰：臣之有作威作福，及後漢書張衡傳所引，皆先威後福。蓋今文尚書，惟漢書武五子傳策曰：書曰：臣不作福，臣不作威。師古注引洪範云：臣無有作威作福，似唐初所據古文尚書，亦有先威後福者。王嘉以側為傾仄者，馬注無反無側，亦云傾側也。以頗僻為不正者，文選思元賦注云：邪佞也。鄭注見公羊傳，成元年疏：馬注見釋文云：忒，惡者。詩傳云：慝，惡也。馬以慝訓忒。江氏聲不以為然。詩傳云：僭，差也。忒，疑也。疑是疑忒，即王嘉傳所云不壹。此優於馬說。權歸于臣，則吏民諂附，有貳心也。

七稽疑。史遷無七字。擇建立卜筮人。

鄭康成曰：言將考疑事，選擇可立者，立為卜人筮人。

疏 鄭注見書疏，以稽為攷者，廣雅釋言亦云：建者，鄭注周禮云：立也。經言建，復言立，故云：選擇可立者，立為卜人筮人。白虎

通著龜篇云：龜曰卜，蓍曰筮。何卜，赴也。燂見兆也。筮也者，信也。見其卦也。

乃命卜筮。曰雨，曰霽，曰蒙，曰驛，曰克，曰貞，曰悔。凡七卜。

五占用二。衍忒。史遷霽為濟。曰蒙，曰驛。作曰涕，曰霧。占用二，作占之用。忒為賁。馬融曰：占，筮也。

鄭康成曰：卜五占之用，謂雨霽。圖霧克也。二衍賁，謂貞悔也。將立卜筮人，乃先命兆卦而分別之。兆卦

之名凡七。龜用五，易用二。審此道者，乃立之也。雨者，兆之體，氣如雨然也。濟者，如雨止之雲，氣在上者也。圖者，色澤而光明也。霧，蠱者，氣不釋，鬱冥冥也。克者，如稜氣之色相犯也。內卦曰貞，貞，正也。外卦曰

悔。悔之言晦也。晦猶終也。卦象多變。故言衍貨。悔一作𪔐。

**疏**

史公霽為濟者。釋天云。濟謂之霽。曰霽為曰涕。在曰蒙上者。史記集解及書疏等。引鄭注。皆先圍後霽也。

驛為涕者。詩載驅。齊子豈弟。鄭箋云。弟。古文尚書以弟為圍。圍。明也。疏引古文作悌。悌。弟。即涕。今文尚書字也。蒙為霧者。蒙霧聲之轉。說文。霽。籀文作冪。周禮。太卜注。引書作曰。𪔐。字之假借也。占用二。為占之用者。謂雨濟蒙。驛。克。卜之兆象。有此五者。為占者之用也。江氏聲云。鄭本與史記同。偽孔脫之字。非也。忒為貨者。詩傳云。忒。變也。緇衣。其儀不忒。釋文云。忒。本作貳。易豫釋文云。忒。京本作貨。皆即貨字。馬注見釋文。云。占筮者。是以占屬貞。悔則占之用二。為句。與鄭異也。鄭注見史記集解。云。雨霽。圍。霧。克者。書疏引作謂。雨霽。蒙。驛。克也。云。雨者。兆之體。氣如雨然也。周禮。太卜疏。引作兆之體。如雨氣。云。濟者。如雨止之雲。氣在上者也。太卜疏。引作兆之光明。如雨之雲氣在上。云。圍者。色澤而光明者也。案說文。圍。回行也。引商書此文。云。圍。升雲。半有半無。讀若驛。鄭不用其說。而於載驅詩箋云。圍。明也。又注周禮。占人云。凡卜象吉。色尚墨。大坼。明則逢吉。此言色澤而光明。則是吉兆矣。許氏云。升雲。半有半無。雲氣在上。亦開明之義。云。霧者。氣不釋。鬱冥冥也。書疏引作氣澤。鬱冥冥也。說文云。霧。地氣發。天不應也。則霧是氣不揚越。兆氣如之。故云。氣不釋。云。克者。如。祲。氣之色相犯也。書疏引作如雨。氣色相侵入。周禮。既。祲。掌十輝之法。一曰。祲。注。鄭司農云。祲。陰陽氣相侵也。兆名為克。如。彼。陰陽之氣相侵犯也。云。內卦曰貞。外卦曰悔者。易蠱卦。巽下坤上。巽為風。艮為山。春秋左氏傳云。蠱之貞。風也。其悔。山也。是內卦曰貞。外卦曰悔。卦以下為內。上為外也。說文作𪔐。云。易卦之上體也。引此經云。商書。貞正者。子夏易傳文云。卦象多變。故言衍貨者。書疏引貨俱作忒。易繫辭云。爻者。言乎變者也。說卦云。觀變於陰陽而立卦。是卦象多變也。繫辭又云。大衍之數五十也。鄭注云。衍。演也。王廙蜀才皆云。衍。廣也。貨與忒通。詩傳云。變也。

立時人作卜筮

**疏**

史遷作為卜筮。鄭康成曰。立是能分別兆卦之名者。以為卜

筮人。二人占。則從一人之言。

**疏**

鄭康成曰。卜筮各三人。太卜掌三兆三易。從其多者。著龜之道。

幽微難明。慎之深。

**疏**

白虎通著龜篇云。或曰。天子占卜九人。諸侯七人。大夫五人。士三人。又尚書曰。三人占。則從二人之言。鄭注見史記集解。又見士喪禮疏。從其多者。已下。亦見史記集解。云。卜筮各三人。太卜掌三兆三易者。士喪

禮。筮宅。卒筮。執卦以示命。筮者。受視反之。東面旅占。注云。旅。衆也。反與其屬共占之。謂掌連山歸藏周易者。又卜葬日。占者三人。注云。占者三人。掌玉兆瓦兆原兆者也。然則此言卜筮各三人。亦謂卜則掌三兆者。各一人。筮則掌三易者。各一人也。周禮云。太卜掌三兆之法。一曰玉兆。二曰瓦兆。三曰原兆。注云。兆者。灼龜發於火。其形可占者。其象似玉瓦原之釁。是用名之焉。杜子春以玉瓦原三兆爲帝顓頊堯周之兆。又云。掌三易之法。一曰連山。二曰歸藏。三曰周易。注云。連山似山出內氣也。歸藏萬物莫不歸而藏於其中。杜子春云。連山宓戲歸藏黃帝。是鄭說三兆三易。既用子春說矣。易贊乃云。夏曰連山。殷曰歸藏。與周禮注違者。鄭志趙商據子春三兆三易之注而問云。子春何由知之。鄭答之曰。此數者非有明文。改之無據。故著子春說。而以近師皆以爲夏殷周。然則三兆三易。其說難定。鄭氏不敢專從。兩存可也。云從其多者。春秋左氏成六年傳云。欒武子曰。善鈞從衆。商書曰。三人占。從二人。衆故也。

人謀及卜筮。史遷乃作汝。鄭康成曰。卿士六卿掌事者。人一作民。汝則有大疑。謀及乃心。謀及卿士。謀及庶

思而不能知。然後問於著龜。聖人獨見先睹。必問著龜何。示不自專也。或曰。清微無端緒。非聖人所及。聖人亦疑之。尚書曰。汝則有疑。謂武王也。鄭注見書疏。人作民。見熹平石經。汝則從。龜從。筮從。卿士從。

庶民從。是之謂大同。身其康強。子孫其逢。史遷身作而身。子孫作而子孫。馬融曰。逢。

大也。吉。汝則從。龜從。筮從。卿士從。庶民逆。吉。卿士從。龜從。筮從。汝則逆。庶民逆。

吉。庶民從。龜從。筮從。汝則逆。卿士逆。吉。鄭康成曰。此二者皆欲多。故爲吉。汝則從。龜

從。筮從。卿士逆。庶民逆。作內吉。作外凶。鄭康成曰。此逆者。多以故舉事於境內。則吉。境

外則凶。龜筮共違於人。用靜吉。用作凶。鄭康成曰。龜筮皆與人謀相違。人雖三從。猶不可

以舉事。八庶徵。史遷無八字。曰雨。曰暘。曰燠。曰寒。曰風。  
馬注見釋文。云逢大者。鄭注儒行。逢掖之衣。云逢猶大也。鄭注俱見史記集解。

史遷賜作陽。燠作奧。鄭康成曰。雨。木氣也。春始施生。故木氣為雨。暘。金氣也。秋物成而堅。故金氣

為暘。燠。火氣也。寒。水氣也。風。土氣也。凡氣非風不行。猶金木水火。非土不處。故土氣為風。  
史公暘為陽者。祭義

云。殷人祭其陽。注云。陽讀為日。雨曰暘。之暘。燠作奧者。五行志。何休注公羊。皆作奧。堯典。厥民奧。馬氏云。煖也。是陽與暘。燠與奧通。鄭注見書疏。以雨暘等配五行者。大傳五行傳云。貌之不禁。是謂不肅。厥罰恆雨。言之不從。是謂不乂。厥罰恆暘。視之不明。是謂不聰。厥

罰恆燠。聽之不聰。是謂不謀。厥罰恆寒。思之不容。是謂不聖。厥罰恆風。鄭據此為說也。日時五者來備。各以其敘。庶草繁廡。  
後漢書李雲傳。雲上書曰。得其人則五氏

來備。注引史記五者來備。荀爽傳。爽對策曰。嘉瑞降天。吉符出地。五蓬成備。各以其敘矣。注云。蓬。是也。史記曰。休徵曰肅。時雨若曰乂。時暘若曰哲。時燠若曰謀。時寒若曰聖。時風若曰聖。五者來備。各以其敘也。經作時者。釋詁云。是也。繁廡。說文作緜。云。豐也。引商書此

文。釋詁云。燕豐也。晉語云。黍不為黍。不能蕃廡。注云。蕃。滋也。廡。豐也。蕃為絲。無為燕。皆假借字。一極備凶。一極無凶。史遷無作亡。  
江氏聲曰。極備。即所謂恆也。五者之中。一者極

備。或一者極無。皆凶。史公無作亡。日休徵。漢書五行志。引此文。注。孟康曰。善行之驗也。日肅。時雨若曰乂。史遷又作治。時

暘若曰哲。時燠若曰謀。時寒若曰聖。時風若。大傳鄭注云。孔子說休徵曰。聖者。通也。兼四而明。所謂聖者。包貌言視聽。而載之以思。心者。通以待之。

君思心不通。則是不能心明其事也。曰咎徵。曰狂。恆雨若。史遷恆皆作常。鄭康成曰。狂倨慢。若順也。五事不得。則咎

氣而順之。史公恆皆為常者。訓詁改字也。鄭注見書疏。及詩正月疏。云狂倨慢者。漢書五行志云。肅敬也。內曰恭。外曰敬。人君行己。禮貌不恭。怠慢驕蹇。則不能敬萬事。失在狂易。故其咎狂也。上慢下暴。則陰氣勝。故其罰常雨也。鄭據之為說。

曰僭。恆暘若。漢書五行志云。言上號令不順。民心虛譁憤亂。則不能治海內。失在過差。故其咎僭。僭差也。刑罰妄加。羣陰不附。則陽氣勝。故其罰常陽也。後漢書楊震傳。震上疏曰。書曰。僭恆陽若。注。僭差也。若順也。君行僭差。

則常陽順之也。曰豫。恆燠若。史遷燠作奧。鄭康成豫作舒。曰舉遲也。若順也。言人君舉事太舒。則有常燠。之咎氣來順之。舒一作茶。鄭注見書疏。及公羊成元年傳疏。漢書五行志云。言上不明。暗昧蔽惑。則不能知善惡。親近習。

緩。故其罰常奧也。言舒緩。即鄭舉遲之義。舒。尚書大傳作茶。長同類。亡功者受賞。有罪者不殺。百官廢亂。失在舒緩。故其咎舒也。盛夏日長。暑以養物。政弛。

應之。鄭注見書疏。及詩正月疏。漢書五行志云。言上偏聽不聽。下情隔塞。則不能謀慮利害。失在嚴急。故其咎急也。盛冬日短。寒以殺物。正促迫。故其罰常寒也。荀悅高帝紀云。人君急。則日暑進而疾。舒則日暑退而緩。故曰急恆寒若。舒恆燠若。論

衡寒溫篇。引經文云。若順。燠溫。恆常也。人君急。則常寒。順之。舒則常溫。順之。又云。且雨氣溫。且暘氣寒。夫兩者陰暘者陽也。

曰蒙。恆風若。史遷蒙作霧。鄭康成曰。蒙見冒。亂也。蒙一作霧。史公蒙作霧者。即說文霧。大傳作蒙。亦霧之籀文也。鄭注見書疏。漢書五行志作霧。云言上不寬大。包容臣

亂。故其罰常風也。鄭云冒亂者。鄭注大傳五行傳云。蒙冒也。君臣心有不明。則相蒙冒矣。曰王省惟歲。史遷省作眚。惟皆作維。馬融曰。言王者所眚職。

尚書今古文注疏 三 卷十二 洪範第十二下 周書三 十一

如歲兼四時也。

**疏**

史公省為管者。古省管通字。公羊春秋莊二十二年。肆大省。左氏穀梁春秋皆作管。康誥。人有小罪非管。潛夫論引作省。是管亦省也。馬注見史記集解。云管職者。如魯語。夕省其典刑之省。云歲兼四時者。謂一歲有

春夏  
秋冬

卿士惟月。師尹惟日。歲月日時無易。百穀用成。又用明。俊民用章。家用平。

康。日月歲時既易。百穀用不成。又用昏不明。俊民用違。家用不寧。**疏** 史遷無作毋。

又作治。俊作峻。鄭康成曰。所以承休徵咎徵言之者。休咎五事得失之應。其所致尙微。故大陳君臣之

象。成皇極之事。其道得則其美應如此。其道失則敗德如彼。非徒風雨寒燠而已。

**疏**

史公惟皆為維者。匡謬正俗云。古文尙書

作惟。今文尙書作維也。然尙書多有思惟之字。亦不盡作維。俊為峻者。李善注文選陸韓卿詩。俊民引尙書峻民用康。云峻與俊同。太甲說命。釋文皆云俊本亦作峻。北堂書鈔。引書俱作峻。是峻古字俊。為唐已後改字也。鄭注見書疏。云大陳君臣之象。成皇極之事者。王管惟歲云云。言君之統臣。如歲之統月日。是陳君臣之象也。歲月日時無易。承王管云云而言。則是喻君臣位正。成皇極之事也。日月歲時既易。則所謂王之不極。是謂不建也。王極配五事為六。故承庶徵而言之也。案馬義以王所管職。如歲兼四時。則卿士惟月。當謂統於王。如月統於歲。師尹統於卿士。如日統於月。師者。釋詁云。衆也。尹者。釋言云。正也。易者。賈子道術篇云。緣法循理謂之軌。反軌為易。俊者。說文云。俊材過千人。章者。鄭注考工記云。明也。徵者。釋詁云。隱也。寧者。詩傳云。安也。

庶民惟星。

星有好風。星有好雨。**疏** 史遷惟作維。馬融曰。箕星好風。畢星好雨。鄭康成曰。風。土也。為木妃。雨。

木也。為金妃。故星好焉。中央土氣為風。東方木氣為雨。箕屬東方木。木克土。土為妃。尙妃之所好。故箕



星好風也。西方金氣爲陰，克東方木，木爲妃，畢屬西方，尙妻之所好，故好雨也。是土十爲木八妻，木八爲金九妻，故月離于箕，風揚沙，月離于畢，俾滂沱，推此而往，南宮好暘，北宮好燠，中宮四季好寒也。是

由已所克而得其妃，從其妃之所好故也。

**疏**

馬注見史記集解云：箕星好風，畢星好雨者，詩漸漸之石云：月離于箕，風揚沙。周禮大宗伯注：鄭司農云：風師箕也，雨師畢也。是馬說所本。鄭注見

詩漸漸之石疏。月令疏：周禮大宗伯大司徒疏：書疏云：風，土也，爲木妃，雨，木也，爲金妃，故星好焉云云者，五行大義說干支各象，天地自相配合，有夫婦之道，干合者，巳爲甲妻，故甲與巳合，辛爲丙妻，故丙與辛合，癸爲戊妻，故癸與戊合，乙爲庚妻，故乙與庚合，丁爲壬妻，故壬與丁合，季氏陰陽說曰：木八，畏庚九，故以妹乙妻庚，火七，畏壬六，故以妹丁妻壬，金九，畏丙七，故以妹辛妻丙，土五，畏甲八，故以妹己妻甲。春秋左氏昭九年傳云：火，水妃也。又十七年傳云：水火之牡也。是五行以受克者爲妃也。云推此則南宮好暘，北宮好燠，中宮四季好寒者，五行以所克者爲好，可類推也。經言庶民所好無常，當示之以大中之道。

日月之行，則有冬有夏。

**疏**

鄭康成曰：四時之間，合于黃道

也。

開元占經六十引黃帝占曰：兩角之間，三光之道也。南三度大陽道，北三度大陰道，日月五星出入中道，天下太平，出陽多旱，出陰多雨。漢書天文志云：月爲風雨，日爲寒溫，冬至日南極，暑長，南不極，則溫爲害，夏至日北極，暑短，北不極，則寒爲害。故書

曰：日月之行，則有冬有夏也。荀悅高后紀引洪範曰：日月之行，則有冬有夏，有寒有暑。段氏玉裁疑今文尙書多此四字。漢書天文志云：日行不可指而知也，故以二至二分之星爲候。至月行則以晦朔決之，日冬則南，夏則北，冬至於牽牛，夏至於東井，日之所行爲中道，月五星皆隨之也。後漢律歷志云：晦明合離，斗建移辰，謂之日月之行，則有冬有夏，冬夏之間，則有春有秋，是故日行北陸，謂之冬，日行西陸，謂之春，南陸謂之夏，東陸謂之秋。案此言日月不當亂行也。太平御覽三十四引春秋運斗樞云：日失行，則當燠反寒。鄭注見月令正義云：四時之間，合于黃道者，廣雅月行九道云：四季之月，還從黃道。漢志紀月之行，止言其四時，從青赤白黑之間，而不及黃道，故鄭補其未備。

月之從星，則以風雨。

**疏**

鄭康成曰

不言日者日之從星不可見故也。

**疏**

漢書天文志云箕星為風東北之星也。及箕在東南為風其星軫也。月去中道移而東北入箕若東南入軫則多風西方為雨雨少陰之位也。月失中道移而西入畢則

多雨。書曰星有好風星有好雨。月之從星則以風雨言失中道而東西也。漢書云月有九行黑道二出黃道北赤道二出黃道南白道二出黃道西青道二出黃道東立春春分從青道立夏夏至從赤道立秋秋分從白道立冬冬至從黑道。然一決之於房中道若月失道而妄行出陽道則旱風出陰道則陰雨箕軫之星為風畢星為雨故月失度入箕軫則多風入畢星則多雨。天官書云月行中道安寧和平論衡明零篇云月之行大三十日而周一月之中一過畢星開元占經十三引河圖帝覽嬉云月行中道是謂安寧天下和平又占經十一引石氏云明王在上用行依道若主不明臣執勢則月行失道則月行乍南乍北女主外戚擅權則或進退臆臆皆君臣刑德不正之咎也。鄭注見書疏云不言日者日之從星不可見者即天文志所云日行不可指而知也。月令孟春之月日在營室所以知日在星分者注云日月之行一歲十二會聖王因其會而分之以為大數焉。觀斗所建命其四時此云孟春者日月會於諏訾而斗建寅之辰也。然則欲知日行以月行與日會于十二次測之欲知會于何次以斗建知之日光盛則星微而不見也。

九

五福 一曰壽 一曰富 一曰壽 一作一曰富

**疏**

說苑建本篇云河間獻王曰夫穀者國家所以昌熾士女所以姣好禮義所以行而人心所以安也尚書五福以富

為始據此則今文尚書為一曰富也。一曰富則當云二曰壽矣。江王段三君均未及指出。

一曰富

**疏**

富一作壽 二曰康寧 四曰攸好德 五曰考

終命 **疏** 鄭曰此數本諸其尤者福是人之所欲以尤欲者為先極是人之所惡以尤所不欲者為先

以下緣人意輕重為次耳康寧人平安也攸好德人皆好好有德也考終命考成也終性命謂皆生佼好


以至老也此五者皆是善事自天受之故謂之福福者備也備者大順之總名

**疏**

漢書五行志云視之不明其極疾順之其福曰壽

之不聽。其極貧。順之。其福曰富。晉之不從。其極憂。順之。其福曰康寧。貌之不恭。其極惡。順之。其福曰攸好德。思心之不容。其極凶。短折。順之。其福曰考終命。此蓋劉向今文說也。與鄭氏異。壽者。詩傳云考也。廣雅釋詁云久也。鄭注大傳云視曰火。火主夏。夏氣長。長氣失。故於人爲疾。案反疾爲壽者。夏氣得遂其長也。富者。郊特性云富也者福也。鄭注曲禮云富之言備也。富無所不備。故今文以爲五福之始。中庸言舜富有四海之內。孟子謂豐年謂富歲。鄭注大傳云聽曰水。水主冬。冬氣藏。藏氣失。故於人爲貧。案反貧爲富者。冬主固藏。藏富於民。則用不竭也。康者。釋詁云樂也。寧者。詩傳云安也。說文云木至西方戰慄。釋言云慄。慄。慄也。鄭注大傳云言曰金。金主秋。案大傳云秋者愁也。秋氣主愁。愁者憂也。反憂爲康寧。鄭云秋氣殺。殺氣失。故於人爲憂。似非也。故易之攸者。釋言云所也。所好德。言好善。鄭注大傳云貌屬木。木主春。春氣生。生氣失。故於人則爲惡。案東方德。西方刑。失其氣則惡。順之則好德也。考者。說文云老也。終命。謂終其正命。鄭注大傳云思心曰土。土主四時。四時主消息。生殺長藏之氣。風亦出內。雨暘寒燠之徵。皆所以殖萬物之性命者也。殖氣失。則於人爲凶。短折。案反凶短折爲考終命者。五行大義云土其時季夏季老也。萬物於此成就方老。王于四時之季。故曰老也。萬物老而成就。是考終命也。詩傳云考成也。檀弓子張曰君子曰終。注云事卒爲終。鄭注見書疏及詩既醉疏云緣人意輕重爲次者。以不循五行五事之次也。云終性命。謂皆生佼好以至老者。鄭以考終命與惡反對。故爲此說也。孝經云身體髮膚受之父母。不敢毀傷。謂不爲五刑所傷。鄭說生佼好以至老。謂此矣。

### 六極 一曰凶短折 二曰疾

三曰憂 四曰貧 五曰惡 六曰弱  馬融曰凶終也。鄭康成曰未齒曰凶。未冠曰短。未婚曰折。

愚懦不壯毅曰弱。凶短折皆是天枉之名。凶短折。思不容之罰。疾。視不明之罰。憂。言不從之罰。貧。聽不聰之罰。惡。貌不恭之罰。弱。皇不極之罰。反。此而云王者思容則致壽。聽聰則致富。視明則致康寧。言從則致攸好德。貌恭則致考終命。所以然者。不但行運氣性相感。以義言之。以思容則無擁。神安而保命。

故壽。若蒙則不通。殤神天性。所以短折也。聽聰則謀當。所求而會。故致富。違而失計。故貧也。視明照了。性得而安寧。不明以擾神而疾也。言從由於德。故好者德也。不從而無德。所以憂耳。貌恭則容儼。形美而成性。以終其命。容毀故致惡也。不能爲大中。故所以弱也。

**疏**

六極之極。詩苑柳。後予極焉。箋云。極。誅也。釋詁作殛。誅也。言不順天降之罪罰。漢書五行志云。思心

之不容。是謂不聖。貌言視聽。以心爲主。四者皆失。則區糴無識。故其咎糴也。雨旱寒奧。亦曰風爲本。四氣皆亂。故其罰常風也。常風傷物。故其極凶短折也。傷人曰凶。禽獸曰短。草木曰折。一曰凶。天也。兄喪弟曰凶。父喪子曰折。此今文說也。今文以爲君行失中。則有人物夭折之咎。故以禽獸草木及兄喪弟。父喪子爲說。言其咎延於民物也。志又云。視之不明。言上不明。則不能知善惡。亡功者受賞。有罪者不殺。百官廢亂。失在舒緩。故其咎舒也。盛夏日長。暑以養物。政弛緩。故其罰常奧也。奧則冬溫。春夏不和。傷病民人。故其極疾也。又云。言之不從。言上號令不順。故其咎僭也。僭。差也。刑罰妄加。羣陰不附。則陽氣勝。故其罰常陽也。旱傷百穀。則有寇難。上下俱憂。故其極憂也。又云。聽之不聰。言上偏聽不聰。下情隔塞。則不能謀慮利害。失在嚴急。故其咎急也。盛冬日短。寒曰殺物。政促迫。故其罰常寒也。寒則不生百穀。上下俱貧。故其極貧也。又云。貌之不恭。人君失在狂易。故其咎狂也。上慢下暴。則陰氣勝。故其罰常雨也。水傷百穀。衣食不足。則姦軌並作。故其極惡也。一曰。民多被刑。或形貌醜惡。亦是也。又云。皇之不極。是謂不建。皇君也。極中。建立也。大君貌言視聽。思心五事皆失。不得其中。則不能立萬事。失在賤悖。故其咎賤也。王者自下承天理物。雲起於山。而彌於天。天氣亂。故其罰常陰也。一曰。上失中。則下彊盛。而蔽君明也。易曰。亢龍有悔。貴而亡位。高而亡民。賢人在下位。而亡輔。如此。則君有南面之尊。而亡一人之助。故其極弱也。此皆今文說。不以爲注者。以是向歆之言。今之大傳。佚其文也。後漢書鄭崇傳。崇諫曰。臣聞師曰。逆陽者厥極弱。逆陰者厥極凶短折。犯人者有亂亡之患。犯神者有疾夭之禍。亦書說也。馬注見釋文。云凶終者。謂凶短折。不以天年終也。鄭注見史記集解。及書疏。云未齕曰凶者。說文云。齕。毀齒也。男八月生齒。八歲而齕。女七月生齒。七歲而齕。則未齕。謂七歲以下。喪服傳所謂無服之殤也。中古男子二十而冠。三十而娶。未冠曰短。謂不及二十。未昏曰折。謂不及三十也。以思不容。則凶短折。爲壽之反。與五行志爲考

終命之反異義者。鄭既以凶短折爲未齒未冠未昏之屬。不以爲凶終。及人物夭折。故反之。則爲壽也。以聽不聽。則貧爲富之反。與五行說同。云聽聽則謀當所求而會。故致富。違而失計。故貧。卽五行志所謂偏聽不聽。下情隔塞也。以視不明則疾。爲康寧之反。與五行志言不從則疾。爲憂之反。異義及以貌不恭則惡。爲考終命之反。與五行志思心不容。則凶短折。爲考終命之反。異義似鄭說。俱遜于今文說也。以不能爲大中所以弱。與五行志同。

## 卷十三

### 金縢第十三 周書四

**疏**

書序云。周公作金縢。史記魯周公世家載其文。又云周公奉王命。興師東伐。作大誥。又云寧淮夷東土。二年而畢定。是以周公居東二年。爲伐叛。非避居也。又云唐叔得禾。成王命唐叔以餽周公於東土。作餽禾。周公既受命禾。嘉天子之命。作嘉禾。下云東土

以集。周公歸報成王。乃爲詩貽王。命之曰鴟鴞。王亦未敢訓周公。案金縢篇中。有公乃爲詩以貽王。命之曰鴟鴞等詞。是金縢作于大誥歸禾嘉禾之後。今篇次在前者。以禱疾事在二年也。史記又載成王病。周公祝神藏策。成王用事。周公被譖奔楚。成王發府見禱書。反周公。是非因天變開金縢。又載周公卒後。乃有暴風雷雨。命魯郊祭之事。是經文秋大熟已下。必非金縢之文。孔子見百篇之書。而序稱周公作金縢。周公不應自言死後之事。此篇經文當止於王翼日乃瘳。或史臣附記其事。亦止于王亦未敢誚公也。其秋大熟已下。考之書序。有成王告周公作薄姑。則是其逸文。後人見其詞。有以啓金縢之書。乃以屬于金縢耳。說詳後疏。但馬鄭曾見孔壁古文。不爲別白者。馬鄭所守衛宏賈逵古文說。又與史公之間。故孔氏安國者不同。經文傳之既久。不可改易。仍爲一篇。分行以別之。通經碩儒。以爲然否。

既克商二年

**疏** 二年者。史記周本紀云。十一年伐紂。則此為武王十三年。詩豳譜疏引鄭注云。武王於文王崩後六年伐紂。後二年有疾。則此為武王之十五年也。史記集解引皇甫謐曰。武王元年歲在乙酉。則此年歲在丙戌也。蓋帝王

世紀之說。尤不足信。

王有疾弗豫

**疏** 史遷弗作不豫一作念。曲禮疏引白虎通曰。天子病曰不豫。言不復豫政也。今本白虎通脫文。史公為不豫者。書序武王有疾。釋文云。馬本作有疾不豫。論

衡死偽篇。後漢禮儀志。皆引作不豫。與史公同也。豫。說文作念。云喜也。引此經。釋文云。豫本又作忤。案忤非古字。

二公曰。我其為王穆卜。周公曰。未可以戚我

先王。史遷說太公召公乃繆卜。穆一作睦。鄭康成曰。二公欲就文王廟卜。戚。憂也。未可憂怖我

先王也。周公既內知武王有九齡之命。又有文王曰。吾與爾三之期。今必瘳。不以此終。故止二公之卜。

**疏**


穆者。釋詁云。穆。穆敬也。單言亦為敬。一切經音義引作睦。並引孔傳云。睦。敬也。睦音近穆。蓋正義已前本說文。睦。一曰敬和也。史記司馬相如傳。曼曼睦睦。漢書作穆穆。史公穆作繆者。集解引徐廣曰。古書穆字多作繆。鄭注見史記集解。及書疏云。二公欲就

文王廟卜者。尚書多士云。乃穆考文王。周家世次。文王為穆。武王為昭也。戚為憂者。詩傳云。戚。憂也。怖者。說文。怖。惶也。或作怖。言未可憂怖我先王者。入廟當行吉禮。未可以疾病請禱。當於壇也。云周公既內知文王有九齡之命云云者。見文王世子載其事。云今必瘳。不以此終者。書疏引鄭志云。弟子趙商問曰。若武王未終。疾固當瘳。信命之終。雖請不得。自古以來。何患不為。鄭答曰。君父疾病方困。忠臣孝子。不忍默爾。視其歎。歎歸其命於天。中心惻然。為之請命。周公達於此義。著在尚書。若君父之病。不為請命。豈忠孝之志也。案周公欲自禱請代。故止二公之卜。疑戚為近。未可以戚我先王。謂此大事。未可僅禱於考廟。當并禱太王。王季於壇耳。不應如鄭說也。

公乃自以為功。史遷功作質。為二壇。

同壇為壇于南方北面。周公立焉。馬融曰。壇。土堂。鄭康成曰。時為壇。壇於豐。壇壇之處。

猶存焉。



功者釋詁云功質成也功與質同訓壇者說文云祭場也壇者詩傳云除地町町者蓋既除地為壇又加三壇其上鄭注祭法云封土曰壇除地曰壇引此文史公功為質者晉語云沈璧以質注云質信也沈璧以自誓為信自以為質者


以身為質也馬注見釋文云壇土堂者公羊莊十三年傳莊公升壇注土基三尺土階三等曰壇鄭注見書疏云時為壇壇於豐地理志豐水出縣東南今為陝西長安縣地

植璧秉珪



史遷植作戴珪

作圭鄭康成曰植古置字



周禮大宗伯以玉作六器以禮天地四方注云謂始告神時薦於神坐書曰周公植璧秉珪是也秉者釋詁云執也言植璧於秉珪於手史公植作戴者戴亦植也鄭注喪大記云戴之

言植植與值通易林需之无妄又作載月令釋文戴本作載是戴亦通載圭為珪者說文圭古文作珪鄭注見書疏云植為古置字者熹平石經論語置其杖而芸今作植說文植重文作權故知權置為古字

乃告太王王季

文王史乃册祝曰惟爾元孫某遘厲虐疾



史遷册作策某作王發遘厲虐疾作勤

勞阻疾阻一作淹鄭康成曰策周公所作謂簡書也祝者讀此簡書以告二王諱之者由成王諱之也



史佚也洛誥云作册逸誥逸即史佚册說文有册字云告也疑孔壁古文册作册與下納册之册異祝者說文云祭主贊詞者武王於太王為曾孫此稱元孫者猶召誥云元子邁者易彖傳云遇也厲者釋名云疾氣也中人如磨厲傷物也虐者廣雅釋詁

云惡也言遇厲氣致惡疾史公册作策者策與册經典通字聘禮云百名以上書於策不及百名書於方注云名書文今謂之字策簡也方板也疏云簡者未編之稱策是衆簡相連之名案說文云册象其札一長一短中有二編之形古文作册知册即策也某為王發者發武王名禮臨文不諱又父則子名古文本作王發與鄭康成所見本異也云勤勞阻疾者遘厲為勤勞蓋古今文之異非史公詁訓言武王勤勞以致險疾也說文云阻險也集解引徐廣曰阻一作淹淹與險聲相近疑經文本作淹疾史公易為阻也淹久也見廣雅釋詁鄭注見史記集解及書疏

若爾二王是有丕子之責于天



史遷丕作負馬讀如字鄭康成曰丕讀曰

不愛子孫曰子元孫遇疾若汝不救是將有不愛子孫之過為天所責欲使為之請命也

**疏** 史公丕作負者曲禮

疏引白虎通曰諸侯疾曰負子子民也言憂民不復子之也後漢書隗囂傳囂告州牧部監等曰申命百姓各安其所庶無負子之職蓋謂民安其所乃無背棄子民之咎以負為背也段氏玉裁云此文是有負子之責于天言武王有背棄子民之咎而將死也馬融讀如字見釋文云丕普悲反馬同馬氏蓋訓不為大與史公鄭康成俱異義者言天與三王以大慈愛其子孫之責任也鄭注見書疏丕讀曰不樂記云易直子諒之心注云子讀如不子之子用此經文史記索隱引作讀曰負恐誤也云愛子孫曰子者中庸子庶民注云子猶愛也

以日代某之身 **疏** 史遷某作王發予仁若考能多材多藝能事鬼神 **疏** 史遷予仁

若考能作日巧能乃元孫不若日多材多藝不能事鬼神 **疏** 史遷元孫作王發若作如 **疏**

史公某及元孫皆作王發者古文如是予作且考能作巧能知考字當為巧仁若考能言仁順巧能也不若不能兩不字當讀為丕語詞中庸引詩曰不顯惟德鄭注云不顯言顯也則此言我多材藝能事鬼神乃元孫武王豈不多材藝能事鬼神乎事鬼神者謂生而主其祀事非謂死而事之偽傳孔疏說皆非也 乃命于帝庭敷佑四方 **疏** 馬融曰武王受命于天帝之庭布其道以佑助四

方 **疏** 帝庭者詩文王云文王陟降在帝左右傳云帝天是也敷者詩傳云布也佑同祐說文祐助也馬注見史記集解 用能定爾子孫于下地四方之民罔不

祇畏嗚呼無墜天之降寶命我先王亦永有依歸 **疏** 史遷爾作汝祇作敬寶作葆鄭康

成曰降下也寶猶神也有所依歸為宗廟之主也 **疏** 祇者釋詁云敬也墜當為隊說文云從高隊也詩禮釋文俱云墜本作隊國語注墜失也史公寶作葆者易繫辭聖人之大寶



曰位。釋文引孟喜本作保。留侯世家集解引徐廣曰。史記珍寶字皆作葆是也。鄭注見史記集解。云寶猶神也者。後漢皇甫嵩傳注云。寶器猶神器也。故云寶猶神也。

今我即命于元龜。馬融曰。元

龜大龜也。爾之許我。我其以璧與珪。歸俟爾命。馬融曰。待汝命。武王當愈。我當死也。爾

不許我。我乃屏璧與珪。史遷珪俱作圭。

即者。釋詁云。就也。命謂命龜已下。至屏璧與珪。皆命龜詞也。馬注俱見史記集解。云元龜大龜者。馬注西伯戡黎云。長尺二寸。

白虎通著龜篇。引禮三正記云。天子龜長一尺二寸。諸侯一尺。大夫八寸。士六寸。許者。廣雅釋詁云。聽也。俟者。釋詁云。待也。屏同屏。廣雅釋詁云。藏也。詩傳云。屏蔽也。義亦近藏。藏之者。禮記曾子問云。天子諸侯將出。以幣帛皮圭告於神明。奉以出。必告設奠。卒斂幣玉。藏兩階之間。是藏幣玉之事。曲禮正義云。金縢告太王。王季文王云。爾之許我。乃卜三龜。一襲吉。是能傳神命也。又云。假爾秦龜有常。假爾秦誓有常。爾謂指著龜也。是爾之許我已下。為命龜之詞。乃卜三龜。一習吉。

啓籥見書。乃并是吉。史遷說周公已令史策告太王。王季文王。欲代武王發。於是乃即三王

而卜。卜人皆曰吉。發書視之。信吉。周公喜。開籥。乃見書。遇吉。馬融曰。籥藏卜。兆書管。鄭康成曰。籥。開藏

之管也。開兆書藏之室。以管。乃復見三龜。占書亦合。於是吉。啓。一作開。三龜者。史公以為即三王而卜。是太

之意也。習者。易象上傳云。習坎重險也。是習為重籥者。說文云。書。僮竹筮也。又云。穎川人名。小兒所書寫為筮。廣雅釋器云。籥。籥也。一切經音義引纂文云。關西以書籥為書籥。然則籥者竹籥。非管籥也。說文所用古文書義也。并者。漢書集注云。合也。史公云。發書視之。信吉。又云。開籥。乃見書。遇吉。則亦以籥為管籥也。云遇吉者。論衡卜筮篇云。周武王不豫。周公卜三龜。公曰。乃逢是吉。逢者。釋詁云。遇也。故史公作遇。逢之與并。亦聲相轉也。馬注見釋文。鄭注見書疏。云。籥卜兆書管者。周禮卜師。掌開龜之四兆。注云。開謂出其占書也。

書金縢曰。開籥見書。是謂與。又地官司門掌管鍵以啓閉國門。注鄭司農云。管謂籥。鍵謂牝。說文闕。闕下牝也。据先後鄭以籥爲管。鍵爲牝者。方言云。戶鑰自關而東謂之鍵。自關而西謂之鑰。文選注引鄭氏易注云。齊魯之間。名門戶及藏器之管曰籥。蓋籥與鑰同。鍵亦通稱。內有牡鍵。公曰。體王其罔害。史遷無體字。說爲入賀武王曰。罔作無。體謂龜之四體。中庸云。以牝管關之也。

注云。四體謂龜之四足。春占後左。夏占前左。秋占前右。冬占後右。周禮占人。凡卜筮。君占體。大夫占色。史占墨。卜人占坼。注云。體。兆象也。引此文。罔作無云。凡卜象吉色善。墨大坼。明則逢吉。玉藻卜人定龜。史定墨。君定體。彼注云。視兆所得也。引周公曰。體王其無害。亦作無。是與史記同也。予小子新命于二王。惟永終是圖。茲攸俟。能念予一人。史遷以此爲賀

武王之詞。予小子作旦。新命作新受命。永作長。茲攸俟作茲道。馬融曰。一人。天子也。鄭康成曰。茲。此也。

予小子。周公自稱。新命者。繫新以受三王之命。卽周本紀所云。祓齋自爲質也。釋詁云。永。長也。圖。謀也。茲。此也。攸者。釋言云。所也。念者。方言云。常思也。予一人。謂武王也。言我小子繫新以受命於三王。惟長終是謀。此所俟者。祖宗能念武王耳。周公自稱予小

子。則予一人。必謂武王。白虎通號篇云。尚書曰。王者自謂一人者。謙也。言已材能。當一人耳。臣下謂之一人。何亦所以尊王者也。以天下之大。四海之內。所共尊者。一人耳。史公攸作道者。攸與猷聲相近。方言云。猷。道也。故說爲道。馬鄭注。俱見史記集解。公

歸。乃納册于金縢之匱中。王翼日乃瘳。史遷翼作明。納作藏。鄭康成曰。縢。束也。凡藏祕

書。藏之於匱。必以金緘其表。翼。一作翌。則繫幣而比其命。歲終則計其占之中否。注杜子春云。繫幣者。以帛書其占。縢者。詩傳云。繩也。又約也。匱者。王逸注楚詞云。匣也。周禮占人。凡卜筮。既事

繫之於龜也。元謂既卜筮。史必書其命龜之事。及兆繫于策。繫其禮神之幣。而合藏焉。引此經。王與大夫盡弁之文。云是命龜者。據此是納册爲卜筮之常事。非公欲爲此。以待後日之發視也。翼者。釋言云。明也。郭注引此作翌。唐顏師古李善等注書。引此俱作翌。說文

作豈云明日也。翼蓋假借字。廖者詩傳云愈也。史公納册作藏策者。漢書集注云納藏也。鄭康成注見書疏云金緘其表者一切經音義引字林云緘束篋也。魯語云得之金櫝注云櫝匱也。金以金帶其外也。帶其外即鄭所謂緘其表。

### 武王既

喪禮史遷作其後武王既崩鄭康成曰文王十五生武王九十七而終終時武王八十三矣於文王

受命為七年後六年伐紂後二年有疾疾瘳後二年崩崩時年九十三矣

疏

喪者白虎通崩薨篇云喪者亡也人死謂之喪何言其喪亡不

可復得見也不直言死稱喪者何為孝子之心不忍言也尚書曰武王既喪鄭注見詩豳譜疏云文王九十七而終武王崩時九十三矣據文王世子之文鄭以既喪為免喪釋詁云卒既也既喪謂終三年喪之後見下疏

### 管叔及其羣

弟乃流言于國曰公將不利于孺子禮史遷孺子作成王鄭康成曰管國名叔字周公兄

武王弟封於管羣弟蔡叔霍叔武王崩周公免喪欲居攝小人不知天命而非之故流公將不利於孺

子之言於京師孺子謂成王也

疏

管叔名鮮史記周本紀云封弟叔鮮于管管蔡世家云文王長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰成叔武次曰霍叔處次

曰康叔封次曰冉季載是管叔為周公兄武王弟周書作洛解云武王立王子祿父俾守商祀建管叔於東建蔡叔霍叔於殷俾監臣是羣弟即謂蔡叔霍叔也管蔡世家云管叔蔡叔疑周公之為不利於成王不言霍叔霍叔既與蔡叔同監殷則羣弟兼及霍叔矣流言者荀子致仕篇云凡流言流說楊倞注云流者無根源之謂呂覽知度篇云不好淫學流說高誘注云邪說謂之流說詩破斧疏引書傳曰武王殺紂繼子祿父及管蔡流言奄君薄姑謂祿父曰武王已死成王幼周公見疑矣此百世之時也請舉事然後祿父及商奄畔此即流言之事也孺子者說文云孔子也史記魯周公世家云武王既崩成王少在強葆之中周公恐天下聞武王崩而畔周公乃踐阼代成王攝行政當國管叔及其羣弟流言於國曰周公將不利於成王此史公從孔安國問故而為之說是武王崩時成王在

葆抱中。文選魏都賦注。襁負引博物志。織縷爲之。以約小兒於背上。是成王年止一二齡也。淮南要略篇云。武王立三年而崩。成王在襁褓之中。未能用事。蒙恬列傳。恬曰。昔成王初立。未離襁褓。周公且負王以朝。是亦以成王在襁褓。恬親見百篇。未毀之書。當可信也。琴操云。武王崩。太子誦年七歲。周易集解引干寶云。武王之崩。年九十三矣。而成王八歲。古尙書說云。武王崩時。成王年十三。說俱乖異。古尙書說。蓋衛賈所說。孔壁古文。又與史公所問之故異也。文王世子云。成王幼不能泄阼。周公相踐阼而治。抗世子法於伯禽。欲令成王之知父子君臣長幼之道也。成王有過。則撻伯禽。所以示成王世子之道也。案周公踐阼時。欲令成王知父子君臣長幼之道。則非強葆中矣。故鄭不從史公說也。鄭注見詩譜疏云。周公免喪居攝者。鄭注詩鴟鴞。亦云。時周公竟武王之喪。欲攝政成周道。致太平之功。是以周公爲免喪居攝。則以既喪爲終喪也。既與終。語之轉。詩伐木曰。終和且平。卽邶曰。既和且平。與史公說異。檀弓云。古者天子崩。王世子聽於冢宰三年。春秋定四年傳云。周公爲太宰。据此則太宰禮當攝政。至免喪猶攝政。故管蔡疑之也。

公乃告二公曰。我之弗辟。我無以告我先王。周公居東二年。史公說爲周公告

太公望召公奭曰。我之所以弗辟而攝行政者。恐天下畔周。無以告我先王。於是宰相成王。管蔡武庚

等。果率淮夷而反周公。乃奉成王。命興師東伐。遂誅管叔。殺武庚。放蔡叔。又云。寧淮夷東土。二年而畢

定。馬融曰。辟。謂辟居東都。鄭康成曰。我今不辟孺子而去。我先王以謙讓爲德。我反有欲位之謗。無以

告于先王。言媿無辭也。居東者。出處東國待罪。以須君之察已。辟者。說文作𡗗。云法也。周書曰。我之不辟。今本

說文法作治。釋文引治作法。許氏言我之不法。

謂我不以法治管蔡。則天下畔周。無以告我先王。字與史公異。而意同。蓋古文說也。史公以居東爲興師東伐。以二年爲寧淮夷東土。二年而畢定者。周書作維解云。武王克殷既歸。乃歲十二月崩。鎬殯于岐周。二公立相天子。三叔及殷東徐奄及熊盈以畔。周公召公

內弭父兄外撫諸侯。元年夏六月葬武王于畢。二年又作師旅臨衛政殷。殷大震潰降辟。三叔王子祿父北奔。管叔經而卒。乃以蔡叔于郭凌。是亦以居東爲東伐也。詩幽譜疏引書傳。周公居攝一年救亂。二年克殷。三年踐奄。是歐陽夏侯等亦不以居東爲辟居也。馬注見釋文。鄭注見幽譜疏。馬鄭俱讀辟爲避者。墨子耕柱篇云。周公旦非闕叔辭三公。東處於商。蓋卽奄也。越絕書云。周公傅相成王。管叔蔡叔不知周公而讒之。成王周公乃辭位出巡狩于邊。論衡感類篇云。古文家以武王崩。周公居攝。管蔡流言。王意狐疑。周公奔楚。故天大雷以悟成王。皆與鄭合。周頌離疏引鄭以武王十二月崩。成王三年二月禫。周公避流言而出。明年春禫。是鄭以周公居東。在成王禫後也。此說與史公說又異。蓋今文說如此。王氏充以爲古文者。今文亦古說也。則罪人斯

得。史遷說管蔡武庚等果率淮夷而反周公。乃奉成王命興師東伐。作大誥。遂誅管叔。殺武庚。放

蔡叔。箕康成曰。罪人周公之屬黨。與知居攝者。周公出皆奔。今二年盡爲成王所得。謂之罪人。史書成

王意也。罪其屬黨。言將罪之。罪人。史公以爲管蔡。白虎通誅罰篇云。尙書曰。肆朕誕以爾東征。誅弟也。又云尙書曰。誕以爾東征。誅祿甫也。此古文家說。詩鴟鴞云。既取我子。無毀我室。傳云。寧亡二子。不可以毀我

周室。詩幽譜疏云。二子謂管蔡。然則毛解金縢之文。其意皆異於鄭。又云毛以罪人斯得。爲得管蔡。周公居東。爲東征也。是毛公與史公同以罪人爲管蔡。蓋古文說也。鄭注見詩鴟鴞疏。以罪人爲周公之屬黨者。鄭以詩鴟鴞云。既取我子。無毀我室。箋云。時周公竟武王之喪。欲攝政。成周道。致太平之功。管叔蔡叔等流言云。公將不利於孺子。成王不知其意。而多罪其屬黨。與者。喻此諸臣。乃世臣之子孫。其父祖以勤勞有此官位土地。今若誅殺之。無絕其位。奪其土地。是鄭釋詩之言而爲此說。周易集解。蒙初六。用說桎梏。干寶云。此成王始覺周公至誠之象。將正四國之罪。宜釋周公之黨。則與鄭說同也。鄭以成王迎周公歸攝政後。東伐四國。則居東之時。所言罪人。非管蔡也。于後。鄭康成曰。于二年後也。公乃爲

詩以貽王。名之曰鴟鴞。史遷名作命。鄭康成貽作怡。曰怡悅也。周公傷其黨屬無罪將死。恐

其刑濫。又破其家。而不敢正言。故作鷓鴣之詩。以貽王。今豳風鷓鴣也。鬻子斥成王。

**疏** 貽當為詒。詩國風自詒伊阻。詒我彤

管。釋文皆作詒。云本又作詒。貽俗字。豳風鷓鴣詩序云。鷓鴣。周公救亂也。成王未知周公之志。公乃為詩以遺王。名之曰鷓鴣焉。詒作遺者。爾雅釋言云。詒。遺也。鷓鴣者。釋鳥云。鷓鴣。方言云。自關而東謂桑飛曰鷓鴣。詩疏引陸機疏云。鷓鴣似黃雀而小。其喙尖如錐。取茅莠為窠。幽州人謂之鷓鴣。或曰巧婦。或曰女匠。關東謂之工雀。或謂之過羸。關西謂之桑飛。或謂之襪雀。或曰巧女。鄭注見詩豳譜疏。及鷓鴣疏。云怡悅者。釋詁云。怡。樂也。內則注。怡。悅也。樂即悅。云傷其屬黨。無罪將死。恐其刑濫。又破其家者。因詩有既取我子。無毀我室。而釋其意。鷓鴣疏云。馬昭云。公黨已誅。請之無及。故但言請子孫土地。斯不然矣。鄭意以屬臣雖為王得罪。猶未加刑焉。馬昭之言。非鄭旨也。云鬻子斥成王。亦見鷓鴣疏。疏云。經解喻尊。猶言昊天斥王也。

王亦未敢誚公。

**疏** 史遷誚作訓。鄭康成曰。成王非周公意未解。今又為罪人言欲讓之。推其恩親。故未敢。

**疏** 誚者。方言云讓也。說

文。謂云古文譙。从言肖。周書曰。王亦未敢誚公。史公作訓者。廣雅釋詁云。訓。順也。洪範于帝其訓。是訓是行。宋徵子世家皆作順。蓋言王意亦不從周公之言也。段氏玉裁以訓為誚。字从立心。古文信字。言王亦未敢信公也。訛見玉篇。云信古文作訛。蓋今文尙書誚作信。亦或然也。經文自武王既喪至此。蓋史臣所記。以終周公作金縢之事。其秋大熟已下。今文以為周公死後之事。史記亦云周公卒後。秋大熟。考是毫姑逸文。故別行以別之。

秋大熟未穫。**疏** 史遷說為周公在豐病將沒。曰必葬我成周。以明吾不敢離成王。周公既卒。成王

亦讓葬周公於畢。從文王。以明予小子不敢臣周公也。周公卒後。秋未穫云云。鄭康成曰。秋。謂周公出

二年之後。明年秋也。**疏** 此秋大熟已下有脫簡。不知何年秋也。穫者。說文云。刈穀也。史公說為周公卒後。秋未穫。並言周公在豐病將沒。欲葬成周之事。合之書序。云周公在豐將沒。欲葬成周。公薨。成王葬于畢。告周公作毫姑。則

此是毫姑逸文。成王所作與周公所作金縢，別是一篇。毫姑篇今亡，猶可以此考見。其云告周公者，蓋以天變祝告改葬之，則所云惟朕小子，其迎我國家禮，亦宜之。謂惟我小子，其逆於國家，應有之禮，亦宜有此天變也。必後人因其文，有以金啓縢之詞，誤合于金縢耳。又案大傳云：周公致政，封魯三年之後，周公老於豐，心不敢遠成王，而欲事文武之廟。然後周公疾曰：吾死，必葬于成周，示天下臣于成王。及周公薨，成王欲葬之于成周，天乃雷電以風，禾即盡偃，大木斯拔，國人大恐。成王曰：周公生欲事宗廟，死欲聚骨于畢，畢此文王之墓地，故周公死，成王不葬于國而葬之于畢，示天下不敢臣也。所以明有功，尊有德，故周公封於魯，身未嘗居魯也。思孝之道，成在成王周公之間，故魯郊，成王所以禮周公也。已上大傳據孔氏廣林集本。又史記魯世家云：初，成王少時病，周公乃自揃其蚤，沈之河，以祝於神曰：王少未有識，奸神命者乃且也。亦藏其策於府。成王病有瘳，及成王用事，人或譖周公，周公奔楚。成王發府，見周公禱書，乃泣反周公。又徵之蒙恬傳，恬曰：昔周成王初立，未離襁褓，周公旦負王以朝，卒定天下。及成王有病甚殆，公旦自揃其爪以沈於河，曰：王未有識，是且執事有罪殃，且受其不祥，乃書而藏之記府。及王能治國，有賊臣言周公旦欲爲亂久矣，王若不備，必有大事。王乃大怒，周公旦走而奔於楚。成王觀于記府，得周公旦沈書，乃流涕曰：孰謂周公旦欲爲亂乎？殺言之者，而反周公旦。恬時百篇之書未焚，當親見之，而爲此說。史公用其言以作魯世家，是周公尙有爲成王禱疾之事。避居後，成王發府得書，迎周公，其暴風雷雨之事，在周公卒後也。琴操云：周金縢者，周公作也。書曰：武王薨，太子誦襲武王之業，年七歲，不能統理海內，周公爲攝政。是時周公因誅管蔡之後，有謗公於王者，言公專國大權，詐謀將危社稷。成王聞之，欲囚周公，周公乃奔于魯而死。成王以公禮葬之，天乃大暴風疾，雨禾稼皆偃，水折傷，成王懼而發金縢之書，見周公所爲武王禱命以身贖之書，成王執書而泣曰：誰言周公欲危社稷者？取所讒公者而誅之。天乃反風霽雨，禾稼復起。此言周公視譖奔魯，在誅管蔡之後，與史記同，而不言爲成王禱疾。易林需之无妄云：載璧乘珪，請命于河，周公剋敏，沖人瘳愈，亦言爲成王請命。蓋古文書說，然則墨子亦見百篇之文，以爲非管叔東處於商，蓋者，或周公辟居兩

次，或諸子誤以誅管蔡後避居爲東征與。

天大雷電以風，禾盡偃，大木斯拔，邦人大恐，王與大夫盡弁。

史

遷說大雷電以風爲暴風雷雨，斯爲盡弁爲朝服。古尙書說云：武王崩時，成王年十三，後一年，管蔡作

亂。周公東辟之。王與大夫盡弁以開金縢之書。成王年十四。言弁明知已冠矣。鄭康成曰。弁。爵弁。天子諸侯十二而冠。成王此時年十五。于禮已冠而爵弁者。承天變故降服也。以啓金縢之書。鄭

康成曰。開金縢之書者。省察變異所由故事也。乃得周公所自以為功代武王之說。說

史遷一作簡。

**疏**

大雷電以風。電當為雨。偃者。孔氏安國注論語云。仆也。史公為暴風雷雨者。漢書周舉傳。注應邵引洪範五行傳。作大雷雨。論衡感類篇。亦作雷雨。則電為誤字。斯為盡者。高誘注呂氏春秋云。斯猶盡也。弁為朝服者。周禮

司服云。視朝皮弁。玉藻云。皮弁以日視朝。故史公以朝服釋弁也。古尙書說見公羊傳。隱元年疏。許君謹案。武王崩。成王年十三。若十四而已冠。是喪冠也。不從古尙書說。云成王年十四者。譙周五經然否論。引此異義云。武王崩後。管蔡作亂。周公出居東。是歲大風。王與大夫冠弁。開金縢之書。成王年十四。是喪冠也。蓋不以秋大熱為二年後。與鄭異也。鄭注見書疏。詩芄蘭疏。云弁。爵弁者。穀梁文十二年傳疏。云爵弁者。儀禮士冠禮。三加爵弁。注云。爵弁尊。江氏聲云。此以爵弁為降服者。爵弁非天子之服。蔡邕獨斷云。冕冠。周用爵弁。又云。以三十升布為毅。廣八寸。長尺二寸。加爵冕其上。周黑而赤。如爵頭色。前小後大。周書曰。王與大夫盡弁。是同鄭說。鄭以不加爵冕。故曰降服也。云天子諸侯十二而冠者。左傳襄九年。晉侯問公年。季武子曰。會于沙隨之歲。寡君生。晉侯曰。十二年矣。國君十五而生子。冠而生子。禮也。君可以冠矣。淮南汜論訓。歲星十二歲而周天。天道十二而備。故國君十二歲而冠。冠而娶。十五生子。重國嗣也。鄭說本此。云成王年十五於禮已冠者。穀梁傳文十二年注。引譙周曰。書稱成王十五而冠。著在金縢。亦與鄭說同也。鄭注見書疏。又云。開金縢書。省察變異所由故事者。金縢之匱。藏先王舊章。必有可以考驗災異所由者。即可知消伏之術。成王不知有周公代武王之簡。亦在內也。說史公作簡者。徐廣曰。說一作簡。或今文字也。

一 公及王乃問諸

史與百執事。鄭康成曰。問者。問審然否也。對曰。信欵。史遷懿作有馬融曰。懿猶億也。



史公懿作有者言信有之魯世家藏其策金滕匱中上有云誠守者勿敢言故云信有也馬注見釋文云懿猶億者詩大雅懿厥哲婦箋云懿者有所傷痛之辭也疏引此經爲說易億喪貝釋文云本作噫干寶注億歎辭也又大雅抑篇楚語作懿章昭云懿讀曰抑

公命我勿敢言王執書以泣鄭康成曰泣者傷周公忠孝如是而無知之者曰其勿穆

卜史遷作自今後其無穆卜乎昔公勤勞王家惟予冲人弗及知史遷冲作幼今

天動威以彰周公之德惟朕小子其新迎史遷無新馬融新作親鄭康成曰新迎改

先時之心更自新以迎周公於東與之歸尊任之史遷冲作幼者漢書翟義傳注冲稚也稚亦幼也迎之義亦爲逆禹貢同爲逆河河渠書溝洫志皆爲迎河史公無新字則惟

朕小子其迎言有逆禮致天變也馬注見釋文新作親者言成王親迎周公毛詩東山序云東山周公東征也周公東征三年而歸詩九罭我覲之子衮衣繡裳傳云所以見周公也箋云王見周公當以上公之服往見之是毛氏亦同馬說也越絕書三云周公辭位出巡狩於邊一年天暴風雨又云王乃夜迎周公流涕而行周公反國

亦與此說同鄭注見詩東山疏云自新者成王悔不知周公之過我國國家禮亦宜之白虎通喪葬篇云周公以王禮葬何以爲周公踐祚

理政與天同志展與周道顯天度數萬物咸得休氣充塞原天之意子愛周公與文武無異故以王禮葬使得郊祭尙書曰今天動威以彰周公之德下言禮亦宜之今文說皆如是則上云惟朕小子其逆者言遭天變有逆禮之處逆非迎周公也又見後疏

出郊天乃雨反風禾則盡起馬融曰反風還反也鄭康成曰易傳云陽感天不旋日陽謂

天子也天子行善以感天不迴旋經日郊者郊祭也因郊祭而止天變遂賜魯以郊魯世家云於是成王乃命魯得郊祭文王白虎通喪葬篇亦云以王禮葬使得郊祭後漢書和帝紀詔曰成

王出郊而反風。注云：王乃出郊祭天，事見尚書禮運云：魯之郊禘非禮也。周公其衰矣。注言子孫不能奉行與之。禮器云：故魯人將有事於上帝，必先有事於頻宮。注云：上帝，周所郊祀之帝，謂蒼帝靈威仰也。魯以周公之故，得郊祀上帝，與周同。郊特性云：祭之日，王被袞以象天。注云：謂有日月星辰之章，此魯禮也。魯侯之服，自袞冕而下也。公羊僖卅一年傳曰：卜郊何以非禮？魯郊非禮也。何氏注云：以魯郊非禮，故卜爾。昔武王既沒，成王幼少，周公居攝，行天子事，制禮作樂，致太平，有王功。周公薨，成王以王禮葬之，命魯使郊，以彰周公之德，非正故卜。据此諸文，是魯郊明矣。王氏充以出郊為王出郊觀變，論衡感類篇云：開匱得書，覺悟泣過，決以天子禮葬公，出郊觀變，天止雨，反風禾盡起。馬注見史記集解云：風還反者，若風從東來，還反從西。鄭注見書疏引易傳者，後漢書郎顛傳云：易中孚傳曰：陽感天不旋日。注云：易中孚傳曰：陽感天不旋日，諸侯不旋時，大夫不過養，并引鄭注云：陽者，天子為善一日，天立應以善為惡，一日，天立應以惡為善。一時，天立應以善為惡，一時，天立應以惡為善。一歲，天亦立應以善為惡，一歲，天亦立應以惡為善。一說不旋日，立應之，不旋時，三辰間，不過期，從今日且至明日且也。陽，即指天子也。又周舉傳舉對策引易傳同，注以為易稽覽圖文，與此注同也。

一 公命邦人凡大木所偃盡起而築

之歲則大熟。史遷邦作國。馬融曰：築，拾也。禾為木所偃者，起其木，拾其下禾，乃無所失也。鄭

康成曰：文王崩後，明年生成王，則武王崩時，成王年十歲，服喪三年畢，成王年十二，明年將踐祚，周公

欲代之攝政，羣叔流言，周公辟之，居東都時，成王年十三也。居東二年，成王收捕周公之屬黨，時成王

年十四也。明年秋大熟，遭雷風之變，時周公居東三年，成王年十五，迎周公反，而居攝之元年也。居攝

四年，封康叔作康誥，是成王年十八也。故書傳云：天子太子十八稱孟侯。五年作召誥，七年作洛誥，伐

紂至此十六年也。作康誥時成王年十八。洛誥時年二十一也。卽政時年二十二也。然則成王以文王

終明年生也。



築者釋言云。拾也。釋文云。築本亦作筑。馬注見釋文及史記集解書疏。引作鄭注。鄭注見詩幽譜疏。明堂位疏。云鄭用衛宏之說。漢書律歷志云。文王十五而生武王。受命九年而崩。崩後四年而武王克殷。克殷之歲八十

六矣。後七歲而崩。故禮記文王世子曰。文王九十七而終。武王九十三而終。凡武王卽位十一年。周公攝政。五年正月丁巳朔旦冬至。殷歷以爲六年戊午。距煬公七十六歲。入孟統二十九章首也。後二歲得周公七年復子明辟之歲。是歲二月乙亥朔庚寅望後六日。得乙未。故召誥曰。惟二月既望。粵六日乙未。又其三月甲辰朔三日丙午。召誥曰。惟三月丙午朏。古文月采篇曰。三日曰朏。是歲十二月戊辰晦。周公以反政。故洛誥曰。戊辰王在新邑。烝祭歲。命作策。惟周公誕保文武受命。惟七年。成王元年正月乙巳朔。此命伯禽俾侯于魯之歲也。此據三統歷所推。與鄭說大同小異。漢書梅福傳云。昔成王以諸侯禮葬周公。而皇天動威。雷風著災。儒林傳谷永上疏曰。昔周公薨。成王葬以變禮。而當天心。後漢書周舉傳詔問曰。言事者多云。昔周公攝天子事。及薨。成王欲以公禮葬之。天爲動變。及更葬以天子之禮。卽有反風之應。舉對曰。昔周公有請命之應。隆太平之功。故皇天動威以彰聖德。注尙書洪範五行傳曰。周公死。成王不圖大禮。故天大雷雨。禾偃木拔。乃成王寤金縢之策。改周公之葬。尊以王禮。申命魯郊。而天立復風雨。禾稼盡起。張奐傳。奐上疏曰。昔周公葬不如禮。天乃動威。注尙書大傳。周公薨。成王欲葬之成周。天乃雷電以風。禾卽盡偃。大木斯拔。國人大恐。王葬周公於畢。示不敢臣也。漢紀張奐上書曰。昔周公既薨。成王葬不具禮。天乃大風。偃禾折樹。成王發書感悟。備禮改葬。天乃立反風。樹木盡起。論衡感類篇。金縢曰。秋大熟。未穫。天大雷電以風。禾盡偃。大木斯拔。邦人大恐。當此之時。周公死。儒者說之。以爲成王狐疑於周公。欲以天子禮葬公。公人臣也。欲以人臣禮葬公。公有王功。狐疑於葬周公之間。天大雷雨。動怒示變。以彰聖功。又曰。開匱得書。覺悟泣過。決以天子禮葬公。出郊觀變。天止雨。反風。禾盡起。路史及張奐傳注。引尙書大傳。見前疏。何休注公羊曰。昔武王既沒。成王幼少。周公居攝行天子事。制禮作樂。致太平。有王功。周公薨。成王以王禮葬之。命魯使郊。以彰周公之德。按此諸說。皆今文尙書。則知秋大熟已上。自有脫文。鄭氏王充所見本。已在金縢篇。孔子作書序時。自是毫姑文也。

卷十四

大誥第十四 周書五

**注** 史遷說初管蔡畔周周公討之三年而畢定故初作大誥又說管蔡武庚等果率淮夷而反周公

奉成王命興師東伐作大誥 **疏** 史公說見周本紀又見魯周公世家古文以周公東征為征管蔡非辟居東土又以周公奔

蔡詩東山箋云成王既得金縢之書親迎周公周公歸攝政三監及淮夷畔周公乃東伐之三年而後歸耳與史公所問孔安國故不同

王若曰 **注** 鄭康成曰王謂攝也周公居攝命大事則權代王也 **疏** 鄭注見書疏云王謂攝者明堂位云昔周

而立注云天子周公也明堂位又云周公踐天子之位以治天下史記魯周公世家云武王既崩成王少在強葆之中周公恐天下聞

武王崩而畔周公乃踐祚代成王攝行政當國周公既踐天子之位則稱王作誥鄭以王為周公是也若謂是周公述王命以誥則當

如多方言周公曰王若曰或如多士先言周公告乃復言王若曰今此文不然則是王即周公矣云命大事則權代王者見周公不欲

終為王權者公羊桓十一年傳云反于經然後有善者也漢書翟方進傳莽依周書作大誥作攝皇帝若曰是劉歆等所為多用今文

說亦以王 **獸** 大誥爾多方越爾御事 **注** 獸一作絲在大誥下 **疏** 釋文云馬本作大誥絲爾多邦書疏云鄭

為攝也 **獸** 大誥爾多方越爾御事 **注** 獸一作絲在大誥下 **疏** 本獸在誥下漢書翟方進傳云大誥道諸

為攝也 **獸** 大誥爾多方越爾御事 **注** 獸一作絲在大誥下 **疏** 本獸在誥下漢書翟方進傳云大誥道諸

侯王三公列侯于汝卿大夫元士御事。注應邵曰：言以大道告於諸侯已下也。御事，主事也。案釋詁云：繇，道也。方言云：猷，道也。是繇與猷通。越，漢書作於越。聲近粵。釋詁云：粵，于日也。是越可爲于。御者，詩箋云：治也。引此經以證。

弗弔。天降

割于我家不少延。馬融割作害。鄭康成曰：言害不少乃延長之。

也。至猶善也。則弔善也。漢書五行

志引左傳：旻天不弔。注應邵曰：旻天不善於魯家。春秋左氏襄十四年傳云：若之何不弔。卽雜記云：如何不淑。襄十三年：君子以吳爲不祥。越語云：助天爲虐者不祥。弗弔，天當連讀。言此不祥善之天，降害於我家也。降者，釋詁云：下也。割者，廣雅釋詁云：害也。降害于我家，謂武王既喪，不少延，謂遭喪後又值三監之畔，故云延。釋詁云：延長也。僞傳訓弔爲至。顏師古注：翟義傳云：不弔，不爲天所弔。閔，皆于文義不協。制，馬本作害。見釋文。鄭注見書疏。以割爲害者，與馬同。

洪惟我幼沖人。嗣

無疆大歷服。歷，一作鬲。

洪與鴻聲相近。釋詁云：鴻，代也。鄭氏注康誥，乃洪大誥治。云周公代成王誥，則此亦代成王之詞。漢書作洪，惟我幼沖孺子。注師古曰：洪，大也。惟，思也。沖，稚也。僞傳以洪字屬上句

非。嗣無疆大歷服。漢書作承繼嗣。無疆大歷服事。嗣者，釋詁云：繼也。疆者，詩傳云：竟也。歷者，釋詁云：數也。郭注云：歷，歷數也。服事也。周公言代我沖人，繼無竟歷數之事。歷，魏三體石經作鬲。說文：鬲，或作厭。厭，屬形近。歷也。

弗造哲迪民

康矧曰其有能格知天命。

漢書作予未遭其明愍，能道民于安。況其能往知天命。注師古曰：言不遭遇明智之人，以自輔佐，而道百姓於安。道，讀曰導。案造爲遭者，呂刑兩造具備。史記造作遭。哲

者，釋言云：智也。釋詁云：迪，道也。康，安也。矧，況也。格，至也。格爲至，故可爲來，亦爲往。漢書作往也。言不能前知天命。釋詁云：迪，進也。康，安也。格，陞也。陞之義爲上。言弗遭哲進民安者，不過賢人進用，使民安樂，況能上知天命乎。下文云：亦惟茲十人，迪知上帝命。漢書以迪下屬爲道民於安。或今文說也。

已予惟小子若涉淵水予惟往求朕攸濟敷賁。

漢書作熙我念孺子若涉淵水予惟往求朕所濟渡奔走以已

爲熙聲相近。惟爲念。攸爲所。濟爲渡。賁爲奔走。案已者，釋詁云：咨已，此也。咨，疑也。是已與咨同訓。惟者，釋詁云：思也。與念同義。攸爲所者，釋言文。濟者，釋言云：渡也。敷，疑衍文。賁者，風俗通云：虎賁猶言虎之奔，是賁與奔同。言我思小子如涉深水，我惟往求所渡之人，任

奔走之事。漢書武帝紀詔曰。若涉淵水。未知所濟。用此文也。江氏聲說。數為傳。以為疏。附奔走之臣。

敷前人受命。茲不忘大功。予不敢閉。

**疏** 漢書數為傳。近奉承。閉為比。云

予豈敢自比於前人乎。敷為傳者。廣雅釋言云。傳。敷也。又云。近者。鄭注考工記云。傳。近也。又以為奉承者。漢誥求其通俗。重疊訓釋之。比與閉聲相近。言我依附祖考。受此天命。不忘大功。豈敢比於前人乎。此今文說。經作閉者。韋昭注。晉語云。閉。壅也。若君爽云。過佚前人。

人。于天降威用。寧王遺我大寶龜。紹天明。即命。**疏** 鄭康成曰。受命曰寧王。承平曰平王。光。

時既卜。乃後出誥。故先云然。寶一作儔。

**疏**

于者。釋詁云。粵于也。天降威用。寧王。漢書作天降威明。用寧帝室。注師古曰。威明。猶言明威也。案釋詁云。威。則也。則者。法也。言天降明法於靈龜。以寧王

室。前漢人用今文之義如此。紹天明。漢書作迺紹天明意。注師古曰。紹。承也。案下又云。詔予。詔。即紹字。鄭注禮器云。詔。或為紹。釋詁云。紹。導也。命者。大命。漢書作即命。居攝踐祚。則此言周公攝王。以即太命也。鄭注見書疏云。受命曰寧王者。君爽云。惟寧王德。鄭注云。寧王者。文王也。又注洛誥云。周公謂文王為寧王。成王亦謂武王為寧王。此一名二人兼之。云承平曰平王者。詩何彼穠矣。平王之孫。傳云。平。正也。文王孫。是與漢書說異也。寶。魏石經作儔。曰。有大艱于西土。西

土人亦不靜。越茲蠢。**疏** 鄭康成曰。周民亦不定。其心騷動。言以兵應之。曰。一作粵。蠢。一作載。**疏**

曰者。漢書作反。虜。與師動衆。曰。則有大艱云云。即指管蔡流言也。靜。漢書作靖。越。茲。蠢。漢書作於是動艱者。釋詁云。難也。靖者。說文云。亭安也。越。同粵。釋詁云。於也。蠢者。釋詁云。動也。說文云。蠢。動也。古文作載。周書曰。我有載於西節。用此文也。載。既為孔壁古文。故魏石經用之。曰。作粵。亦魏石經也。鄭注見書疏云。周民亦不定其心者。以靜為寧。釋詁云。寧。靜也。殷小腆。**疏** 馬融曰。腆。至也。鄭康成曰。腆。謂小國也。**疏** 馬注見釋文。段氏玉

裁云。至也。當為主也。說文云。敷。主也。鄭注見書疏云。腆。小國者。方言云。腆。厚也。說文云。腆。多也。左傳。謙詞多言不腆。小腆。猶不腆。故云小國。誕敢紀其緒。**疏** 漢書作誕敢犯祖亂宗之序。注師古曰。誕。大也。紀。蓋今文作犯。形相

近緒與序通。古文作紀者。廣雅釋言云。統紀也。漢書注如淳云。統繼也。則紀言繼也。天降威。知我國有疵。民不康。馬融曰。疵。瑕也。鄭康成曰。知

我國有疵病之瑕。漢書作天降威。遣我寶龜。固知國有些災。使民不安。注師古曰。皆病也。案疵病。康安釋詁文。依漢書。當言天下法則。以命龜先告我。以國有疵病。使民不安。即上文所云。遣我寶龜。下文云。卜并吉。得吉卜也。馬注

見釋文。鄭曰。予復反鄙我周邦。漢書作是天反復右我。注師古曰。右讀曰祐。則今文當言天命。反復助我。復反。猶云反復也。古文曷為鄙。與圖字形近。釋詁云。猷圖也。或今文作猷。聲近祐。故漢書

作。今蠢。今翼日。民獻有十夫。大傳獻作儀。予翼以于。救寧武圖功。今蠢。今翼日。漢書作粵其聞日。注孟

康曰。反書上聞日也。則此言今武庚蠢動之日。及明日也。翼。說文作昱。云明日也。民獻。漢書作民獻儀。注孟康曰。民之表儀。謂賢者。獻者。釋詁云。聖也。儀者。廣雅釋言云。賢也。予翼以于。救寧武圖功。漢書作予敬以終。於此謀繼嗣圖功。冀為敬武為繼。圖為謀。皆釋詁文。

此今文說也。經作于者。詩箋云。往也。救者。釋詁云。撫也。言予敬以之往。撫寧民心。以繼所謀功績也。我有大事休。朕卜并吉。鄭康成曰。卜并吉者。謂三龜

皆從也。大事者。戎事也。周禮太宰云。作大事。則戒百官。休者。釋詁云。美也。鄭注見書。肆。予告我友邦君。越尹。疏云。三龜皆從者。古人卜用三龜。而以玉兆瓦兆原兆三兆各占一龜也。

氏庶士御事。曰予得吉卜。予惟以爾庶邦。于伐殷。逋播臣。肆。漢書作故。釋詁文。尹氏者。書疏云。即願命云。百尹氏也。尹正

也。諸官之正。謂卿大夫。于者。詩箋云。往也。逋者。說文云。亡也。播者。李登聲類云。散也。殷亡散臣。謂祿父。爾庶邦君。越庶士御事。罔不反。曰艱大。艱一作

難。民不靜。鄭康成曰。汝國君及下羣臣。不與我同志者。無不反我之意。云三監叛。其為難大。亦

惟在王宮邦君室

漢書罔作無艱作難注師古曰言爾等國君或有亦曰禍難既大眾庶不安鄭注見書疏艱魏石經作難說文艱或作難

越予小子考翼不可

征王害不違卜

漢書作於小子族父敬不可征注師古曰於孺子為族父當加禮敬不可征討則此言三監於小子為父行當敬之不可討也王何不違卜乎廣雅釋詁云害曷何也

肆予冲人

永思艱曰嗚呼允蠢鰥寡哀哉

漢書作故予為冲人長思厥難肆故永長艱難皆釋詁文允蠢鰥寡漢書作所犯誠動鰥寡注師古曰無妻無夫之人亦同受其害允誠蠢動釋詁文此

言故予為幼君長思其難三監之叛誠擾動鰥寡可哀之甚

予造天役遺

馬融曰造遺也大投艱于朕身越予冲人不叩

自恤

漢書作予遭天役遺大解難於予身以為孺子不身自卹注師古曰言天以漢家役事遺我而令身解其難故我征伐以為孺子除亂非自憂已身也造者遭也見上疏役者廣雅釋詁云使也遺者釋言云貽遺也投者說文云擲也漢書作解

疑投本說字說文挽解挽也艱難朕我叩我恤憂皆釋詁文馬注見釋文云遺也疑遭也之誤恤魏石經作卹

義爾邦君越爾多士尹氏御事綏予曰無毖

于恤一作卹不可不成乃寧考圖功

義爾漢書作義彼釋詁云儀善也綏安也毖慎也恤憂也圖謀也言善爾國君子爾羣臣安我曰慎無困于憂不可不成

就武王之謀績恤說文引作卹

已予惟小子不敢替上帝命

替一作替

不敢替漢書作不敢僭注師古曰僭不信也言順天命而征討魏石經作屨隸作替說文

僭疑也疑一曰相疑是僭為疑不信也作僭者今文替古文也釋言云替廢也

天休于寧王興我小邦周寧王惟卜用克綏受茲命今

天其相民矧亦惟卜用

天休于寧王漢書作天休於安帝室矧作況寧王惟卜用無寧王二字注師古曰言天美於興復漢國故我惟用吉卜能安受此命又曰言天道當思助人況更卜用可知矣是今



文寧王惟卜用止作惟卜用天休鳴呼天明畏弼我不丕基  
漢書作烏虜天明威輔漢始而大大矣注師古曰因此難更以彊大畏威廣雅釋言文弼輔見說文

于寧王此寧王當為安王室也王曰爾惟舊人爾丕克遠省爾知寧王若勤哉  
漢書惟作思丕作不注師古曰言爾

不大基始釋詁文今文基訓王曰爾惟舊人爾丕克遠省爾知寧王若勤哉  
漢書惟作勞注

為始古文基或為基業也天闕恣我成功所予不敢不極卒寧王圖事  
孟康曰天慎勞

當思久舊之人爾不能遠省識古事天闕恣我成功所予不敢不極卒寧王圖事  
孟康曰天慎勞

惟思釋詁文丕為不經典多通用我國家成功之所在寧漢書作安注師古曰卒終也言我不敢不終祖宗之業安帝  
肆予大化誘我友邦君天棐

我國家成功之所在寧漢書作安注師古曰卒終也言我不敢不終祖宗之業安帝肆予大化誘我友邦君天棐

室所謀之事案闕同恣釋詁云恣慎也書疏引作闕恣同祕廣雅釋詁云祕勞也肆予大化誘我友邦君天棐

忱辭忱一作謀其考我民予曷其不于前寧人圖功攸終曷一作害漢書化誘作告棐忱

作輔誠其考我民作天其累我以民曷作害寧作安攸作所注師古曰言有至誠之辭則為天所輔累託也言天以百姓託我我曷敢不謀終祖宗安人之功也害讀曰曷下皆類此案肆予之肆當為今釋詁文漢書注師古曰肆陳也陳其理而告之非也大化誘猶云大化道馬融顧命云誘道也詩傳云臚道也疏云臚與誘古字通用漢書孔光傳光引書曰天棐誠辭說之云言有誠道天輔之也釋詁云棐備也謀誠也其考我民今文作天其累我以民古文作其考者釋名云考成也亦言槁也案槁為槁勞之古字下文云天亦惟用勤恣我民孟康亦釋恣為勞考勞聲相近又與累聲相轉則考我民謂勞我以民也曷作害者廣雅釋詁云害曷何也寧人漢書多作安人是今文以寧王寧人為安王室安民不如鄭說以寧王為文武也

我民若有疾予曷敢不于前寧人攸受休畢漢書勤恣作勞無用字曷作害前寧人作祖宗攸作所畢作輔注師古曰言天欲撫勞我衆衆若有疾苦

我曷敢不順祖宗之意休息而輔助之恣與祕同故為勞見上疏古文休畢今文作休輔畢與弼聲相近同在韻書四質疑古文本作弼經作畢者據上文云圖功攸終則此言畢者廣雅釋詁云終也

王曰若昔朕其逝

朕言艱日思

**疏** 昔者夜也。列子周穆王篇云：昔昔夢為國君，張湛注云：夜夜也。若者言如前夕，逝者釋詁云：往也。言我前夕東征，所言作室，苗田之不易，當日思之，即下若考云云也。又案墨子：越絕論衡，俱以為周公避居東土。

馬鄭義同。蓋今文說則此云若。昔朕其逝，謂昔時往居東也。

若考作室。既底法。厥子乃弗冃堂。矧冃構。**冃**冃。一作克。矧冃構。

一作矧弗冃構。厥考翼其冃曰：予有後。弗棄基。**冃**鄭康成曰：其父敬職之人，其冃曰：我有後。

子孫不廢棄我基業乎。予一作我。

**疏** 漢書云：予聞孝子善繼人之意，忠臣善成人之事。在若考作室之上，則此周公以勉成王也。即所謂朕言艱矣。釋詁云：底，定止也。冃，可也。構者，說文云：蓋也。杜林以為椽。

桷字。言如父作室，既底定于法矣。其子弗冃為堂基，況冃蓋屋乎。言不冃也。後漢書肅宗紀云：不克堂桓。注引尚書乃不冃堂。矧冃桓。疑桓是桓楹。今文構作桓也。陳壽三國志用克構字，則今文冃為克也。矧冃構，一作矧弗冃構者。書疏引定本云：鄭注見詩文王有聲。

疏。予鄭箋引書作我。翼為敬釋詁文。

厥父苗。厥子乃弗冃播。矧冃穫。**冃**一作矧弗冃穫。厥考翼其冃曰：予有

後弗棄基。

**疏** 漢書作予思若考作室。厥子堂而構之。注師古曰：父有作室之意，則子當築堂而構。棼椽以成之。漢書又云：厥父苗。厥子播而穫之。反土為苗。一曰：田一歲曰苗。案苗者，郭注爾雅云：今江東呼初耕地反草為苗。詩采芑疏。

引孫炎云：苗，始災殺其草木也。說文云：苗，不耕田也。不當為才字之誤也。說文云：播種也。穫，刈穀也。一作矧弗冃穫。見書疏引定本云。

肆予曷敢不越邛敕。寧王大命。**疏** 漢書作若祖宗迺有

害敢不於身撫祖宗之所受大命。曷作害。越作於。印作身。敕作撫。俱見上疏。

若兄考。乃有友伐厥子。名養其勸弗救。**疏** 漢書作若祖宗迺有

其勸弗救。注師古曰：譬有人來伐其子，而長養彼心，反勸助之。弗救其子，正以子惡故也。言湯武疾惡其心亦然。今所征討，不得避親。當以公義案。漢書用今文說，而云效湯武伐厥子，則湯武周公自比。厥子謂武庚也。若兄考考者，父也。泛譬之父兄，有弗冃成父業之

子。顏氏以民養爲長養彼心。非也。民長。蓋長民者。勸弗救。謂相戒弗救其子。民長。指謂國君羣臣。言當從王討殷勿救之。伐者。白虎通誅伐篇云。擊也。疑今文義如此。故漢書依仿之。段氏玉裁云。友作效者。友與交形相近。今文。友蓋作交。說今文家或云。交者。效也。效湯武也。故漢書用其說。案養爲長者。夏小正云。執養宮事。傳曰。養。長也。段君又云。考成也。謂若兄有成業。而有同志之友。忽伐其子。叔父其長也。其可相戒勿救乎。兄者。周公謂武王也。厥子。成王也。伐其子。謂武庚等民之長。如周公及國君羣臣。其可相勸勿救乎。江氏聲說亦略同。但此篇既依今文解經。漢書有效湯武之言。則伐厥子。不得謂武庚之伐成王矣。

王曰。嗚呼。肆哉。爾庶邦君。越爾御事。爽邦由哲。亦

惟十人。迪知上帝命。

**疏** 漢書嗚呼作烏虜。爽。邦由哲。作其勉助國道明。肆者。釋詁云。力也。爽者。方言及廣雅釋詁。皆云。猛也。猛與孟聲相近。釋詁孟。勉也。說文云。爽。明也。明都。即孟諸。明孟通字。是明亦勉也。哲

者。釋言云。智也。智即明也。故漢書以爽爲勉助。以哲爲明也。迪者。釋詁云。進也。十人。即論語子有亂臣十人。書僞泰誓疏。引先儒鄭元等。皆以十人爲文母。周公。太公。召公。畢公。榮公。太顛。閔天。散宜生。南宮括也。言爾邦君羣臣。各出爾力哉。勉于邦事者。由明智之人。亦惟茲十人。進用。則知天命所在也。漢書讀爲迪。知上帝命。則如前文迪民。康以迪爲道。今文說也。漢書注師古曰。迪亦道也。言當遵道而知天命。

越天棐忱。爾時罔敢易法。矧今天

降戾于周邦。

**疏** 漢書作粵。天輔誠。爾不得易定。注師古曰。粵。辭也。天道輔誠。爾不得改易天子之定命。漢書又云。況今天降定于漢國。案越爲粵。聲相近。棐。備忱誠。俱見上疏。時者。釋言云。是也。法字古作企。與定相似。故今文爲

定。矧況。釋詁文。戾定。釋詁皆訓爲止。詩傳云。戾定也。言天方輔我之忱。汝是無敢易法。况我周邦有定命乎。

惟大艱人。誕鄰胥伐于厥室。爾亦不知天命

不易。

**疏** 言此大發難之人。大近相伐于其家。謂三監之近伐王家。不願同室也。天命不易。即上文所云降定于周邦。詩傳云。鄰近也。漢書作惟。大艱。人大逆。欲相伐于厥室。豈亦知命之不易乎。注師古曰。言不知天命不可改易。乃大爲艱難以干國。况

是自相謀誅伐其室也。艱。古艱字。案鄰聲近遴。說文。遴。行難也。或作隣。故誕鄰。即大難。漢書以大逆訓之。今文義也。

予永念曰。天惟喪殷。若稽夫子。曷敢不終朕

畝

漢書穡作嗇。曷作害。朕畝作予晦。注師古曰。嗇夫治田。志除草穢。天之欲喪義信。事亦如之。我當順天以終竟田晦之事。案穡作嗇者。說文云。嗇。愛瀆也。從來。從面。來者。面而藏之。故田夫謂之嗇夫。古文作嗇。又解穡云。穀可收曰穡。二字假借通用。

曷作害。朕作予。見上疏。畝作晦。說文晦或作畝。此言我長念曰。天思喪殷矣。我如嗇夫主藏穀之事。當終治我田畝。方有收穫以順天心也。

天亦惟休于前寧人。予曷其極卜敢

弗于從

疏

漢書作天亦惟休于祖宗。予害其極卜。害敢不于從。注師古曰。言天美祖宗之事。我何其極卜。法敢不往從。言必從也。案此言天亦思美于祖父安人之業。我何為究極之于卜事哉。卜之以安衆心。何敢不往從。征于往。見上疏。

率寧人有指疆土。矧今卜并吉。肆朕誕以爾東征。天命不僭。卜陳惟若茲。

疏

漢書

指作旨。矧作況。肆作故。誕作大。天命不僭。作命不僭。差卜作兆。茲作此。注師古曰。言循祖之業。務在安人而美疆土。況今卜并吉也。言不可不從也。案率者。釋詁云。循也。指。書疏三云。旨意皆作旨。知經文之指。是後人所改。說文云。旨。美也。矧。況。肆。故。誕。大。皆見上疏。僭者。廣雅釋詁云。差也。詩箋云。僭。不信也。卜作兆者。說文。兆。灼龜坼也。卜。灼龜也。象炙龜之形。一曰象龜兆之從橫也。茲。此。釋詁文。白虎通。誅罰篇云。誅不避親戚。尙書肆。朕誕以爾東征。誅祿父也。

卷十五

康誥第十五 周書六

馬融曰。康。圻內國名。鄭康成曰。康。諡號。

疏

馬注見書疏。以康為國名者。史記衛康叔世家。索隱云。康。畿內國名。宋忠曰。康叔。從康徙封衛。畿內之康。不知所在。案司馬氏貞引宋忠之言。是康

之爲國。出世本也。衛世家云。康叔卒。子康伯代立。索隱曰。系本康伯。名髡。宋忠曰。卽王孫牟也。事周康王爲大夫。案康叔子又稱康伯。則康非謚甚明。舊說以爲國名是也。路史國名紀云。姓書康叔故城在潁川。宋衷以爲畿內國。姓書蓋何氏姓苑。今亡。云在潁川者。說文。邠。潁川縣。漢書地理志。潁川有周承休侯國。元始二年。更名邠。集韻。邠。縣名。在潁川。又有邠同音地名。則卽康也。元始二年。復古稱邠。今河南汝州。是鄭注見書疏。以康爲謚號者。衛世家云。康叔卒。子康伯代立。索隱曰。譙周古史考無康伯。而云子牟伯立。蓋以不宜父子俱謚康。故因其名云牟伯也。則譙周亦以康爲謚也。書疏云。康亦國名。而在圻內。馬王亦然。惟鄭元以康爲謚號。故知當有此。馬鄭注。諸家脫之。諧者。周公所作以告康叔。春秋左氏定四年傳。子魚曰。昔武王克商。成王定之。遷建明德。以藩屏周。分康叔以大路少帛。備旆旌。大呂。殷民七族。陶氏。施氏。繁氏。錡氏。饁氏。終葵氏。封畛土略。自武父以南。及圃田之北。竟。取於有閭之土。以共王職。取於相土之東。都以會王之東。蒐。聘季授土。陶叔授民。命以康誥。而封於殷虛。皆啓以商政。疆以周索。杜注云。康誥。周書。殷虛朝歌也。衛世家云。衛康叔名封。周武王同母少弟也。周公且以成王命。興師伐殷。殺武庚。祿父。以武庚餘民。封康叔爲衛君。居河淇間。故商墟。周公且懼康叔齒少。乃申告康叔曰。必求殷之賢人。君子長者。問其先殷所以興。所以亡。而務愛民。故謂之康。誥以命之。康叔之國。旣以此命。能和集其民。民大說。成王長用事。舉康叔爲周司寇。賜衛寶。祭器。以章有德。地理志云。河內本殷之舊都。周旣滅殷。分其畿內。爲三國。詩風邶。庸衛國是也。鄭目封紂子武庚。庸管叔尹之。衛蔡叔尹之。目監殷民。謂之三監。故書序曰。武王崩。三監畔。周公誅之。盡呂其地。封康叔。號曰孟侯。以夾輔周室。遷邶庸之民於洛邑。

惟二月哉生魄。

**釋**

馬融曰。魄。朏也。謂月二日始生。兆朏名魄。一作霸。

**疏**

大傳云。周公攝政四年。建侯衛。則三月爲四年之三月也。哉者。

釋詁云。始也。魄。說文作霸。云月始生。霸然也。承大月二日。小月三日。引此經。古文作霸。鄉飲酒義云。月三日則成魄。白虎通。日月篇云。月之爲言。闕也。有滿有闕也。所以有闕何。歸功于日也。三日成魄。八日成光。二八十六轉而歸功晦。至朔且受符復行。故援神契曰。月三日而成魄。詩天保疏云。日月在朔交會。俱右行于天。日遲月疾。從朔而分。至三日。月去日已當二次。始死魄而出。漸漸遠日。而月光稍長。八日九日。月體正半。昏而中。似弓之張。而弦直。謂上弦也。漸進至十五十六日。月體滿。與日正相當。謂之望。從此漸虧。至二十三

日二十四日亦正半在謂之下弦漸虧至晦而盡諸家皆言三日爲魄以二日有時不見也蓋前月有三十日則是月合朔早二日初昏月去日差遠已有微明見於西方前月二十九日小盡則是月合朔晚二日初昏月去日未遠未可得見必三月初昏始見西方也漢書律歷志三統云死霸朔也生霸望也又云周書武成篇惟一月壬辰旁死魄注孟康曰魄月質也月二日目往月魄死故言死魄與劉歆三統說同蓋以霸爲月質無光之處生則無光之處漸長故云望未知其何以與禮記白虎通說文異說馬注見釋文說文云朏月未盛之明从月出律歷志引古文月采曰三日曰朏召誥疏引作周書月令云三日粵朏法言五百篇云月未望則載魄於西既望則終魄於東宋咸曰載魄當作朏其實魄卽朏也云三日始生兆朏名曰魄與說文二日三日異者馬據其見於西方言之二日有時不見也


### 周公初基作新大邑于東國洛四方民大和會



大傳說周公營洛以觀天下之

心於是四方諸侯率其羣黨各攻位於其庭周公曰示之以力役且猶至况導之以禮樂乎然後敢作禮樂鄭康成曰此時未作新邑基謀岐鎬之域處五嶽之外周公爲其于政不均故東行于洛邑合諸侯謀作天子之居四方民間之同心來會樂卽功作効其力焉是時周公居攝四年也隆平已至新大

### 邑一作新邑



大傳說作禮樂者大傳云周公將作禮樂優游之三年不能作然後營洛書曰作新邑於東國洛四方民大和會此之謂也是此經之傳也云各攻位於其庭則今文以基爲基址與鄭說異矣鄭注見書疏及周禮大司徒疏詩

芟苒疏基謀釋詁文云岐鎬之域處五嶽之外者白虎通巡狩篇云嶽之言桷也桷功德也故尚書大傳曰五嶽謂岱山霍山華山嵩山也堯典曰羣后四朝王者巡狩所至諸侯四面朝於方嶽之下岐鎬西土遠在雍州故云五嶽之外也云爲其於政不均故東行於洛邑合諸侯謀作天子之居者漢書婁敬傳敬曰成王卽位周公之屬傅相焉乃營成周都維呂爲此天下中諸侯四方納貢職道里鈞矣有德則易以王無德則易以亡凡居此者欲令務以德致人不欲阻險令後世驕奢以虐民也呂氏春秋長利篇南宮括曰君獨

不聞成王之定成周之說乎。其辭曰：惟余一人營居於成周，惟余一人有善，易得而見也；有不善，易得而誅也。可以證婁敬之言是周公作洛之意，於政不均，爲道里不均，且不欲阻險虐民也。云四方民同心來會，卽功作者。釋姑云：協和也。會合也。說文云：協衆之和同也。協同心之和是也。云居攝四年者，據大傳言四年建侯衛也。云隆平已至者，言致太平也。詩維天之命序云：太平告文王也。箋云：皆大平者，居攝五年之末也。文王受命不卒而崩，今天下太平，故承其意而告之。明年制禮作樂是也。新大邑，大傳引作新邑，無大字。

侯甸男邦采衛

鄭康成曰：不見要服者，以遠于役事而恆闕焉。

侯甸男邦采衛九服之五也。見周禮職方氏。其外則蠻服夷服鎮服

藩服也。蠻服已內，謂之中國。蠻服亦謂之要服。去王城三千五百里。周語云：侯衛賓服。注云：此總言之也。侯，侯圻也。衛，衛圻也。言自侯圻至衛圻，其間凡五圻五百里。五五二千五百里，中國之界也。五圻者，侯圻之外曰甸圻，甸圻之外曰男圻，男圻之外曰采圻，采圻之外曰衛圻。周書康誥曰：侯甸男邦采衛是也。案職方氏之九服，於大司馬爲九畿。韋氏注國語：畿爲圻，古字通也。周禮注云：故書又爲近。鄭注見書疏云：不見要服者，周禮九服經舉其五要服，卽蠻服也。云遠于役事者，大傳云：諸侯率其羣黨各攻位於其庭。周公曰：示之以力役，且猶至，是作洛爲役事，不宜勞民於中國以外也。

百工播民和見士于周

工者，釋詁云：官也。播者，說文云：布也。見者，天官書以星見爲效。正義曰：效見也。士者，詩傳云：事也。言百官布列，民皆

和悅效事於周，謂政位也。

周公咸勤

釋詁云：咸，皆也。勤，勞也。效事於周者，周公皆勞之。

王若曰：鄭康成曰：總告諸侯

鄭注見書疏云：洪代者，釋詁文。爾雅作鴻，古字通也。云周公代成王，誥者下稱王若曰，居攝則稱王，然仍是周公之言，故又曰朕其弟也。

孟侯

大傳說：天子太子年十八曰孟侯。孟侯者，於四方諸侯來朝，迎於郊者，問其所不知也。問之，人民之所

好惡，地上所生美珍怪異，山川之所有無，父在時皆知之。鄭康成曰：依略說，太子十八爲孟侯，而呼成

**王**

稱孟侯者古文說謂康叔漢書地理志云周公封弟康叔號曰孟侯曰夾輔周室注師古曰孟長也言為諸侯之長依史記言成王在襁褓周公攝政則非年十八不得稱孟侯且迎諸侯於郊故古文以為稱康叔也大傳說蓋今文也且略說以為太子

之稱者鄭注云孟迎也太子稱侯者袁宏後漢紀云靈帝皇子辯養於史道人家故號為史侯皇子協養於董太后宮號為董侯俱用尚書說稱之也釋詁云侯君也故太子稱孟侯猶云長君也鄭注見書疏鄭雖為古文學兼用今文說此類是也

**朕其**

**弟小子封**

**疏**

朕者釋詁云我也封康叔名史記管蔡世家云武王同母兄弟十人母曰太姒文王正妃也其長子曰伯邑考次曰武王發次曰管叔鮮次曰周公旦次曰蔡叔度次曰曹叔振鐸次曰成叔武次曰霍叔處次曰康叔封次

曰冉季載是康叔為周公同母弟故曰朕其弟稱小子者猶云少子以下文述文王故謂之小子也

**惟乃丕顯考文王克明德慎罰**

**疏** 大傳說子夏曰昔

者三王愨然欲錯刑遂罰遂罰平心而應之和然後行之然且曰吾意者以不平慮之乎吾意者以不

和平之乎如此者三然後行之此之謂慎罰

**疏**

釋詁云丕大也顯光也克者釋言云能也明聲近孟故明都即孟諸釋詁云孟勉也大學引此經說之云皆自明也亦謂自勉大傳引作克明

俊德楚語申公巫臣曰周書曰明德慎罰文王所以造周也明德務崇之之謂也慎罰務去之之謂也荀子正論篇引經克明明德說之以主道宣明不當以元而難知者使人疑此非經本旨也慎者釋詁云靜也堯典所謂惟刑之謚言文王尚德緩刑也大傳說引子夏之言蓋今文夏侯引前賢之義以解經也鄭注云錯處也遂行也此解慎為謹慎說文慎謹也古文作存

**不敢侮鰥寡庸庸祗祗威威顯民用肇造我**

**區夏越我一二邦以修我西土**

**疏**

侮者說文云傷也傷輕也春秋左氏成八年傳韓厥引周書曰不敢侮鰥寡所以明德也釋訓云庸庸勞也釋詁云祗敬也廣雅釋訓云祗祗畏長

敬也威與畏經典通用春秋左氏宣十五年傳云周書所謂庸庸祗祗者杜注云用可用敬可敬案杜義本古書說則威威當為畏可畏也顯者職詁云見也酒誥云厥命罔顯於民則此顯民言顯於民也言文王不侮傷鰥寡既勞且敬以見我民肇者釋詁云始也夏



者說文云。夏中國之人也。區夏者。薛綜注東京賦云。區。區域也。越同。粵釋詁云。於也。修者。鄭注中庸云。始也。西土謂岐鎬。言文王始造我區域於中夏。於我一二友邦。以修治我西土。王氏引之。以此絕句。云。猶言修和我有夏是也。徐幹中論法象篇云。文王祇畏造區夏。

惟時怙冒。聞于上帝。帝休。疏惟時怙冒。王氏引之云。當為句。怙與詰聲相近。釋詁云。詰。厚也。賈子容經云。詰。大福也。冒。懋勉也。君爽云。乃惟文王迪見冒。馬本作勗。云。勉也。盤庚懋建相爾。懋建。大命。

漢石經俱作勗。惟時怙冒。言惟是大懋勉也。怙冒與不冒同意。君爽又云。我成成文王。功于不怠。不冒。又云。惟茲四人。昭武王惟冒。皆為懋勉也。周書祭公解云。昭王之之所勗。勗與冒通。傳釋冒為覆冒。失之。且斷句不詞。王氏引之云。趙岐注孟子。論衡初稟篇。並引康誥曰。冒聞於上帝。疑今文如此。讀說文云。卯冒也。二月萬物冒地而出。是冒有上進之義。論衡初稟篇。引而說之云。言文王行道。上聞於天。天乃大命之也。則惟時怙上屬。言西土惟是恃也。釋詁云。怙。恃也。休者。釋言云。慶也。易繫詞云。積善之家。必有餘慶。

乃大命文王。疏大傳說天之命文王。非噶噶然有聲音也。文王在位。而天下大服。施政而物皆聽。天

令則行。禁則止。動搖而不逆天之道。故曰天乃大命文王。疏大傳云云者。論衡初稟篇云。所謂大命者。非天乃命文王也。聖人動作。天命之意也。與天合同。若天使之。

矣。是今文義。同大傳也。殪我殷。誕受天命。越厥邦。厥民惟時敘。疏殪者。說文云。死也。古文作殪。殪者。釋詁云。大也。時者。詩傳云。善也。敘者。釋詁云。豫也。敘亦為豫。言武王承文王之志。殺伐大殷。大受天命于其國。其民惟善而悅豫也。

乃寡兄勗。疏詩文王刑於寡妻。箋云。寡妻。寡有之妻。言賢也。書曰。乃寡兄。勗。言殪殷受命。承文王之志者。是乃寡有之兄。武王勉為之。

肆汝小子封。在茲東土。王曰。鳴呼封。女念哉。今民將在祗遹。乃文考。紹聞衣德言。疏馬融曰。遹。述也。

釋詁云。肆。故也。今也。祇。敬也。

尙書今古文注疏 三 卷十五 康誥第十五 周書六 四十五

通述也。紹繼也。聞謂舊聞。衣同依。學記不學博依。依或為衣。言今之人將在敬述文王繼其舊聞。依其德言。馬注見釋文。通述釋詁文。

往敷求于殷先哲王。用保乂民。汝不

遠惟商考成人。宅心知訓。史遷說必求殷之賢人君子長者。問其先殷所以興所以亡。而

務愛民。敷者鄭箋詩賚篇云徧也。敷求徧求也。詩抑篇云罔敷求於先王。箋訓敷求為廣索。是其義也。釋詁云保。安也。乂。治也。惟思也。考。壽也。不遠猶言不遠。宅與度通訓者。釋詁云道也。言徧求殷先哲王。用安治民之道。並求商之遺老賢人。亦

不遠汝心度量。可以知道矣。謂東土本商邑。故告以求商先王善政賢人也。史公說見衛世家。云賢人君子謂成人。長者謂考。云務愛民。謂保乂民。云問其先所以興亡。即上所云紹聞依德言也。別求聞由古先哲王。

鄭康成曰。古先哲王。虞夏也。用康保民。別古與辨通。周禮小宰注云。故書別作辨。辨又通徧。鄉飲酒禮注。今文辨皆作徧。則別求猶上文敷求也。由者詩箋云於也。言既徧求殷

先王保民之道。又徧求古先哲王致民安樂之道。康樂保安。俱釋詁文。鄭注見書疏。宏于天。若德裕乃身。不廢在王命。宏一作宏覆。于一作

乎。宏者釋詁云大也。若者釋詁云順也。裕者廣雅釋詁云寬也。荀子富國篇云。康誥曰。宏覆乎天。若德裕乃身。楊倞注云。宏覆如天。又順於德。乃所以寬裕汝身。言百姓足。君孰不足也。宋本荀子。裕乃身下。有不廢在王庭五字。元刻近刻皆脫之。案此則言

康樂安保民之君。宏大如天。而順于德。安民即所以裕身。若是則不廢王命矣。宏下有覆於作乎。見荀子經脫覆字。王曰。嗚呼。小子封。惇瘝乃身。鄭康成曰。刑罰

及已為痛病。後漢書和帝紀詔曰。朕寤寐惇矜。注引尚書曰。惇矜乃身。惇者釋言云痛也。瘝者釋詁云病也。言民之痛病。如在汝身。戒其慎刑罰。經文瘝當為矜。或為瘝。瘝俗字。鄭注見書疏。敬哉。天畏棗

忱。民情大可見。小人雖保。往盡乃心。無康好逸豫。乃其乂民。畏一作威。棗與威通。棗者

說文云輔也。忱者釋詁云誠也。皋陶謨云天明威自我民明威。釋詁云保康安也。豫樂也。又治也。廣雅釋詁云佚樂也。言敬之哉。天威之明惟誠是輔。驗之民情大可見矣。小民不易安也。汝往盡心毋苟安而好佚樂。乃治民之道。漢書武五子傳云毋桐好逸。注張晏曰桐音同。師古曰桐音通。輕窳之貌也。史記作桐。褚先生釋以馳騁弋獵淫康。疑用今文書義。則康或作桐。聲之轉也。畏郭注釋詁引作威。忱文選幽通賦云實斐謔而相訓。李善注引尚書曰天威斐忱。謔與忱古字通也。

在大亦不在小。惠不惠。懋不懋。 **疏** 晉語知伯國曰周書有之曰怨不在大亦不在小。夫君子能勤小物。故無大怨。注云或大而不為怨。禍難或起小怨。春秋左氏昭八年傳子旗曰周

書曰惠不惠。茂不茂。康叔所以服宏大也。惠者釋言云順也。懋者說文作忒。云勉也。釋詁云茂勉也。此申小人難保之義。言民之怨不在大亦不在小。恆起不意。當順擾其不順者。懋勉其不勉者。 **已。汝惟小子。乃服惟**

宏王。應保殷民。亦惟助王宅天命。作新民。 **疏** 服同良。說文云治也。宏者釋詁云大也。乃服惟宏。即左傳子旗所云服宏大也。言其所治宏大。段氏玉裁據以絕句。

應者。章昭注周語云受也。王氏引之云。應保猶云受保。士冠禮字辭曰永受保之。應與容承俱聲相近。易臨象傳曰容保民無疆。容亦受也。洛誥曰承保乃文祖受命民。承亦受也。宅通作度。大學曰康誥曰作新民。言惟王受殷民而安之。王方受保殷民。汝亦當思助王

圖度天命。與殷民更始也。衛民。 **王曰。嗚呼。封。敬明。乃罰。嗚呼。一作於戲。明。一作民。** **疏** 春秋左氏定四年傳云武王之母弟

被紂化日久。故戒以作新之。 **王曰。嗚呼。封。敬明。乃罰。嗚呼。一作於戲。明。一作民。** **疏** 春秋左氏定四年傳云武王之母弟

八人。周公為太宰。康叔為司寇。冉季為司空。五叔無官。豈尚年哉。衛世家云成王長用事。舉康叔為司寇。今此告以司寇之事。在攝政之時者。蓋周公知康叔仁厚。可為司寇。故先教以慎刑。後乃命以官也。嗚呼。潛夫論述教篇引作於戲。今文俱如是。敬明乃罰。緇衣引

經明。 **人有小罪。非眚。非。一作匪。眚。一作省。乃惟終。自作不典。式爾。式。一作戒。有厥罪小。乃不可不殺。乃有大罪。非終。乃惟眚災。眚災。一作省哉。適爾。既道極厥辜。**

時乃不可殺

**疏** 潛夫論述赦篇云尙書康誥王曰於戲敬明乃罰人有小罪匪省乃惟終自作不典戒爾有厥罪小乃不可不殺言恐人有罪雖小然非以過差爲之也乃欲終身行之故雖小不可不殺也何則是本頑凶思惡

而爲之者也。大罪匪終。乃惟管哉。適爾。既道極厥罪。時亦不可殺。言殺人雖有大罪。非欲以此終身爲惡。乃過誤耳。是不殺也。若此者。雖曰赦之可也。金作贖刑。赦過宥罪。皆謂良人吉士。時有過誤。不幸陷離者爾。是說此經之義也。書作省者。洪範王省惟歲。史記亦作省。典者。釋詁云。典。法常也。式者。釋言云。用也。言其自用。有意爲之也。潛夫論。管哉當爲管裁。適者。詩傳云。過也。既道極厥辜。言既以正道盡其罪。又當原情。不可殺之也。嗚呼。作於戲。非杜匪。式作戒。辜作罪。皆潛夫論異字。蓋今文也。

王曰。嗚呼。

封有敘時。乃大明服。惟民其勅懋和。若有疾。

**疏** 勅。一作力。若。一作而。

有順。是用刑者。乃大明服。言君大明而民服也。時字讀當上屬。荀子富國篇云。誠乎上。則下應如響。雖欲無明達得乎哉。書曰。乃大明服。惟民其力懋和而有疾。此之謂也。楊倞注云。懋。勉也。言君大明以服下。則民勉力爲和調而疾速。以明效上之急也。經作勅者。釋詁云。勑也。又云。速疾也。若如而。俱聲相近。經作若。亦順也。見釋言。

惟民其畢棄咎。若保赤子。

**疏** 若。一作如。惟民其康乂。

者。說文云。捐也。咎者。廣雅釋詁云。惡也。康。乂者。釋詁云。康。安也。乂。治也。大學篇引康誥曰。如保赤子。若如聲之轉。王氏鳴盛云。孟子引若保赤子。釋之云。赤子。匍匐將入井。非赤子之罪也。注云。以赤子無知。故救之。此言用刑。則謂保民如保赤子。毋令無知陷于罪。如入井也。非汝封。刑人殺人。無或刑人殺人。非汝封。又曰。劓。刑人。無或劓。刑人。

**疏** 鄭康成

曰。刑。臣從君坐之刑。

**疏** 刑人之刑。說文作刑。云。剕也。字與刑不同。劓。說文作劓。云。刑鼻也。或作劓。則者。說文云。斲耳也。言刑殺皆由天討。非汝所得專。毋或擅刑殺人。又告之以雖輕刑。如劓。則毋或專之。鄭注見書疏云。臣從君坐

之刑者。春秋左氏傳二十八年傳。衛侯與元咺訟。鍼莊子爲坐。衛侯不勝。則鍼莊子。是臣從君坐之刑。但彼用劓。鄭以解刑。未詳也。古者刑不上大夫。春秋時淫刑。似未可爲經證。鄭氏律學。據漢法。故以沒官從坐解經。非三代仁厚之政。學者審之。

王曰。

外事。汝陳時臬司師茲殷罰有倫。

外事。江氏聲云。聽獄之事也。聽獄在外朝。故云外事。周禮朝事。掌建邦外朝之法。左九棘。孤卿大夫位焉。羣士在其後。右九棘。公侯伯子男位焉。羣吏在其後。面三槐。三公位焉。州長衆庶在其後。左嘉石。平罷民焉。右肺石。達窮民焉。鄭注地官。稟人云。外朝。司寇聽獄蔽訟之朝也。臬者。廣雅釋詁云。法也。師者。釋詁云。衆也。倫。同命。說文云。理也。殷罰者。荀子正名篇云。後王之成名。刑名從商。爵名從周。注云。後之王者。有數定成就之名。謂舊名可法效者。商之刑法未聞。康誥曰。殷罰有倫。是言殷刑之允當也。則此言外朝聽獄之事。汝陳列是法。以司察其衆。此商家刑罰有倫理可從也。

又曰。要囚。服念五六日至。于旬時不蔽要囚。

又曰。書疏引顧氏云。周公重言之也。要者。要辭。周禮卿士云。異其死刑之罪而要之。注云。要之。爲其罪法之要辭。服同伏。易繫詞釋文引孟京云。伏服也。旬十日。時一時。謂三月也。丕者。釋詁云。大也。蔽者。鄭注周禮云。斷也。春秋左氏昭十年傳云。叔魚蔽罪邢侯。至於旬時者。周禮小司寇云。以五刑聽萬民之獄訟。附於刑。用情訊之。至於旬乃蔽之。鄉士云。辨其獄訟。異其死刑之罪而要之。旬而職聽于朝。縣士三旬而職聽于朝。皆司寇聽之。方士三月而上獄訟于國。司寇聽其成于朝。言斷獄者。據囚要辭。以論罪恐不詳慎。而誤入人於刑。當伏而思念五六日。或十日至三月。乃大斷之。爲求其生可以出之。且恐囚虛承其罪。容其自反覆也。死者不可復生。斷者不可復續。三木之下。何求不得。故君子盡心焉。

王曰。汝陳時臬事。罰蔽殷彝。用其義刑。義殺。勿庸以次。汝封。乃汝盡遜。曰時敘。惟曰。未有遜事。

次。一作卽。遜事。一作順事。

荀子宥坐篇云。孔子曰。書曰。義刑義殺。勿庸以卽。予維曰。未有順事。言先教也。致仕篇引書同。予作汝。楊氏注云。言

周公命康叔。使以義刑義殺。勿用以就汝之心。不使任其喜怒也。惟刑殺義。猶自謂未有使人可順守之事。故有抵犯者。自責其教之不至也。案釋詁云。時是也。彝法常也。義者。中庸云。宜也。詩傳云。庸用也。卽就也。詩箋云。遜順也。時善也。釋詁云。敘緒也。惟思也。言汝既陳是臬事。罰斷用殷法矣。當用其刑殺之合義者。勿用以就汝之意。乃汝盡其順道。言當以善敘之。又自思曰。未有順事。以先教民也。下車泣罪。得情勿喜。古人責躬。不以罪當其罰。而惡于民也。經文次。荀子爲卽者。卽次聲之緩急。義皆得爲就也。次汝封。猶言恣汝封。

謂順如其心。鄭注堯典柔遠能邇云。能恣也。高誘注呂氏春秋云。恣從也。鄭箋詩柔遠能邇云。能猶伽也。又云順伽。則此言順如其心也。下文云未其有若汝封之心。若亦順也。

已。汝惟小子。未其有若汝

封之心。朕心朕德。惟乃知。

**疏** 若者釋言云順也。咨汝惟文考之少子。用茲義刑。義殺。勿以順汝之心。我心我德。亦惟汝知之。

凡民自得罪。寇攘姦

宄。殺越人于貨。散不畏死。罔勿慙。散。一作閔。弗慙。一作不讞。

**疏** 荀子君子篇云。刑罰綦省。而威行如流。治世曉然。皆知夫為姦。

則雖隱竄逃亡之由。不足以免也。故莫不服罪而請。書曰。凡人自得罪。此之謂也。注云。人之自得其罪。不敢隱也。孟子萬章篇云。康誥曰。殺越人於貨。閔不畏死。凡民罔不讞。是不待教而誅者也。趙注云。越于者。於也。殺於人。取於貨。閔然不知畏死者。讞殺也。凡民無不讞。得殺之者也。若此之惡。不待君之教命。遭人得討之。案散者。說文云。冒也。周書曰。散不畏死。慙者。說文云。怨也。周書曰。凡民罔不慙。言民有自罹于罪者。寇賊攘奪。內為姦。外為宄。殺于人。取于貨。強冒不畏死。無不怨之者。當順民怨以行罰。則罪人亦自服其罪也。孟子散作閔者。聲相近。慙作讞。散非古字。云殺。未詳也。趙氏注云。遭人得討之。若今律登時殺死。勿論矣。

王曰。封。元惡大慙。矧惟不孝不友。子祇弗服厥

父事。大傷厥考心。于父不能。字厥子。乃疾厥子。于弟弗念。天顯。乃弗克恭。厥兄。

兄亦不念。鞠子哀。大不友于弟。惟弔茲。不于我政。人得罪。天惟與我民。彝大泯

亂。曰。乃其速由。

**疏** 元者。釋詁云。首也。謂惡人之魁首。大慙者。大為怨于人。矧。說文作張。云詞也。祗者。釋詁云。敬也。服。同反。說文云。治也。字者。愛也。疾。與誅同義。廣雅釋詁云。憎。誅也。顯者。釋詁云。代也。天顯。謂見於天。倫。有代父

之道。釋詁云。恭敬也。鞠。生也。弔者。鄭注費誓云。善也。泯。說文作瀕。周禮小宗伯注云。杜子春讀為泯。釋詁云。盡也。詩傳云。滅也。速者。釋言云。徵也。徵。義同召。由。同就。廣雅釋詁云。舉也。言此首惡。為民大怨者。其惟不孝不友之人。父子兄弟。不相和睦。不可謂之同惡。惟其

中有善者。此不當爲我政人所連坐。政人爲政之人。卽下文惟厥正人。春秋左氏僖三十三年傳。晉白季引康誥曰。父子兄弟。罪不相及。又昭二十年傳。後漢書肅宗本紀。元和元年詔。潛夫論論榮篇。俱引經文同。曰。季卽用此義。罪不相及。卽不于我政人得罪也。或以爲書之佚句。失之。天惟與我民。彘大混亂。曰。乃其速由者。言此父子兄弟不睦之人。滅亂天常。乃其自召罪誅。不可芴及親屬。酒誥曰。惟民自速辜。多方云。乃惟爾自速辜。語意正同。或以乃其速由。下屬文王作罰爲句。案之後漢書王符傳。不然也。文王

作罰。刑茲無赦。後漢書王符傳云。夫養稷莠者。傷禾稼。惠姦軌者。賊良民。書曰。文王作罰。刑茲無赦。風俗通皇霸篇。潛夫論述赦篇。引同。後漢書則知乃其速由。不相屬也。不率大戛。矧

惟外庶子訓人。鄭康成曰。訓人師長。惟厥正人。越小臣諸節。乃別播敷造。歐陽

說造爲造獄。民大譽。弗念弗庸。瘵厥君。時乃引惡。惟朕懃。率者釋詁云。循也。憂者釋詁云。常也。改者說文云。詞也。外庶子。燕義

云。古者周天子之官有庶子官職。諸侯卿大夫士之庶子之卒。掌其戒令。與其教治。鄭氏注周禮敘官云。諸子。主公卿大夫士之子者。或曰庶子是也。訓人者。若天官太宰。師以賢得民。儒以道得民。注云。師。諸侯師氏。儒。諸侯保氏是也。正人者。釋詁云。正。長也。卽上文政人。小臣諸節。謂小臣之受符節者。播者。說文云。布也。敷者。說文云。敷也。瘵。當爲鰥。釋詁云。病也。言不循用常法。其惟在外之庶子及師長。不能行其教令。致使長民之官。與小臣之受節治民者。乃別布施造獄之條。于民有大譽之人。弗宥念而用之。於病其君之人。是引爲同惡。惟我其怨之。鄭注見書疏。歐陽說見漢書王尊傳。尊曰。律無妻母之法。聖人所不忍書。此經所謂造獄者也。注。晉灼曰。歐陽尙書有此造獄事也。造獄者。不循常法。遇非常之事。不得已而用之。今或別爲傳播。以陷有名之人。同惡相引。是可誅也。歐陽造獄。別無可附。疑今文說。已。汝乃其速由。茲義率殺。已同。咨。歎詞。言此諸臣爲汝召誅。當循其義。刑誅罰之。亦惟君惟長。不能厥家

人。越厥小臣外正。惟威惟虐。大放王命。乃非德用。又。能者。漢書注。師古曰。善也。言又惟國君及長民者。有不以善化導其家人者。于

其小臣外正。惟為威虐于民。汝亦罔不克敬典。乃由裕民。惟文王之敬忌。乃裕民。鄭康成

曰敬忌。祗祗威威是也。曰我惟有及。則予一人以懌。一無予字。懌作擇。釋詁云。典法常也。由裕者由同猷。廣雅釋

詁云。猷。順也。裕。容也。惟者。釋言云。思也。敬忌者。謂上明德敬也。慎罰忌也。釋詁云。則。法也。懌。樂也。詩傳云。懌。悅也。荀子君道篇曰。明主急得其人。得其人。則身佚而國治。功大而名美。故君人者。勞于索之。而休于使之。書曰。惟文王之敬忌。一人以擇。此之謂也。案荀子以爲用賢之義。則所謂敬忌者。謂祗祗威威。用賢。謂庸庸也。懌。非古字。段氏玉裁云。擇。卽懌也。上文所謂身佚而國治也。敬忌。上文所謂急得其人也。此秦以前古文。書說說苑君道篇。孔子曰。大哉文王之道。敬慎恭已。而虞芮自平。故書曰。文王之敬忌。此之謂也。又說爲虞芮自平。則正謂平獄之事。但以敬慎恭已化導之。此與荀子異者。今文說也。言當思文王之敬忌。以容民曰。我思及之。而法則之也。經云云者。言汝亦無不能敬法。乃以道導民。思文王之敬德。忌刑。乃道民曰。我思逮及法。則文王。天子當悅懌汝矣。詩板釋文云。釋本作懌。又靜女釋文云。說懌當作說釋。則懌非古字。與擇音相近。亦可通。故荀子爲擇也。鄭注見書疏。

惟殷先哲。王德用康。乂民作求。矧今民罔迪。不適不迪。則罔政在厥邦。爽者大。誥爽邦。

由哲。漢書翟義傳。以爽爲勉。爽爲明。明亦勉也。見前疏。惟者。思也。迪者。釋詁云。道也。吉者。詩傳云。善也。康者。釋詁云。安也。時者。釋詁云。是也。哲者。釋言云。智也。乂者。釋詁云。治也。作者。釋言云。爲也。求者。詩箋云。終也。矧者。釋詁云。況也。適者。廣雅釋言云。善也。在者。釋詁云。存也。言汝勉思道。民于善以安之。我是以思殷先哲王之德。以安治民。爲終成殷先王之道。況今民無道之者。則不能向善。不有以道民。則無政以存其國矣。鄭注見書疏。

汝德之說。于罰之行。今惟民不靜。未戾厥心。迪屢未同。爽惟天其罰殛我。我其



不怨惟厥罪無在大亦無在多矧曰其尙顯聞于天

釋詁曰監視也戾止也屢者釋言云亟也郭注云亟太數也爽者說文云明明

亦勉也見上疏惟者釋詁云思也殛者釋言云誅也尙者鄭氏書贊云上也又告之曰我思不可不視法文王故告汝以明德之說愼罰之行今惟殷民不安靜未定止其心道之以道屢未和同勉思天其罰誅我我其不敢怨天怨民祇自思惟其罪罪無在大亦無在多不可不責躬也況曰其上能明達於天平王曰嗚呼封敬哉無作怨勿用非謀非彛蔽時忱不則敏德用

康乃心顧乃德復乃猷裕乃以民寧不汝瑕殄

蔽者文選辨命論引鄭注論語云塞也忱者說文云誠也敏德周禮師氏職以三德教國子二

曰敏德以爲行本注云敏德仁順時者也猷裕者方言云道也瑕者詩傳云遠也殄者釋詁云絕也言汝其敬之哉無作怨於民勿用非道之謀非典之法以蔽是誠心則法敏德以安汝心顧省汝謀遠慮乃道乃以安民則國祚不以汝世遠而殄絕也言當世享僞傳以猷字絕句裕字下屬則不詞矣上文云乃猷裕民君旻云告君乃猷裕王曰嗚呼肆汝小子封惟命不于常

大學篇引康誥曰惟命不于常說之云道善則得之不善

則失之矣春秋左氏成十六年傳范文子引周書說之曰有德之謂襄二十三年傳君子謂慶氏不義不可肆也引書皆同

汝念哉無我殄享明乃服命高乃聽用

康乂民

享者說文云獻也凡封諸侯必命之祭其封內之山川社稷所謂命祀春秋左氏僖二十一年傳衛遷於帝邱成公夢康叔曰相奪予享公命祀相寧武子曰不可以間成王周公之命祀服命謂服七章之服命七命也周禮典命云

侯伯七命其國家宮室車旗衣服禮儀皆以七爲節又大行人職云諸侯之禮冕服七章高乃聽者廣雅釋詁云高敬也言敬聽我訓則安治民之道也

王若曰往哉封勿替敬典聽朕誥

汝乃以殷民世享

釋詁云替廢也典常言往就國勿替其敬常聽我誥則汝用是殷民世享其國矣典字下屬爲句酒誥典聽朕教又云汝典聽朕恣正與此同誥今作告從唐石經作誥

# 卷十六

## 酒誥第十六 周書七

**注** 史遷說周公旦懼康叔齒少告以紂之所以亡者以淫於酒酒之失婦人是用故紂之亂自此始

故謂之酒誥以命之

**疏**

史公說見衛世家云告以紂之所以亡者以淫於酒者書疏引鄭注云妹邦者紂之都所處也其民尤化紂嗜酒是也周公作此篇在東征之後周本紀云初管蔡畔周周公討之三年而畢定故初作

大誥次作微子之命次歸禾次嘉禾次  
康誥次酒誥梓材其事在周公之篇

王若曰 **注** 王一作成王三家云王年長骨節成立馬融曰言成王者未聞也俗儒以為成王骨節

始成故曰成王或曰以成王為少成二聖之功生號曰成王沒因為諡衛賈以為戒成康叔以慎酒成就人之道也故曰成此三者吾無取焉吾以為後錄書者加之未敢專從故曰未聞也鄭康成曰成王

言成道之王 **疏**

三家者歐陽大小夏侯也引見書疏據釋文引馬注則衛賈亦有成字呂氏春秋下賢篇云文王造之而未遂武王遂之而未成周公旦抱少主而成之故曰成王是秦已前書說亦同或說少成二聖之功也馬注見釋文

云慎酒成就人之道者。說文云：酒，就也。所以就人性之善惡也。云後錄書者加之者。江氏聲云：馬言是也。蓋此篇之誥，成王親之。史氏從後加成字，以別異於康誥之周公代誥也。段氏玉裁云：魯世家曰：管叔及羣弟流言於國曰：周公將不利於成王。周公乃告太公召公曰：武王蚤終，成王少，誠伯禽曰：我文王之子，武王之弟，成王之叔，又曰：必葬我成周，以明吾不敢離成王。詳玩此等皆實。生稱成王如湯，生稱武王之比，三家之說固可信也。偽孔刪去成字，大非。馬氏云：後錄書者加之，亦非也。顧命云：成王崩，馬注曰：安民立政曰成。蓋謂死謚，非生稱。不知初崩未有謚。春秋之例曰：公薨，至葬而後曰葬我君某公。

### 明大命于妹邦

馬融曰：妹邦，卽牧養之地。鄭康成曰：妹邦，紂

之都所處也。于詩國屬鄘，故其風言有沫之鄉，則沫之北沫之東朝歌也。其民尤化紂嗜酒，今祿父見

誅康叔爲其連屬之監。

**疏**

馬注見釋文云：妹邦，卽牧養之地者。段氏玉裁云：謂妹邦卽牧野也。以妹同餘。鄭注見詩桑中疏。及衛風譜疏云：妹邦，紂之都所處者。水經注：淇水又南合泉源水，水有二源，一水出朝歌城西北

東南流，其水南流東屈，逕朝歌城南。晉書地道記曰：本沫邑也。殷王武丁始居之，爲殷都也。紂都在禹貢冀州大陸之野，卽此矣。有糟丘酒池之事焉。有新聲靡樂，號邑朝歌是也。云于詩國屬鄘者，春秋左氏定四年傳：子魚曰：康叔取於有閭之土，以共王職。閭與鄘聲近，書毋若火始庸庸，一作燄燄，是有閭卽鄘國也。說文：邶，故商邑，在河內朝歌以北，則沫北爲邶也。對北則妹鄉爲鄘，在南妹東爲衛矣。故鄭言妹之北，妹之東朝歌也。云化紂嗜酒者，紂都有糟丘酒池，民染其習以爲俗。云康叔爲連屬之監者，王制云：五國以爲屬，屬有長，十國以爲連，連有帥，是連屬皆諸侯之長，兼統數國者也。鄭詩譜云：自紂城而北謂之邶，南謂之鄘，東謂之衛，又言更于此二國建諸侯，以殷餘民封康叔於衛，使爲之長，後世子孫稍并彼二國，是鄭以康叔未有邶鄘，妹旣屬鄘，非康叔之邑，而明大命于其處，故說其得統之由，以爲其連屬之監故也。

### 乃穆考文王肇國在西土

**疏**

穆考者，周語太子晉曰：后稷始基靖民，十五王而文始平之。注云：十五王，謂后稷不窋、鞠公、劉慶、節、皇、僕、差、弗、毀、隄、踰、公，非

高圉、亞圉、公叔祖類、太王、王季、文王。案自始祖后稷計之，文王次當穆。詩載見云：率見昭考。傳云：昭考，武王也。武王爲昭，是文王爲穆考也。肇者，釋詁云：始也。國在西土，謂豐邑。詩文王有聲云：作邑于豐。今陝西咸寧縣地。

### 厥誥毖庶邦

庶士越少正御事朝夕曰祀茲酒

**疏** 慈同必廣雅釋詁云必敕也王氏念孫云此慈當釋為敕誥庶邦者文王為雍州伯南兼梁荆故得總告衆國也庶士者士之言事總謂朝臣

少正者正人之副鄭有少正公孫儒魯有少正卯周書有大正正刑書御事凡朝臣皆御治事者論衡語增篇云酒誥之篇朝夕曰祀茲酒此言文王戒慎酒也朝夕戒慎則民化之祀茲酒謂文王不飲而敬祭此酒曲禮云祭食祭所先進注祭祭先也君子有事不忘

本也公食大夫禮云祭飲酒于上豆之間是古有祭飲酒之禮文王但祭之不崇飲也或為誥勅衆邦羣臣朝夕戒之言惟祭祀可用此酒耳惟天降命肇我民惟元祀

**疏** 惟者釋詁云思也命者廣

雅釋詁云名也釋詁云肇元始也言思天降下酒名之始我民當思祀其始作酒者書疏引世本云儀狄造酒夏禹之臣又云杜康造酒或此云惟天下教命始命我民知作酒者惟為大祀元大也天降威我民用大

亂喪德亦罔非酒惟行越小大邦用喪亦罔非酒惟辜

**疏** 辜者釋詁云辜也言天降威罰者我民以大亂喪其德惟無非以酒

亂行也於小大之國所以喪亡者亦無非以酒為辜也文王誥教小子有正有事無彝酒

**疏** 正一作政 彝者釋詁云常也小子謂康叔韓非子說林紹

續味對宋君曰康誥曰無彝酒彝酒常酒也常酒者天子失天下匹夫失其身鄭注周禮萍氏引此文正作政疏云有政之大臣有事之小臣彝常也不得常飲越庶國飲惟祀德將無醉

**疏** 大

傳說天子有事諸侯皆侍尊卑之義宗室有事族人皆侍終日大宗已侍於賓奠然後燕私燕私者何也已而與族人飲也又說故曰飲而醉者宗室之意也德將無醉族人之志也是故祀禮有讓德施有

復義之至也

**疏** 將者廣雅釋言云扶也大傳宗室已下見儀禮特性注引尚書傳詩湛露疏引書傳略同有脫字鄭注云事謂祭祀大宗謂卿大夫以下宗室大宗之家也言衆邦惟祀事侍于天子或飲于大宗得飲又當以德相扶持不

至于惟曰我民迪小子惟土物愛厥心臧聰聽祖考之彝訓

迪者方言云正也土物者土所生之物謂黍稷洪範云土

爰稼穡禮器云故天不生地不養君子不以爲禮注地不養謂非此地所生臧者釋詁云善也言非祀無致遊飲惟欲正我民汝封當愛惜土地所生之物以善其心聰聽祖考之常訓謂酒以糜穀當愛惜也

越小大德小子

惟一言大德不踰閑小德亦無出入思其純一妹土嗣爾股肱純其藝黍稷奔走事厥考厥長

嗣者章昭注魯語云世也

純者賈逵注晉語云專也藝當爲執見說文黍者說文云禾屬而黏者也以大暑而種故謂之黍稷者說文云齋也五穀之長齋或作粢秬稷之黏者或作朮案漢人謂稷爲粟米今俗謂之小米越絕書云甲貨之戶曰粢爲上物乙貨之戶曰黍爲中物古者貴黍稷喪大記疏云案公食大夫禮黍稷爲正饌稻粱爲加是稻粱卑於黍稷故舉五穀以黍稷言之也言妹土人。世爲爾股肱當專務種其黍稷奔走事其父兄也

母厥父母慶自洗腆致用酒馬融曰洗盡也

肇者釋言云敏也注引此廣雅釋詁云肇亟也服者釋詁云事也慶者詩傳云善也洗者章注周語云濯也洗

音近酒說文洗滌也腆者說文云設膳腆腆多也古文作𠄎白虎通商賈篇云商之言商其遠近度其有亡通四方之物故謂之商也買之言固固有其物以待民來以求利也書曰肇牽車牛遠服賈用遠行可知也方言欽厥父母欲留供養之也王氏鳴盛云據商賈之義本不同今以牽車遠行之商謂之賈者欲見留養父母之義也經言亟牽車牛遠爲商賈之事以孝養父母及父母善慶自滌器設膳致用此酒馬注見釋文云洗盡者盡蓋盪字之誤說文云盪滌器也

伯君子其爾典德朕教

庶士見上有正庶伯正伯皆長也君子者釋詁云君大也子者馬氏注論語云男子通稱也典者釋詁云常也欲令衆士正長大德之人常聽朕教

爾大克

羞者惟君爾乃飲食醉飽大傳說古者聖帝之治天下也五十已下非烝社不敢遊飲六

十已上遊飲也。

**疏**

釋詁云克能也。羞進也。耆者方言云老也。飲食鄭注周禮云燕饗也。周禮酒正凡饗耆老孤子皆共其酒無酌數。注云要以醉為度。古者天子諸侯皆有養老之禮。言爾大以賢能進為耆老。惟君使爾飲食醉飽。大傳

說見大戴禮立事篇。注云六十已上遊飲者。王制云六十養於國。又云六十不與服戎。六十不親學。故可遊飲也。

不惟曰爾克永觀省作稽中德。

**疏**

不辭也。稽者鄭衆注周禮小宰

云合也。鄭注樂記云三老五更互言之耳。皆老人更知三德五事者也。言爾能久觀看省察於事。理將於爾所為稽合於中道。內則云凡養老五帝憲三王有乞言。注云憲法也。養之為法其德行。

爾尙克羞饋祀。

**疏** 鄭

康成曰饋祀助祭于君。爾乃自介用逸。茲乃允惟王正事之臣。茲亦惟天若元德永

不忘在王家。

**疏**

尙者釋言云庶幾尙也。饋者文選祭顏光祿文注引蒼頡云祭名也。高誘注國策云吳謂食為饋。祭鬼亦為饋。古文通用。讀與餽同。鄭注籙人云饋食薦孰也。介者釋詁云右也。逸者薛綜注東京賦云樂也。若者釋言

云順也。元者章昭注晉語云善之長也。言爾庶幾以賢能進與於饋食祭祀之列。爾乃自右助用為燕樂之賓。此乃信惟王有政有事之臣。此亦惟天順善德長不遺忘爾在王家矣。

王曰封我西土棐徂邦

君御事小子尙克用文王教不腆于酒故我至於今克受殷之命。

**疏**

釋詁云棐備也。徂存也。腆者廣

雅釋詁云美也。言汝封當念我西土輔臣惟在邦君治事。爾小子庶幾能用文王之教不美於酒。故我至今能受殷大命。

王曰封我聞惟曰在昔殷先哲王迪畏天

顯小民經德秉哲自成湯咸至于帝乙成王畏相。

**疏**

易說書之帝乙六世王先儒皆以

為紂父。

**疏**

在者釋詁云察也。哲者說文云知也。迪局攸見上疏顯者廣雅釋詁云明也。經德者孟子盡心云經德不回。注云經行也。秉者釋詁云執也。哲者說文作愨云敬也。咸者釋詁云皆也。王告康叔以察昔殷先賢知王所畏天明命下及小民

惟行其德。執其敬。自成湯至於帝乙。咸成就王道。敬畏輔相也。周語叔向曰。詩曰。成王不敢康。注云。謂修己自勸。以成其王功。亦以成王為成王功。易說見乾鑿度。鄭注。檀弓云。易說。帝乙曰。易之帝乙為成湯。書之帝乙六世王。考殷本紀。湯子太丁。太丁子太甲。太甲子沃丁。沃丁弟子小甲。小甲弟子仲丁。仲丁弟子帝祖乙。帝祖乙立。殷復興。不數兄弟相及。則祖乙為湯已後六世孫也。先儒注見檀弓。疏云。先儒皆以酒誥帝乙紂父者。此先儒即是賈馬。鄭與易說異。殷本紀。湯至帝乙十六世。帝乙無道。為偶人。謂之天神。與之博。令人為行。天神不勝。乃謬辱之。為革囊盛血。仰而射之。命曰射天。武乙獵於河渭之間。暴雷。武乙震死。則帝乙非令主。故易說以為祖乙也。

惟御事厥棐。有恭不敢自暇自逸。矧

曰其敢崇飲。

暇者釋詁云。惶暇也。逸者詩箋云。豫也。矧者釋詁云。況也。說文正作矧。崇者薛綜注東京賦云。與也。言殷先王時於治事之臣。其輔臣皆有恭敬。不敢寬暇。逸。豫。況復興飲酒之事。

越在外服。

侯甸男衛邦伯。

周語云。先王之制。邦內甸服。邦外侯服。侯衛賓服。注云。甸。王田也。服。服其職業也。自商以前。并畿內為五服。邦外。邦畿之外也。方五百里之地。謂之侯服。侯服。侯圻也。衛。衛圻也。言自侯圻至衛圻。其間凡五圻。圻五百里。五五二千五百里。中國之界也。五圻者。侯圻之外曰甸圻。甸圻之外曰男圻。男圻之外曰采圻。采圻之外曰衛圻。據此是衛上有采。康誥曰。侯甸男采衛。經文蓋省采字。邦伯者。王制云。千里之外設方伯。五國以為屬。百一十國以為州。州有伯。八州八伯。注云。伯帥殷之州。長曰伯。虞夏及周皆曰牧。又云。八伯各以其屬。屬於天子之老二人。分天下以為左右二伯。此邦伯未必是二伯。蓋即方伯也。白虎通爵篇云。尚書曰。侯甸任衛作國伯。今文尚書男作任。邦作國。又多作字。

越在內服。百

僚庶尹。惟亞惟服。宗工越百姓里居。

釋詁云。僚。官也。師衆也。釋言云。尹。正也。亞。次也。服。事也。惟。亞。謂正官之倅。惟服。謂任事者。其士與宗工。謂宗人百姓里居。謂百官致

仕家居者

罔敢湏于酒。鄭康成曰。飲酒齊色曰湏。不惟不敢。亦不暇。惟助成王德顯。越尹

人祗辟。

酒者說文。沈於酒也。引此文。沈與醜聲相近。說文醜。樂酒也。釋詁云。祗。敬也。辟。法也。言內外諸侯臣工。皆無敢嬉樂於酒。不惟不敢。亦有正事。無暇及飲。惟助君成就王德。使之顯著。至於正人敬法。無敢慢者。鄭注見詩蕩疏。云。飲酒

齊色者詩蕩云天不酒爾以酒箋云天不同汝顏色以酒齊同義相近

我聞亦惟曰在今後嗣王酣身

後嗣王謂紂也酣者說文云酒樂也太平御覽四百九十七引作樂酒也

厥命罔顯于民祇保越怨不易

保者釋詁云安也不易不改也言紂之命令無可顯著為民所敬如先王之德顯使尹人祇辟徒安於怨不改其所為祇字屬上句讀偽傳云所敬

所安不詞也論衡謹告篇云紂為長夜之飲文王朝夕曰祀茲酒非疾之者宜有以改易之是說此經不易之意也

誕惟厥縱淫泆于非彝用燕喪威儀民罔不

畫傷心

淫者王逸注楚詞云游也泆者同佚廣雅釋詁云樂也燕者詩傳云安也威者釋言云則也畫者說文云傷痛也引此文殷本紀云紂大最樂戲於沙丘以酒為池縣肉為林使男女裸相逐其間為長夜之飲故言大惟其縱遊佚於

非法用安樂喪其威儀民無不痛傷心者

惟荒腆于酒不惟自息乃逸厥心疾很下克畏死辜在商邑越殷

國滅無罹

荒者詩傳云大也腆者廣雅釋詁云美也息者詩傳云止也逸者釋言云過也疾者詩箋云疾害很者說文云很斂也罹即離俗字易九家注云離附也鄭注月令云離讀如儷偶之儷言紂惟大美於酒不思自止其過其

心疾害乖戾恃有命在天不能畏死罪在商邑於殷邦喪滅無附麗之者白虎通京師篇云京大師衆也天子所居故大衆言之夏曰夏邑殷曰商邑周曰京師尚書曰在商邑謂殷也是說此經之義

弗惟德馨香祀登

聞于天誕惟民怨庶羣自酒腥聞在上故天降喪于殷罔愛于殷惟逸天非虐

惟民自速辜

馨者說文云香之遠聞也庶者釋詁云衆也逸者釋言云過也速者詩傳云召也周語云國之將與其德足以昭其馨香國之將亡其政腥臊馨香不登注云馨香芳馨之升聞者也腥臊臭惡也登上也芳馨不

上聞於天神不變也傳曰黍稷非馨明德惟馨正同此義也言無德馨升聞於天大惟民怨及衆羣臣用酒臭達於上故天下喪亡之禍於殷而勿愛之惟紂之過天非暴虐惟人自召罪耳

王曰封予不惟若茲



多誥。古人有言曰：人無于水監，當于民監。今惟殷墜厥命，我其可不。大監撫于

時。監者釋詁云：視也。墜俗字，當為隊。說文云：隊，從高隊也。撫者，鄭注曲禮云：猶據也。時者，釋詁云：是也。告康叔言：我不徒如此多誥，欲其有所法式。引古人言：視水不如視民也。史記殷本紀引湯征湯曰：人視水見形，視民知治否。又告以今惟殷隕喪

其大命，我其可不據。予惟曰：汝劼毖殷獻臣。劼者，說文云：慎也。引此文讀若覃，毖同必。侯甸男衛矧。廣雅釋詁云：必，敕也。獻者，釋詁云：聖也。

太史友內史友。鄭康成曰：太史內史掌記言記行。越獻臣百宗工，矧惟爾事。服休服

采。鄭康成曰：服休，燕息之近臣。服采，朝祭之近臣。太史友內史友，友俱讀為右。觀禮：太史是右。注云：右讀如周公右王之右。廣雅釋詁云：右，比也。言左右史，尤比近於

王。故曰友。宗工，謂尊官。詩傳云：宗，尊也。工，官也。事者，詩傳云：士，事也。鄭注太史內史云云，見王制疏云：太史內史掌記言記行者，玉藻云：動則左史書之，言則右史書之。疏引熊安期疏云：太史記動作之事，在君左廂記事，則太史為左史也。內史所掌，在君之右，故為右

史。鄭注服休服采云云，見書疏云：服休，燕息之臣者。說文：休，息止也。服采為朝祭之臣者。魯語云：天子大采朝日，少采夕月。注云：虞說曰：大采，袞職也。少采，黻衣也。蓋掌朝祭之服。矧惟若疇，圻父。鄭康成

曰：順壽萬民之圻父，圻父謂主封畿之事。疇，一作冔。鄭注見詩祈父疏云：若順者，釋言文云：圻父，主封畿之事者。詩傳云：圻父，司馬也。職掌封圻之兵甲。疇，聲近壽。圻音近畿。

薄違農父。馬融曰：違，行也。馬注見釋文云：違行者，謂邪行也。違與回聲相

近。薄者，方言云：勉也。秦晉或曰薄，故其鄙語曰：薄勞猶勉勞也。言勉去其邪行，謂司徒之職。若保宏父，定辟矧汝剛制於酒。保者，詩傳云：安也。宏，大也。詩傳云：司空，釋詁云：宏，大也。詩傳云：

空大也。宏與空俱訓大。故宏卽空也。辟者。說文云法也。剛者。廣雅釋詁云強也。制者。鄭注王制云斷也。言汝慎勅殷之賢聖。臣在侯甸男衛之服者。其惟太史內史。於賢聖臣百尊官。其惟爾之士。有事休息采服之臣。其惟順壽衆民之司馬。勉行衆民之司徒。順保衆民之司空。俱有定法。汝其剛斷於酒。矧詞也。僞傳俱說爲況。非。

厥或誥曰。羣飲汝勿佚。盡執拘以歸於周。予其殺。 拘一作

柯。 疏

佚與失聲相近。說文失縱也。殺同縶。方言云散殺也。後漢書樊儵傳注引左傳曰。周公縶管叔而殺蔡叔。杜注云殺放也。拘作柯者。說文云柯。搗也。周書曰。盡執柯。繫傳作柯獻。多一字。言其告者云。有羣飲者。汝勿縱舍。盡執而指搗之。以歸於周。予其放

散之。又惟殷之迪諸臣。惟工乃酒於酒。勿庸殺之。姑惟教之。有斯明享。 鄭康成曰

斯析也。 疏

迪者。釋詁云進也。詩傳云工官也。庸用也。姑且也。鄭注見詩墓門釋文。以斯爲析者。詩傳文享者。易隨云享于西山。釋文引陸注云祭也。言告者雖欲誅羣飲者。又當思惟殷進用之臣工。俱沈于酒。民俗染之。我勿用爲罪。且先教之。又分

析其羣飲之故。或由享祀。則勿罪原之。

乃不用我教辭。惟我一人弗恤。弗蠲乃事。時同于殺。 疏

恤者。說文云收也。蠲者。詩傳云潔也。

言汝不用我教令。我不能收恤汝。汝又弗潔乃政事。是同於放殺之罪。

王曰。封。汝典聽朕毖。勿辯乃司。民酒于酒。 疏

典者。釋詁云常也。毖同必。廣雅釋詁云敕

也。辯者。廣雅釋詁云使也。誥康叔言當常聽我敕。勿使汝司民之人。沈於酒也。楊子法言問神篇云。昔之說書者。序以百。而酒誥之篇。俄空焉。今亡夫。困學記聞引藏文志云。劉向以中古文校歐陽大小夏侯之家。經文酒誥脫簡。一謂俄空卽脫簡之謂。而大傳引酒誥

王曰。封。惟曰若圭璧。今無此句。疑所脫卽此等句。

卷十七

梓材第十七 周書八

**史遷說**周公旦懼康叔齒少為梓材示康叔可法則

**疏**梓者梓人史記正義曰若梓人為材君子觀為法則也梓匠人也大傳云伯禽與康叔見周公三見而三咎康

叔有駭色謂伯禽曰有商子者賢人也與子見之乃見商子而問焉商子曰南山之陽有木焉名曰橋二三子往觀之見橋實高高然而上反以告商子商子曰橋者父道也南山之陰有木焉名曰杼二三子復往觀焉見杼實晉晉然而循反以告商子商子曰杼者子道也二三子明日見周公入門而趨登堂而跪周公仰拂其首勞而食之曰爾安見君子乎二子以實對周公曰君子哉商子也此事亦見說苑建本篇論衡譴告篇大傳所云即史公說示康叔可法則者與經義絕不同或今古文異說附存之

王曰封以厥庶民暨厥臣達大家以厥臣達王惟邦君 **鄭康成**曰于邑言達大家

于國言達王與邦君王謂二王之後 **疏**暨者釋詁云與也達者說文云通也家者鄭注周禮載師云家邑大夫之采地小都鄉之采地又注周禮家司馬敘官云家鄉大夫采地蓋大夫稱家鄉稱都對文

則然散文則可總言家大家如孟子離婁言巨室也鄭注見書疏云于邑言達大家者大家皆有采邑故曰于邑謂國中之邑也云于國言達王與邦君者王與邦君各君其國故云于國是通他國言也云王謂二王之後者以王與邦君並言則王非謂天子故以為二王後江毛聲云惟邦君惟當為暨康叔所治當有鄉大大采地又其所職乃當州之牧故得統領二王之後與列邦之君通達者言當通達上下之情 **汝若恆越曰我有師師司徒司馬**

**司空尹旅** **疏**若者釋言云順也恆者釋詁云常也越同粵釋詁云於也師師者上師釋詁云衆也下師鄭注周禮云猶長也尹正旅衆俱釋詁文言汝當順常於以告其衆長三鄉大夫士江氏聲云尹謂大夫旅謂衆士也鄭注內則云

諸侯并六卿為三。或兼職焉。案兼職者。王制疏引崔靈恩疏云。三卿者。依周制而言。謂立司徒兼冢宰之事。立司馬兼宗伯之事。立司空兼司寇之事。故春秋左傳云。季孫為司徒。叔孫為司馬。孟孫為司空。所告謂下無虐殺人。及先敬勞之言。曰。予罔

厲殺人。亦厥君先敬勞。肆徂厥敬勞。屬者。周書謚法解云。殺戮無辜曰厲。肆。今徂。皆釋詁文。言當告其臣。以予無敢虐殺人。亦當自其君先之。以敬勞民。今汝往其敬

之。勞。肆往姦宄殺人。歷人宥。肆亦見厥君事。戕敗人宥。馬融云。戕。殘也。戕敗人宥。一作

疆人有。歷者。廣雅釋詁云。過也。見猶效也。史記天官書。以效為見。曲禮效馬效羊。注云。效。猶呈見。言汝今往。有姦宄及殺人者。其所過歷之人。不當同罪。汝今亦效其君敬勞之事。殘壞人不至死者。不當坐以殺人之罪。俱原情寬宥之。若律容止

逃亡罪止徒。知情藏匿罪人。減罪人罪一等。漢法。殺人者死。傷人及盜抵罪也。墨子尚同篇引泰誓云。小人見姦巧。乃聞不言也。發罪鈞鈞均也。蓋紂法見姦。不言事發同罪。故周公以姦宄殺人。歷人宥。誥康叔。革紂法也。馬注見釋文。周禮大司馬疏引作鄭注云。戕。殘

者。詩十月之交箋同。戕敗人宥。論衡效力篇引梓材曰。疆人有王開賢。厥率化民。蓋今文也。義見下疏。王啓監厥亂為民。一作王開賢。厥率化民。啓者。說文云。教

也。亂者。釋詁云。治也。監者。周禮太宰立其監。注云。監。謂公侯伯子男各監一國。引此文。言王教諸侯。使監觀其治。皆為民也。啓作開。監作賢。亂作率。為作化者。論衡效力篇云。梓材曰。疆人有王開賢。厥率化民。說之云。此言賢人亦壯疆於禮義。故能開賢其率化民。化民

須禮義。禮義須文章。行有餘力。則以學文。能學文。有力之驗也。此今文說。以戕為疆。宥為有者。說文云。能獸堅中。故稱賢能。而疆壯稱能傑也。是知疆人為疆壯。人謂賢傑也。中庸子路問強。又云。發強剛毅。足以有執。是強為美德也。開者。韋昭注晉語云。通率義同。帥。王

開賢。厥率化民者。言疆能者。有為王所通達之賢。任其督帥化民之事。漢舊儀。丞相御史大夫初拜策曰。往。曰。無胥戕。無胥。悉乃心。和裕開賢。用此經文。和裕當為宏裕。和與從弓從亼之字形相近。用康誥宏于天。若德裕乃身也。

虐。鄭康成曰。無胥戕。無相殘賊。無胥虐。無相暴虐。至于敬寡。至于。鄭注見周禮大司馬疏。胥為相。釋詁文。戕為殘。與詩十月之交箋同也。

于屬婦。大傳說老而無妻謂之鰥。老而無夫謂之寡。屬一作媪。敬寡即矜寡。呂刑哀敬折獄。大傳作哀。

相近義俱通也。屬與媪聲之緩急。假借字。又說文有媪云弱也。一曰下妻也。屬媪聲亦相近。疑亦弱也。大傳說即杆材傳。下文又有幼而無父謂之孤。老而無子謂之獨。行而無資謂之乏。居而無食謂之困。此皆天下之至悲哀而無告者。故聖人在上。君子在位。能者任職。必先施此。使無失職。推經義言之也。云老而無妻者。鄭注孝經云。六十無妻曰鰥。鰥亦作矜。王制。老而無妻謂之矜。大戴禮云。上古男子五十而娶。故六十曰鰥也。屬說文作媪。云婦人妊身也。文選崔子玉清河王誅云。惠於媪媪。媪即寡也。此孔壁古文。

由以容。合者。鄭注周禮云同也。由者。詩傳云用也。容者。廣雅釋詁云寬也。言窮民無告有罪寬之。王其效邦君越御事。厥命曷以引養引恬。

自古王若茲。監罔攸辟。效者。廣雅釋言云考也。以者。詩傳云用也。引者。釋詁云長也。恬者。說文云安也。辟者。說文云法也。言王之課邦君子治事之人。其命何用哉。惟長養民。長安民。自古王如此。監視其

國無所任。惟曰若稽田。既勤敷蓄。惟其陳修。為厥疆畎。惟者。釋詁云思也。稽者。鄭注周禮云計也。蓄者。說文云才耕田也。或作留。釋地云田

一歲曰蓄。注云。今江東呼初耕地反草田蓄。陳者。詩信南山維禹甸之。周禮稍人注。引作畎。云甸治。是陳亦治也。疆者。說文云界也。畎。說文作。以此為篆文。云六畎為一畝。水小流也。周禮匠人為溝洫。相廣五寸。二相為耦。一耦之伐。廣尺深尺。謂之。倍。遂曰溝。倍溝曰洫。倍洫曰。又云方百里為。廣二尋。深二仞。讀若澮同。

蓋用考工記文。言為國如計田。既勤力以布耕其土。當思修治其疆界。畎澮。若作室家。既勤垣墉。惟其塗墍。

茨。馬融曰。卑曰垣。高曰墉。墍。墍色。塗俗字。當為塗。墍者。說文云仰塗也。漢書揚雄傳云。獲人亡。則匠石輟斤而不致。妄斲。注服虔曰。獲。古之善塗墍者也。施廣領大袖以仰塗。而領袖不汚茨者。

說文云。以茅葦蓋屋也。言如作室家。既勤力為牆。當思塗塞孔穴。又蓋之以茅葦也。喻政事修舉乃有成。馬注見釋文。云卑曰垣者。吳語云。君有短垣而自踰之。短即卑也。詩良耜云。其崇如墉。崇即高也。說文云。垣牆也。釋宮云。牆謂之墉。是皆牆也。墍為墍色者。說文云。

尙書今古文注疏 三 卷十七 梓材第十七 周書八 六十五

聖白塗也。釋宮云：牆謂之聖。考工記：匠人爲世室，用白盛。注：盛之言成，以蜃灰聖牆，所以飾宮室。然則古塗牆以蜃灰，今以石灰也。

若作梓材，既勤樸斲，惟其塗丹。臚。馬

融曰：梓古作杼字。治木器曰梓。治土器曰陶。治金器曰冶。樸未成器也。臚善丹也。鄭康成曰：山海經云

青丘之山，多有青臚。塗一作敷。

臚

梓者，釋木云：椅梓，韋昭注楚語云：杞梓，良材也。說文云：樸，木素也。斲，斫也。塗，作敷。見臚字解。云善丹也。引周書曰：惟其敷丹。臚讀若雀。敷，閉也。集韻云：敷同都切。塗也。周書曰：

敷丹。臚，羣經音辨云：敷音徒。書惟其敷。聖茨則古文本又作敷也。敷亦敷之假音字。言如作梓材，既勤力治其素質，當思加以采色。喻國既治理，更須修明制度典章，使粲然可觀也。馬注見釋文。云梓古作杼字者，說文以杼爲李字之古文。馬以爲梓字，蓋本大傳古字。以子爲聲。云治木器曰梓者，考工記有梓人，爲筍虡，爲飲器，爲侯。因梓材美以名工也。陶人治氏，俱見考工記。云樸未成器者，釋木云：樸，枹者，樸亦同朴。說文木皮也。云臚善丹者，說文丹，巴越之赤石也。臚解與馬同。鄭注見書疏。引山海經者，南山經云：青丘之山，其陰多青臚，是也。古者犧尊以木爲之，飾以青黃。

今王惟曰：先王既勤用明德，懷爲夾，庶邦享，作兄弟，方來，亦既

用明德。

臚

懷者，釋詁云：來也。夾者，一切經音義十二引倉頡云：輔也。享者，釋詁云：獻也。作者，詩傳云：始也。享作猶言作享。方者，鄭注儀禮云：猶併也。言今王爰思先王勤勞用明德之臣，來爲夾輔，是以衆邦始來享，兄弟之國，並來賓服，亦已奉

用明德矣。

后式典集庶邦不享。

臚

后者，說文云：繼體君也。式者，釋言云：用也。典者，釋詁云：常也。言繼體之君，當用先王之常法安集之。衆邦乃來享也。不，語詞也。

皇天既付中

國民。注。付馬融作附。越厥疆土于先王。肆王惟德用。和懌先後迷民。用懌先王受

命。

臚

付馬作附者，見釋文。高宗彤日，天既付命正厥德。史記作附，是付附通。說文云：付，與也。肆者，釋詁云：今也。懌者，釋詁云：服也。先後江氏聲說爲教道之，引詩緜傳云：相道前後曰先後。迷者，釋言云：惑也。懌，俗字，當爲敷。說文云：敷，終也。言天既付中國

民與其疆土于先王。今王思用德和服。先道此迷惑之民。用終先王所受大命。已者釋詁云咨已。此也是已猶咨也。監者說文云臨下也。言如此臨民。惟子孫長保斯民矣。王氏鳴盛曰。今王惟曰先王既勤用明德已下。周公因誥康叔而并戒成王之詞。通上康誥酒誥三篇。總結之也。

已若茲監。惟曰欲至于萬年。惟王子子孫孫永保民。**疏**

## 卷十八

### 召誥第十八 周書九

**注** 史遷說周公行政七年。成王長。周公反政成王。北面就羣臣之位。成王在豐。使召公復營洛邑。如

武王之意。周公復卜申視。卒營築居九鼎焉。曰。此天下之中。四方入貢。道里均。作召誥洛誥。大傳說周

公攝政五年。營成周。七年致政。

**疏**

史公說見周本紀。以營洛邑作召誥。爲在七年反政之時者。據經文云。王朝步自周。下文云。周公朝至於洛。周公至是不稱王。經文又云。錫周公曰。又有旦曰。故知在反政之

後也。此蓋孔安國古文說。周書作維解。亦云及將致政。乃作大邑成周於土中。漢書律歷志亦云。周公七年。復子明辟之歲。是歲二月乙亥朔庚寅望後六日。得乙未。故召誥曰云云。見下丙午臚疏。大傳以爲在攝政五年者。今文異說也。鄭氏從大傳。

惟二月既望。越六日乙未。**注** 史遷說成王七年二月乙未。鄭康成曰。是時周公居攝五年。二

月三月當爲一月二月不云正月者蓋待治定制禮乃正言正月故也

**疏**

望假借字說文作望云月滿與日相望以朝君也从月从臣从壬子朝廷

也古文作望釋名云望月滿之名也月大十六日小十五日日在東月在西遙相望也越者漢書注文穎云踰也既望是十六日踰六日則二十一日也史公說見魯世家云二月乙未者不破經文二字爲一與鄭異也書疏云是月朔是乙亥望是己丑既望是庚寅鄭注見周禮大司徒疏及詩文王疏云是時周公居攝五年者據大傳說周公攝政五年營成周也與史記魯世家以爲在七年歸政之時不同云二月三月當爲一月二月者謂此經當爲一月既望下文爲二月丙午朏也江氏聲云既望十六日也乙未二十一日鄭知然者以洛誥戊辰烝是居攝七年十二月日此是居攝五年事計五年三月至七年十二月凡三十四月其間餘分積至二萬八千九百七十六有奇以九百四十分之日法除之則三十日有餘矣則五年六年之終必置一閏則五年三月朔至七年十一月晦已匝三十四月若三月丙午朏則甲辰朔也推之五月當癸卯朔七月當壬寅朔率兩月而退一日則七年十二月應丁亥朔不得有戊辰若此二月爲一月下文丙午朏是二月則七年十二月丁巳朔戊辰乃其十二日鄭說誠是也云不言正月云云者鄭自解已注當爲一月不言當爲正月之意也武王初有天下以建子月爲年首而稱一月不云正月武成篇一月壬辰是也時未遠制禮故改月而不稱正周公攝政非正爲王遵而不改至六年周禮成而洛誥當七年時猶詔王稱殷禮明必待七年反政之明年爲成王元年乃稱正月故云待治定制禮

王朝步自周則至于豐

**疏**

馬融曰周鎬京也豐文王廟所在朝者舉事上朝將

即土中易都大事故告文王武王廟鄭康成曰步行也堂下謂之步豐鎬異邑而言步者告武王廟即

行出廟入廟不以遠爲父恭也於此從鎬京行至於豐就告文王廟告文王則武王可知

**疏**

馬注見史記集解云

周鎬京者周自后稷居郃公劉遷豳太王遷岐文王遷豐武王遷鎬說文鎬武王所都在長安西上林苑中鎬言鎬京者詩文王有聲云宅是鎬京也白虎通號篇引詩云命此文王于周于京云此改號爲周易邑爲京也據此則文王已稱周京故武王遷鎬亦曰京也



云豐文王廟所在者。說文作鄠。云周文王所都。在京兆杜陵西南。史記索隱云。豐文王所作邑。後武王都鎬。於豐立文王廟。按豐在鄠縣。東臨豐水。東去鎬二十五里也。云告武王廟者。考親於祖。既告祖廟。必及爾也。鄭注見史記集解。及詩王風譜疏。曲禮疏。父恭。曲禮疏。作文恭。云步行者。說文義也。云堂下謂之步者。釋宮文云。告父廟。則武王可知。與馬義同也。

### 惟太保光周公相宅

**史遷說使太保召公先之雒相土**

鄭康成曰。相視也。

**史公相宅作相土者。相度其土地。可以作宅也。鄭注見史記集解。云相視。釋詁文。**

越若來。三月。惟丙午臚。

**越同。粵。釋詁云。於也。若者。鄭注周禮。**

云而讀爲若。聲之誤也。則若與而聲相近。來者。釋詁云。至也。越若來。言於是而至三月也。漢書律歷志。引武成篇。粵若來。三月。周書世俘解。越若來。三月。義並同。臚者。說文云。月未盛之明。引此文。月三日也。漢書律歷志云。後二歲。得周公七年。復子明辟之歲。是歲二月乙亥朔。庚寅望。後六日。得乙未。故召誥曰。惟二月既望。粵六日乙未。又其三月甲辰朔。三日丙午。召誥曰。惟三月丙午臚。

越三日戊申。太保朝至於洛。卜宅。厥既得

卜。則經營。史遷說其三月。周公往營成周。雒邑。卜居焉。曰吉。遂國之。

**越三日戊申者。三月丙午臚。又踰三日。則戊申月五日也。丁未**

至戊申。自豐至洛。行十四日。吉。行日五十里。豐至洛七百里也。周官太卜云。國大遷則貞龜。故須得卜。言得吉兆也。經營者。詩靈臺云。經之營之。傳云。經度之也。箋云。度始靈臺之基趾。營表其位。

越三日。庚戌。太保乃

以庶殷攻位于洛。汭。鄭康成曰。汭。隈曲中也。

**庚戌月七日。庶者。釋詁云。衆也。攻者。詩傳云。作也。位者。鄭注周禮。天官辨方正位。謂定官位。周書作雒解云。乃作大**

邑。成周於土中。城方千七百二十丈。鄠方七十里。南繫於洛水北。因於郊山。以爲天下之大澗。又云。乃位五宮。大廟宗宮考宮路寢明堂。注云。五宮。宮府寺也。大廟。后稷廟。二宮。祖考廟。考廟也。路寢。王所居也。案古者六尺四寸爲步。三百步爲里。則一里之長。百九十二丈。依考工記。匠人營國。方九里。則當云。方千七百二十八丈。周書云。千七百二十丈。略其餘數也。言庶殷者。謂衆殷民。洛汭在洛入河之處。史記周本紀云。武王曰。自洛汭延于伊汭。說文云。汭。水相入也。鄭注見書疏。以汭爲隈曲中者。說文云。隈。水曲

陳也。杜氏注左傳云水曲流為汭。

越五日甲寅位成。若翼日乙卯。周公朝至於洛。則達觀于新邑營。

**鄭康成曰**。史不書王往者。王於相宅無事也。

甲寅月十一日。翼同。昱說文云。明日也。達者。鄭注樂記云。具也。達觀言具觀之。營謂營城。鄭注周禮云。兆為壇之營域是也。鄭注見

**書疏**。越三日丁巳。用牲于郊。牛二。

越三日說文粵於也。審慎之詞。周書曰。粵三日丁亥。案即此文。亥當為巳。自甲寅翼日數之。月十四日也。郊者。易乾鑿度云。三王之郊。一用夏正。據上云

三月正夏。正建寅之月。王郊。是正祭當以上旬行禮于鎬京。此因始立郊兆而特祭天。配以后稷也。周書作維解云。乃設丘兆於南郊。以祀上帝。配以后稷。日月星辰。先王皆與食用牲。牛二者。帝牛一。稷牛一也。郊特牲云。郊特牲而社稷太牢。貴誠也。郊惟用特牛。禮以少為貴。無羊豕也。公羊宣三年傳云。養牲養二。卜帝牲不吉。則取稷牲而卜之。帝牲在于滌三月。于稷者。惟具是視。郊特牲亦云。帝牛不吉。以為稷牛。帝牛必在滌三月。稷牛惟具。所以兆事天神與人鬼也。又云于郊。故謂之郊牲。用騂。尚赤也。用犢。貴誠也。案洛誥云。騂牛。此不言其色者。時尚稱殷禮。用白牡也。

越翼日戊午。乃社于新邑。牛一。羊一。豕一。

戊午月十五日。社者。立社祭后土。以句龍配。郊特牲云。社祭土而主陰氣。

是社祭為土神也。春秋左氏昭二十九年傳云。共工氏有子曰句龍。為后土。后土為社。謂句龍生為后土之官。死則配食于社。故鄭注周禮云。共工氏之子曰句龍。食于社是也。周書作維解云。乃建大社于國中。其壇東青土。南赤土。西白土。北驪土。中央疊以黃土。白虎通社稷篇云。王者所以有社稷。何為天下求福報功。人非土不立。非穀不食。土地廣博。不可徧敬也。五穀衆多。不可一一祭也。故封土立社。示有土尊。稷。五穀之長。故封稷而祭之也。尚書曰。乃社于新邑。又云。社稷以三牲。何重功故也。尚書曰。乃社于新邑。羊一。牛一。豕一。案稷為封稷而祭。以后稷配。經不言稷。舉社以該之也。云牛一。羊一。豕一者。王制云。天子社稷皆太牢。鄭注周禮云。三牲。牛羊豕。具為一牢。案句龍配社。后稷配稷。蓋以人鬼配土穀之神。猶郊之以稷配天也。僞孔云。句龍后稷。祀為社稷。與王肅謬說同。又以社稷共

牢皆越七日甲子。周公乃朝用書。命庶殷侯甸男邦伯。厥既命庶庶。庶殷丕作。

**疏**

甲子月二十日。朝用書者。春秋左氏昭三十三年傳云。士彌牟營成周。計丈數。揣廣卑。度厚薄。仞溝洫。物土方。議遠邇。量事期。計徒庸。慮材用。書餼糧。以令役于諸侯。蓋周公以此等書于冊。以命于侯甸男之邦伯也。不者。釋詁云。大也。作者。釋言云。為也。

太保乃以庶邦冢君出取幣。乃復入錫周公。**注**鄭康成曰。所賜之幣。蓋璋以皮及寶玉。

大弓。此時所賜。召公見衆殷之民大作。周公德隆功成。有反政之期。而欲顯之。因大戒天下。故與諸侯。

出取幣。使戒成王立于位。以其命賜周公。**疏**以同與。鄉飲酒禮云。主人與賓三揖。鄉射禮作主人以賓三揖是也。錫者。釋詁云。賜也。鄭注見書疏云。蓋璋以皮及寶玉大弓者。公羊春秋定八年。

云。盜竊寶玉大弓。傳云。寶者何。璋判白。弓繡質。龜青純。是魯有此璋及寶玉大弓也。定四年左傳云。分魯公以大路大旂。夏后氏之璜。封父之繁弱。則璋與寶玉大弓。非封魯公之分器。知是此時所賜于周公者。傳無正文。故言蓋以疑之。云以皮者。周禮小行人。合六幣。

璋以皮。是璋必薦以皮也。案公羊傳。璋即寶玉。鄭以璋與寶玉大弓殊言之者。何氏注公羊云。半圭曰璋。白藏。天子青藏。諸侯魯得郊天。故錫以白。不言璋言玉者。起圭璧璜璋五玉。盡亡之也。傳獨言璋者。所以郊事天尤重也。曰拜手稽。

首。旅王若公。**疏**旅者。釋詁云。陳也。言旅王若公。則王在矣。洛誥云。公既定宅。佯來視予。卜休恆吉。則相宅時。王留西都未來。當于使來告卜之後。來洛也。故上文鄭注云。不書王往。王于相宅無事也。誥告庶。

殷。越自乃御事。嗚呼。皇天上帝。改厥元子。**注**鄭康成曰。言首子者。凡人皆云天子之子。天。

子為之首耳。**疏**鄭注見書疏。以元為首。釋詁文。茲大國殷之命。惟王受命。無疆惟休。亦無疆惟恤。嗚呼。

曷其奈何勿敬。**疏**疆者。詩傳云。竟也。釋詁云。休。慶也。恤。憂也。曷者。廣雅釋詁云。何也。天既遐終大邦殷之命。茲殷多先哲王。

在天。疏 遐俗字當為假。釋詁云：假，已也。哲者，釋言云：智也。言天既以終殷之大命，此殷之先哲王猶多在天。

越厥後王後民，茲服厥命。疏 服者，詩傳云：服，政事也。後王，謂紂也。

厥終，智藏瘝在。疏 鄭康成曰：瘝，病也。瘝，一作鰥。

疏 藏俗字當為臧。易繫詞：知以藏往。釋文云：藏，劉作臧。高誘注：呂氏春秋云：藏，潛也。瘝，俗字當為鰥。釋詁云：鰥，病也。其終謂

後王之終，即紂時也。紂政不善，智者知幾而藏匿在者，困于行役。詩：何草不黃，云何人不矜。箋云：無妻曰矜。從役者皆過時不得歸，故謂之矜。書堯典疏引書傳：孔子對子張曰：詩云：何草不元，何人不鰥。暫離室家，尙謂之鰥。此書傳即大傳，是鰥為離家行役之人。偽傳

以瘝在為在位之臣，或又以為病民者在位，俱非也。瘝，郭氏注爾雅，引此文作鰥。夫知保抱攜持厥婦子，以哀籲天，徂厥亡，出執。疏 夫者，鄭注

曲禮若夫，云丈夫，知者，釋詁云：匹也。保，同縲。說文云：小兒衣也。籲者，說文云：呼也。徂者，釋詁云：在也。執者，廣雅釋言云：脅也。言丈夫之有匹偶者，攜負其子，攜持其妻，屬以哀號呼天，在者喪亡，出被迫脅。嗚呼！天亦哀于四

方民，其眷命用懋，王其疾敬德。疏 眷者，說文云：顧也。懋者，釋訓云：懋，勉也。疾者，釋詁云：速疾也。言天亦哀此四方窮民，其眷顧大命，用勉于敬德者，以為民主，王其速敬德以答天

意。相古先民有夏，天迪從子保，面稽天若。疏 鄭康成曰：面，猶回向也。今時既墜厥命。

今相有殷，天迪格保，面稽天若，今時既墜厥命。疏 相者，釋詁云：視也。迪，與攸通。見前疏。子當讀如字，亦見上疏。釋詁云：格，陞也。保，安也。面者，鄭注

周禮云：猶鄉也。稽者，鄭注周禮云：猶考也。若者，釋言云：順也。墜，俗字當為隊。說文云：從高隊也。格者，釋言云：來也。言視古先人有夏，天所從字愛保安之。夏王亦鄉考天心而順之。今時既殞其大命矣。今視有殷，天所陞保殷王亦鄉考天心而順之。今時既殞其大命矣。

謂後王不能承天受命也。鄭注見書疏云：面，猶回向者。漢書項籍傳云：馬童面之，注面謂背之不向也。鄭云：回向，回猶背也。言背而向之。今沖子嗣，則無遺壽者。疏 壽者，亦曰耆老。

曰其稽我古人之德。矧曰其有能稽謀自天。

沖子謂成王也。耆者釋詁云耆老壽也。言今沖幼繼位則無遺棄耆老者。謂其能考我古人之德以其或

能考謀以從天。即上所云面稽天若也。漢書孔光傳云。今年耆有疾。俊艾大臣。惟國之重。其猶不可目闕焉。引書文作無遺耆老。

嗚呼。有王雖小。元子哉。其不能誠於小

民。

元者釋詁云首也。不語詞。誠者說文云和也。引此文不作不言王雖幼沖亦天之首子。其能和于小民也。

今休。王不敢後。用顧畏于民。暑。

休者釋詁云美也。顧謂眷

顧。暑者說文云。暑。暑也。引周書曰。畏于民。暑。讀與廢同。民廢猶民險也。康誥曰。小人難保。言今之美。王不敢後。用天之眷顧。下畏于民情之險。江氏聲云。說文引此文。不連顧字。漢儒以顧字屬上讀。是也。王應麟困學記聞。載文志考。皆以說文。暑多言也。為此暑字。段氏

玉裁駁之。案前說文讀與聶同。緩讀則同。暑。許氏訓以為多言。或即暑字本義。亦未可定。

王來紹上帝。自服于土中。

鄭康成曰自用。

紹者釋詁云繼也。自者詩

傳云用也。服同。服。說文云治也。土中。謂王城于天下為中也。論衡難歲篇云。儒者論天下九州。以為東西南北。盡地廣長。九州之內。五千里。竟三河土中。周公卜宅。經曰。王來紹上帝。自服于土中。維則土之中也。水經河水注。引孝經。援神契曰。八方之廣。周洛為中。謂之洛邑。周禮大司徒職。以土圭之法。測土深。正日景。以求地中。日南則景短。多暑。日北則景長。多寒。日東則景夕。多風。日西則景朝。多陰。日至之景。尺有五寸。謂之地中。天地之所合也。四時之所交也。風雨之所會也。陰陽之所和也。然則百物阜安。乃建王國焉。白虎通京師篇云。尚書王者必即土中。所以均教道。平往來。使善易以聞。惡易以聞。明當懼慎。此說自服土中之義也。

且曰其作大邑。其自時配皇天。毖祀于上下。

其自時中。又王厥有成命。治民今休。

稱且者。曲禮云。君前臣名。召公述周公之言曰。其作大邑。其從是配天。慎祀于上下神祇。其從是致治于中土。王其有天之成命。治

民。今獲休慶。釋詁云。從。自也。時。是也。毖。慎也。又同。變說文云。治也。休者。釋言云。慶也。

王先服殷御事。比介于我有周御事。

介一本作爾。節

性惟日其邁。王敬作所，不可不敬德。

此召公自述己意。節性者，呂氏春秋重己篇云：節乎性也。注云：節猶和也。性者，天命五常之性。說文云：人之陽氣，性善者也。所者，一

切經音義二引三蒼云：邁，也。邁者，釋言云：行也。言王先治殷治事之臣，及比近于我周治事之臣，節和其性，思日行之甚速，勉之以疾敬德也。王之治羣臣以敬，自處不可不敬德。介，日本入山井鼎云：足利古本作途，偽孔傳釋為比近，則亦作途字。介文與余相似，故後又增為邁也。 我不可不監于有夏，亦不可不監于有殷。我不敢知曰：有夏服天命，惟有

歷年，我不敢知曰：不其延。惟不敬厥德，乃早墜厥命。我不敢知曰：有殷受天命，

惟有歷年，我不敢知曰：不其延。惟不敬厥德，乃早墜厥命。今王嗣受厥命，我亦

惟茲二國命，嗣若功。

歷者，釋詁云：艾歷也。詩傳云：艾，久也。是歷亦為久也。釋詁云：延，長也。嗣，繼也。惟，思也。言夏殷歷年修短，我皆不敢知，惟知其皆以不敬德，故早失天命。今王繼受其命，我亦思此二國命

之所以墜，以為監戒而繼其功。

王乃初服，嗚呼！若生子，罔不在厥初。生，嗚呼！

生者，鄭注周禮云：猶養也。說文云：育，養子

使作善也。論衡率性篇云：召公戒成王曰：今王初服厥命于戲。若生子，罔不在厥初。生，生子謂十五子。初生意于善終以善。初生意於惡終以惡。其有所漸化為善惡，猶藍丹之染練絲，使之為青赤也。青赤一成，真色無異。案云：十五子者，學記云：大學之法，禁於未發之謂豫。注云：未發，情慾未生。謂年十五時。白虎通辟雍篇云：古者所以年十五入大學，何以為八歲毀齒，始有識知，入學學書，計七八十五陰陽備，故十五成童，志明，入大學學經術。案十五為太子入學之年，故王氏以釋經。若生子，謂若養子教之初生，謂情欲初生也。王乃初服，論衡作今王初服厥命者，疑并上今王嗣受厥命變其詞，非經文異字。嗚呼，作于戲者，今文皆如是。 自貽哲命，今天其命哲。命吉凶，命歷年，知今

我初服宅新邑肆惟王其疾敬德王其德之用祈天永命

貽俗字釋文貽多云本作詒詩箋云詒猶傳也肆者釋詁

云故也祈者說文云求福也永者釋詁云長也言王初服如教子之初自傳之以明哲之命今天其命明哲命吉命凶與命年歲之永短均未可知所可知者今我王初服厥命宅茲新邑今惟王其速敬德耳言王其敬德以祈求天命之永長用以也屬祈天求命讀為句偽孔以用字斷句上屬非知或語詞說文云知詞也案說文疾亦詞也俗矧字與知字形相近或當為矧今我初服

又民若有功

淫者高誘注呂氏春秋云過也釋詁云彘法常也殄盡也戮者廣雅釋詁云罪也又者釋詁云治也若者釋言云順也言王勿以小民有過為非法者因敢盡罪以治民惟順敘則有功也

其惟

王位在德元小民乃惟刑用于天下越王顯

釋詁云元首也刑法也顯光也言王位居天德之首小民乃法之以用于天下于王光顯矣

上

下勤恤其曰我受天命丕若有夏歷年式勿替有殷歷年欲王以小民受天永

命

恤者說文云憂也不詞也釋言云式用也替廢也言君臣相與勤勞憂恤共期于有夏歷年之久用勿廢有殷歷年之久欲王以小民受天長命也潛夫論正列篇云人君身修正賞罰明者國治而民安民安樂者天悅喜而增歷數故書曰王以小

民受天永命蓋勤恤即安民安民乃命永是說此經之義也

拜手稽首曰予小臣敢以王之讎民百君子

鄭康成曰拜手

鄭康成曰拜手

稽首者召公既拜興曰我小臣以下言召公拜訖而復言也百君子王之諸臣與羣吏越友民保

受王威命明德王末有成命王亦顯

讎與稠聲相近文選補亡詩注引蒼頡云稠衆也廣雅釋詁云讎輩也鄭注禮記云君子謂大夫以上友同有白虎通三綱篇云友

有也。保者釋詁云安也。末者孔晁注周書云終也。召公拜手稽首謙稱予小臣。敢以王之衆民及百官之有民者安受王之威命明德。則王終有成命。王亦光顯矣。鄭注見書疏云百君子王之諸臣與羣吏者君者釋詁云大也。子者男子之美稱。統云百者故爲諸臣與羣吏也。

**我非敢勤。惟恭奉幣。用供王能祈天永命。**

勤者說文云勞。周書克殷解王入卽位于社。召公與贊采供者。孔晁注周書謚法云奉也。言我非有勤勞于國。徒敬供贊采之職而已。用奉王能祈天永命。重勉之以敬德也。

# 卷十九

## 洛誥第十九 周書十

**疏** 史公說作召誥洛誥。在七年反政之後。見召誥注。案周本紀云營洛邑。如武王之意者。此經亦云。仲來愆殷。乃命寧是。武王命周公作洛居九鼎也。周書作維解云。我維顯服者。釋詁云顯代也。是命周公代事也。下云。乃今我兄弟相後。又云。今用建庶建叔。是

武王欲周公作洛。并命傳位也。下云。且恐泣涕共手。周公不敢承武王之命也。武王既崩。周公乃營洛邑。如武王之志。居攝反政。不從武王兄弟相後之命。仁之至。義之盡也。

### 周公拜手稽首

**疏** 白虎通姓名篇云。所以先拜手後稽首何。名順其文質也。尚書曰。周公拜手稽首。段氏玉裁云。白虎通此條殘闕。名當作各。當云殷所以先稽首後拜手。周所以先拜手後稽首何。各順其文質也。殷之禮拜。

先稽首後拜。其喪拜。則拜手而後稽首。周之禮拜。先拜手後稽首。其喪拜。則稽顙而後拜手。文質之異也。

### 曰朕復子明辟

**疏** 復者釋言云返也。辟者釋詁云君也。漢書元后傳云。書逸嘉禾篇曰。周公奉鬯立於祚階。延登。



贊曰。假王莅政。勤和天下。此周公攝政。贊者所稱。成王加元服。周公則致政。書曰。朕復子明辟。周公常稱王命。專行不報。故言我復子明君也。後漢書桓帝紀。詔曰。遠覽復子明辟之義。注云。復。還也。子。謂成王也。辟。君也。謂周公攝政已久。故復還明君之政於成王也。

王如弗敢及天。基命定命。予乃允保大相東土。其基作民明辟。如者。服虔注左傳云。而也。基者。釋詁云。始也。允者。馬注堯典云。嗣也。保者。詩傳云。安也。允保。即保允也。相者。釋詁云。視也。江氏聲云。詩大明云。有命自天。命此文王。序云。文王有明德。故天復命武王也。又下武序云。武王有聖德。復受天命。是文王為基命。武王為定命也。言王而弗敢。自比文王基命。武王定命。予乃保安允嗣。大相視洛邑。王其始作民明君矣。

予惟乙卯朝至于洛師。我卜河朔黎水。我乃卜澗水東。瀍水西。惟洛食。我又卜瀍水東。亦惟洛食。鄭康成曰。我以乙卯日至于洛邑之衆。觀召公所卜之處。皆可長久居民。使服田相食。瀍水東既成。名曰成周。今洛陽縣是也。召公所卜處。名曰王城。今河南縣是也。先卜河北黎水者。近于紂都。為其懷土重遷。故先卜近以悅之。

過黎陽縣南。注云。黎侯國也。晉灼曰。黎山在其南。河水逕其東。案黎陽故城。在今河南濟縣東北。但有黎山。無黎水也。澗水者。水經云。出新安縣南白石山。東南入於洛。注云。東北流。歷函谷東。阪東謂之八特阪。今在河南西四十里。周書所謂我卜澗水東者是也。又云。又按河南有離山水。謂之為澗水。水西北出離山。東南流。歷邾山於穀城東。而南流。注於穀。舊與穀水亂流。南入於洛。或以是水為周公之所相卜也。瀍水者。水經云。出河南穀城縣北山。東與千金渠合。注云。周書曰。我卜瀍水西。謂斯水也。瀍水又東南流。注於穀。案穀城縣。魏省入河南。亦今河南縣地。瀍俗字。當為塵。見禹貢疏。洛食。據漢書元后傳云。予乃卜波水之北。即池之南。惟玉食。予又卜金水之南。明堂之西。亦惟玉食。仿此文。洪範云。惟辟玉食。則知食為玉食。此土也。顏師古注。玉為玉兆。非是。鄭注見詩王風譜疏及書疏。疏

師者。釋詁云。衆也。河朔者。河北也。黎水未詳。水經河水又東北

引顧氏云。先卜河北黎水者。近於紂都云云。用鄭康成之說。故定為鄭注。云觀召公所卜處者。鄭召公先至洛。既得卜經營。乃後周公至洛。具觀新邑之營域。未嘗改卜。則經雖云我乃卜。實即召公所卜處也。云皆可長久居民使服田相食者。解經惟洛食之義。偽孔以為龜兆食墨。非也。食墨不必盡吉。且周禮占人云。凡卜。君占體。大夫占色。史占墨。卜人占坼。此卜作洛。是王之事宜占體。不宜占墨也。云瀼水東既成。名曰成周。今洛陽縣是者。地理志河南郡雒陽縣。周公遷殷民。是為成周。水經河水注云。穀水又逕河南王城北。所謂成周矣。公羊曰。成周者何。東周也。何休曰。名為成周者。周道始成。王所都也。案雒陽故城。在今河南府城東北二十里。云召公所卜處。名曰王城。今河南縣是者。地理志河南郡河南縣。故郊鄆地。周武王遷九鼎。周公致太平。營以為都。是為王城。至平王居之。馬氏注周禮大司徒云。王國東都王城。今河南縣與鄭同也。案河南故城。在今河南府城西北二十里。漢雒陽縣。在洛水之北。河南縣在伊水之北。洛水之南。近洛水。故經云洛食也。云先卜河朔黎水。近於紂都。為其懷土重遷者。言遷殷民也。江氏聲云。河朔黎水及瀼水東。乃周公所卜。序云召公既相宅。周公往營成周。是成周非召公所營。則召誥所云厥既得卜。止卜王城。未卜成周。鄭注以瀼水東與召公所卜處分言之。則亦以瀼水東為召公所未卜。故知瀼水東是周公所卜也。河朔黎水與瀼水東。皆為遷殷民而卜。以河朔黎水不吉。故更卜瀼水東也。

**伴來以圖及獻卜** 伴俗字。釋詁云。伴使也。釋文云。伴字又作伴。漢書劉向傳。引此經。注孟康曰。伴使也。使人以圖來示成王。明口說不了。指圖乃了。案了即瞭假音字也。

**王拜手**

**稽首曰。公不敢不敬天之休。來相宅。其作周匹休。** 匹者詩傳云配也。休者釋詁云美也。王拜手稽首答周公者。聘禮曰。君勞使者及介。君皆

答拜。又曰大夫入門再拜。君拜其辱。曲禮。大夫士見於國君。君若迎拜。則還辟不敢答拜。是君於臣有拜手也。春秋左氏哀公十七年傳云。非天子。寡君無所稽首。諸侯尚不稽首。王稽首者。周公為太師。盡敬。非常禮也。云作周匹休者。詩文王有聲云。築城伊瀼。作豐伊

匹。傳云。匹。配也。箋云。築豐邑之城。大小適與城偶。則此云周匹。言作王城。與鎬京之城。匹偶。于時為美也。或作周。為作立。周邦以配天休命。故曰匹休。

**公既定宅。伴來來。** 鄭康成曰。伴來

來者。使二人也。視予卜休恆吉。我二人共貞。 **馬融曰。貞當也。** 鄭注見書疏。云使二人者。一人為召公。至洛得卜所使。一人則周公

後至卜吉城。周乃更遣使。史臣因以來來書之也。視同示。曲禮云。幼子常視毋誑。注云。視今之示字。馬注見釋文。云貞當者。易師彖傳云。貞。正也。說文云。正是也。是直者。直是相當之義。言公既定宅。兩使來示。予卜吉之美。我二人共當之。

公其以

予萬億年。敬天之休。拜首稽首。誨言。

疏

億同意。說文云。十萬曰億。詩伐檀傳云。萬萬曰億。箋云。十萬曰億。王氏鳴盛云。知古億十萬者。亦田方百里。於今數為九百萬畝。而

王制云。方百里為田九十億畝。是億為十萬。故彼注云。億。十萬也。韋昭注楚語云。十萬曰億。古數也。泰始以萬萬為億。誨者。說文云。曉教也。言公以我萬億年。敬天之美。故拜手稽首。受公教誨之言。此自述前拜手稽首。非有二拜也。

周公曰。王

肇稱殷禮。

疏

鄭康成曰。王者未制禮樂。恆用先王之禮樂。伐紂已來。皆用殷之禮樂。非始成王用

之也。周公制禮樂既成。不使成王即用周禮。仍令用殷禮者。欲待明年即政。告神受職。然後班行周禮。

班訖始得用周禮。故告神且用殷禮也。

疏

肇者。釋詁云。始也。稱者。釋言云。舉也。白虎通禮樂篇云。王者始起。何用正民。以為且用先王之禮樂。天下太平。乃更制作焉。書曰。肇稱殷禮。祀新邑。此言

太平去殷禮。鄭注見書疏。云。王者未制禮樂。恆用先王之禮樂者。本白虎通。蓋今文說云。周公制禮既成者。大傳云。周公攝政六年。制禮作樂。七年致政成王。若然。則此時即致政矣。而鄭又云。欲待明年即政者。此篇末云。王在新邑。烝。漢書歷律志引其文。以為十二月

戊辰晦。周公反政。是周公反政在是年年終。則成王即政。在明年歲首。故云明年即政也。

祀于新邑。咸秩無文。

疏

咸猶徧。釋詁云。咸。皆也。皆。亦徧也。江氏聲云。春秋左氏莊十年傳云。小惠未徧。魯語作小賜不

咸。風俗通山澤篇引傳曰。五嶽視三公。四瀆視諸侯。其餘或伯或子男。大小為差。尚書咸秩無文。王者報功以次。秩之無有文也。則咸秩謂徧序其尊卑。無文謂禮質無文。何氏注公羊。鄭注王制。皆云。春秋變周之文。從殷之質。是周尚文。殷尚質。此言無文者。用殷禮祀

之。漢書翟方進傳云。定五時廟祧。咸秩亡文。注孟康曰。諸廢祀無文籍。咸祭之。與應氏不同者。或古文說也。

予齊百工。伴從王于周。予惟曰。庶有事。今王

卽命曰記功宗以功作元祀。[疏]曰一作日。

工者詩傳云官也。周者謂成周庶者庶幾。釋言云尙也。有事者春秋左氏僖九年傳曰天子有事于文武。昭十五年傳曰

有事于武宮。皆謂祀事也。記者王制云太史執簡記。注云簡記冊書也。則記爲書也。宗者白虎通宗族篇云尊也。元者詩傳云大也。言我整齊百官使從王於成周。予徒以尙有祀事。今王就大命。書識其功尊異之。令以功助大祀。盤庚云茲予大享于先王。爾祖其從與享之。周禮司勳云凡有功者銘書于王之大常。祭于大烝。司勳詔之。是功臣有配食之禮也。曰記功宗者釋詁云爰曰也。言爰記功宗。釋文曰音越。音入實反。則古本作日記也。

惟命曰汝受命篤弼不視

功載乃汝其悉自教工。[疏]大傳教作學云悉盡也。學效也。傳曰當其效功也。於卜洛邑營成周

改正朔立宗廟序祭祀易犧牲制禮作樂一統天下合和四海而致諸侯皆莫不依紳端冕以奉祭祀

者其下莫不自悉以奉其上者莫不自悉以奉其祭祀者此之謂也。盡其天下諸侯之志而效天下諸

侯之功也。[疏]

篤者釋詁云厚也。弼者說文云輔也。丕者漢書郊祀志集注云奉也。載者詩傳云識。春秋左氏僖二十六年傳云載在盟府。注云載載書也。教者一切經音義二引三蒼云效也。言王命汝諸臣曰汝受先王命厚輔國家既奉視記功

之書乃汝其盡自效功也。工與功通。大傳悉爲盡者。釋詁云悉盡也。教作學者廣雅釋詁云教學效也。是學教同義。云序祭祀謂成秩易犧牲謂下文駢牛也。僞傳王肅俱以汝爲告成王失之。

孺子其朋孺子其朋

其往。[疏]鄭康成曰孺子幼少之稱謂成王也。[疏]

後漢書爰延傳延上封事云臣聞之帝左右者所以咨德政也。故周公戒成王曰孺子其朋孺子其朋慎其往言慎所與也。注云慎

其往易損注云朋黨也。朋謂朋從之臣。鄭注見書疏以孺子爲幼少者說文孺乳子也。戒成王于朋從之人慎其往也。

無若火始燄燄厥攸灼敝弗其絕。[疏]燄一作

庸。一作炎。

**說文**

燄者說文云火行微燄燄然也灼者廣雅釋詁云熟也敘者釋詁云緒也言無使若火初然燄雖微其所熟端緒至不可絕漢書梅福傳福上書云書曰毋若火始庸庸勢陵于君權隆于主然後防之亦無及矣是說此經之義杜氏

注左傳引此文燄作炎釋文炎音豔謂所與朋輩當慎其始防其微也

厥若彛及撫事如予惟以在周工往新邑倅嚮卽有僚

明作有功惇大成裕汝永有辭

**說文**

撫者王逸注楚詞云循也以者說文云用也嚮俗字易隨嚮晦釋文云嚮本作向有與友通卽者詩傳云就也明與孟聲相近釋詁云勉也裕者方

言云道也辭與詞通周禮大行人注鄭司農云辭當爲詞釋名云詞嗣也令擇善言相嗣續也此告成王欲其順常法及循故事如我所爲惟用在周之官往治新邑使之向就僚友勉爲有功厚大成道則汝長有嗣世之慶矣上文戒成王慎所與此欲成王不改其政與其臣也公曰已汝惟沖子惟終汝其敬識百辟享亦識其有不享享多儀儀不及

物惟曰不享惟不役志于享凡民惟曰不享惟事其爽侮

**說文**

鄭康成曰朝聘之禮至

大其禮之儀不及物謂所貢篚者多而威儀簡也威儀既簡亦是不享也

**說文**

已同咨見上疏識者鄭注周禮云記也釋詁云辟君也享獻也

役者章昭注鄭語云營也爽者詩傳云差也侮者說文云欺侮也廣雅釋詁云傷也言汝今沖幼當思其終汝其敬識百國諸侯朝聘之享獻享以多儀文爲敬其儀文不及貢物者猶不享耳當思不營心於貢獻凡民徒以汝不重儀文則將任其過差侮易之矣孟子告子篇引享多儀四句云爲其不成享也注云享多儀言享見之禮多儀法也物事也儀不及事謂有闕也故曰不成享鄭注見書疏云朝聘之禮者周禮太宰以九貢致邦國之用一曰祀貢二曰嬪貢三曰器貢四曰幣貢五曰材貢六曰貨貢七曰服貢八曰旂貢九曰物貢大朝覲會同贊玉幣玉獻此所謂貢篚也與趙氏注孟子以物爲事異周公恐成王營心於貢篚不重禮法故戒之漢書郊祀志谷永引經曰享多儀儀不及物惟曰不享注師古曰言祭享之道惟以繫誠若多其容儀而不及禮物則不爲神所享也以享爲祭

享或今文說也。乃惟孺子頒。頒一作攷。朕不暇聽。馬融曰：頒猶也。鄭康成曰：成王之才，周公倍之。

猶未而言分者，誘掖之也。頒者，鄭注祭禮云：頒之言分也。說文頒作攷，云分也。引周書曰：乃惟孺子攷，亦讀與彬同。攷蓋孔壁古文，言聽政之事繁多，孺子分其任，我有所不遑也。馬注見釋文云：猶者，疑當作猶，分脫

一字，鄭注見書疏云：誘掖者，詩衡門序云：作是詩以誘掖其君也。箋云：誘進也，掖扶持也。朕教汝于棗民，彝汝乃者不獲。鄭康成曰：獲勉也，乃

時惟不永哉。棗者，釋詁云：備也。獲即獲字省文，隸釋有漢冀州從事張表碑云：獲疾而終，即寤疾也。是獲即寤也。徐氏說文引唐韻：獲七在切，釋文獲引徐武剛反不同者，韻書陽蒸多有通字。詩傳云：寐寢也，寐寢聲之轉，亦

得為獲。周禮：雍氏春始生而萌之。注云：故書萌作薨，杜子春云：薨當為萌，薨與萌聲相近，則薨亦或為薨，聲近明，明即勉也。言我教汝于輔民之常法，女不勉于是，是非久長之道。鄭注見書疏，釋文作馬注云：鄭亦訓勉，勉與明孟通字。釋詁云：孟勉也。

敍乃正父，罔不著予，不敢廢乃命。篤者，釋詁云：厚也。敍者，釋詁云：順敍也。敍亦為順，正者政人，父者說文云：家長率教者，是父為長也。詩傳云：天子謂同姓諸侯，諸侯謂同姓大

夫，皆曰父，偽孔以正父為武王，不通古義，此戒成王以厚順。汝往敬哉，茲予其明農哉。大傳說：大夫士七

十致仕，退老歸其鄉里，大夫為父師，士為少師，又說餘子出學，傅農事，上老平明，坐于右塾，庶老坐于

左塾，餘子畢出，然後歸，夕亦如之，餘子畢入，彼裕我民，無遠用戾。明者，勉也。見下疏。農者，釋文云：耕也。籀文

作耕人也。裕者，廣雅釋詁云：容也。戾者，釋詁云：來戾至也。言汝往新邑，敬之哉，予其致仕歸，勉耕人哉，彼能容我民，無遠勿至矣。大傳說見略說云：大夫士七十致仕云云者，以歲事既畢，餘子皆入學，距冬至四十五日，始出學，傅農事，俱由父師少師教勉之也。鄭注云：

上老。父師也。庶老。少師也。此大學小學造士之法。周公致仕。則爲上老。稱父師。故欲明農。明與孟聲相近。釋詁云。孟勉也。

王若曰。公明保予。冲子。公稱不顯德。以予

小子。揚文武烈。奉答天命。和恆四方。民疏大傳烈作德。烈答作對。四方作萬邦。四方疏明者。

王氏念孫云。釋訓云。暨暨勉也。鄭注禮器云。暨暨猶勉勉也。詩江漢云。明明天子。令聞不已。猶言暨暨文王。令聞不已也。保者。詩傳云。安也。稱者。說文云。揚也。不顯。猶不顯。丕不。皆語詞也。烈者。釋詁云。烈業也。答與對聲之緩急。詩箋云。對配也。恆者。詩傳云。徧和恆。猶恆和也。此謂周公以文武配天子明堂也。言公勉安于幼子。公稱前人之顯德。以予小子揚文武之業。奉配天命。徧和四方之民。孝經云。宗祀文王于明堂。以配上帝。鄭注祭法。韋注魯語。皆云。祭五帝于明堂。曰祖宗。韋氏注。又云。周公初時。祖后稷。而宗文王。至武王雖承

文王之業。有伐紂定天下之功。其廟不可以毀。故先推后稷以配天。而後更祖文王而宗武王也。大傳云。天下諸侯之悉來進。受命周公而退。見文武尸者。千七百七十三。諸侯皆莫不馨折。玉音金聲。玉色。然後周公與升歌而弦。文武諸侯在廟中者。倂然淵其志。和其情。愀然若見文武之身。然後曰。嗟子乎。此蓋吾先君文武之風也。夫又云。故周人追祖文王而宗武王也。是故周書自大誓。就召誥而盛于洛誥。故其書曰。揚文武之德。烈。奉對天命。和恆萬邦。四方民。是以見之也。烈作烈德。答作對。四方作萬邦。四方皆今文。居

師。惇宗將禮。稱秩元祀。咸秩無文。疏師者。釋詁云。衆也。蓋謂洛師。猶京師也。惇厚。宗尊。見前疏。將者。釋詁云。大也。此謂公相宅。令王稱殷禮。秩祀無文也。言公之來洛。師厚尊大禮

教。予舉敘大祀。徧祀無文。即述上肇稱殷禮。咸秩無文也。惟公德明。光于上下。勤施于四方。勿作穆穆。迓衡不迷。疏鄭康

成。謂迓爲御。曰稱。上曰衡。文武勤教。予冲子。夙夜毖祀。疏旁者。說文云。溥也。穆穆。釋訓云。美也。四方。詩

在權而均物。平輕重也。迓俗字。左傳釋文。迓本作訝。鄭注士昏禮云。御當爲訝。是與御通也。釋詁云。迷惑也。毖。慎也。言周公之德。光于天地。施于四方。溥爲穆穆之美化。操御平天下之衡。不有迷錯。以文武之光烈。教予於冲幼之時。早夜慎修祀典。大傳孔子曰。吾于洛

尚書今古文注疏 三 卷十九 洛誥第十九 周書十 八十三

諳也。見周公之德。光明于上下。勤施四方。芻作穆穆。至于海表。莫敢不來服。莫敢不來享。以勤文王之鮮光。以揚武王之訓。而天下大治。故曰聖之與聖也。猶規之相周。矩之相範也。魏志文帝紀。裴注引延康元年詔曰。今王纘承前序。至德光昭。御衡不迷。布德優遠。以御衡不迷為句。偽傳以不迷屬下讀。非也。鄭注見文選六代論注。及廣絕交論。注以迓為御者。詩傳云。御。迎也。公羊成二年傳。使跛者訝跛者。穀梁傳。迓。作御。

王曰。公功。棐迪篤。罔不若時。

**釋** 棐。備。迪。道。篤。厚。時。是。皆。釋。詁。文。言。公。之。功。輔。道。我。甚。厚。無。不。如。我。之。是。言。謂。上。所。稱。公。德。也。

王曰。公。予小子其退。即辟于周。命公後。

**釋** 辟者。釋。詁。云。君。也。後。

謂立後于魯。言我小子其退就王位于新邑。為公立後。欲留公輔我王室也。下云。惟告周公其後。又云。王命周公後。

四方迪亂。未定于宗禮。亦未克救公功。**釋** 鄭

康成曰。救。安也。

**釋**

釋詁云。迪。進。亂。治也。救者。說文云。撫也。周書曰。亦未克救公功。讀若弭。言四方雖進於治。猶未定尊禮功臣之事。亦未能撫循公之功績。鄭注見周禮小祝疏云。救安者。廣雅釋詁云。侏安也。侏見說文。即救或字。王氏

引之云。當以四方迪亂未定為句。于宗禮亦未克救為句。公功迪將其後為句。方言云。迪。正也。四方迪亂。猶云亂正四方也。于。越也。言四方正治。未定越宗禮亦未克安也。公功迪將其後者。上文云。公功。棐迪篤。下文云。公功。肅將。祗歡。與此並以公功發句。畢氏以田云。二迪字當為乃。說文有適字。讀如攸。義與乃同。上言四方乃治。尚未定于宗禮。亦未克救安也。公功乃助其後。以監官而保民也。案說文則引亦未克救公功為句。今從之。

迪將其後。監我士師工。誕

保文武受民亂。

**釋**

迪者。道見上。將者。詩箋云。猶扶進也。監者。釋文六。引韓詩云。領也。士者。說文云。事也。師者。釋詁云。衆也。工者。詩傳云。官也。言公功以道扶助其後。監領我執事衆官。大安文武所受之民治之。後謂後日。

為四輔。

**釋**

四輔者。又王世子云。虞夏商周。有師保。有疑丞。設四輔。疏引尚書大傳云。天子必有四鄰。前曰疑。後曰丞。左曰輔。右曰弼。天子有問。無以對。責疑。可志而不志。責丞。可正而不正。責輔。可揚而不揚。責弼。大戴保傳篇云。明堂之位曰。篤

仁而好學。多聞而道慎。天子疑則問。應而不窮者。謂之道。道者。導天子以道者也。常立于前。是周公也。誠立而敢斷。輔善而相義者。謂之充。充者。充天子之志也。常立于左。是太公也。絜廉而切直。匡過而諫邪者。謂之弼。弼者。拂天子之過者也。常立于右。是召公也。博聞



疆記接給而善對者謂之承承者承天子之遺忘者也常立于後是史佚也成王中立聽四聖維之是以慮無失計而舉無過事漢書谷永傳永對曰四輔既備成王靡有過事注師古曰輔弼疑丞引洛誥此文

王曰公定予往

已公功肅將祇歡公無困哉疏哉一作我疏

定者釋詁云止也往者論語云往者不可諫謂往日已同以用也肅者釋詁云進也將者詩箋云奉也祇者釋詁云敬也

昔公其留止我往日以公功進奉而敬說之公無困哉哉字誤漢書元后傳上報鳳曰書不云乎公無困我杜欽傳欽說王鳳曰周公雖老猶在京師明不離成周示不忘王室也書稱公無困我後漢書祭祀志劉昭注引東觀書曰章帝賜東平憲王蒼書曰宜勿隱思有所承公無困我皆作我字周書祭公解云公無困我哉與我形相近字之誤也我惟無斃其康事公勿替刑四方其世享疏斃者釋文云解也康者釋詁云

安也替者釋言云廢也刑者釋詁云法也言我惟以無懈倦其安事公勿廢以公儀法于四方其世世享公之德詩箋云周公攝政七年致太平復成王之位遜遁避此成公之大美欲老成王又留之以為太師

周公拜手稽首

曰王命予來承保乃文祖受命民疏

鄭康成曰文祖者周曰明堂以稱文王是文王德稱

文祖也越乃光烈考武王宏朕恭疏鄭康成曰烈威疏

此周公述祀文王於明堂以配五天帝曰祖後又祀武王配五人帝曰宗云王命予者歸美成

王也曲禮疏云明堂總享五帝以文王武王配之故孝經說文后稷為天地之才文王為五帝之宗是也周人祭明堂時又兼以武王配之故祭法云周人祖文王而宗武王注云祭五帝于明堂曰祖宗也言王命我來承安乃文祖受命之民于乃有光之烈考武王亦祀于明堂宏我恭敬宏者釋詁云大也莊氏寶琛曰朕當作訓說文佚古文以為訓字蓋尚書本作侯後改為朕案大傳有云以揚武王之大訓莊氏說是也段氏玉裁云偽孔釋恭為奉則恭本作共字鄭注見詩維天之命疏又見離疏云文祖周曰明堂者史記堯本紀云舜受終於文王文祖者堯大祖也集解引鄭注曰文祖者五府之大名猶周之明堂正義引尚書帝命驗云帝者承天立五府以尊天垂象也五府者黃曰神斗注云唐虞謂之天府夏謂之正室殷謂之重屋周謂之明堂皆祀五帝之所也文祖者赤帝赤熒怒之

府名曰文祖。火精光明，文章之祖。故曰文祖。周曰明堂神斗者，黃帝含樞紐之府，名曰神斗，斗主也。土精澄靜，四行之主，故謂之神斗。周曰大室，顯紀者，白帝招拒之府，名顯紀，紀法也。金精斷割萬物，故謂之顯紀。周曰總章，元矩者，黑帝光紀之府，名曰元矩，矩法也。水精元昧，能權輕重，故謂之元矩。周曰元堂，靈府者，蒼帝靈威仰之府，名曰靈府。周曰青陽，案司馬貞所引，兼鄭注五德運代，皆取相生。周木，殷水，夏金，虞土，唐火，故堯稱文祖，其夏世室，殷重屋，周明堂，名異而制同，故云文祖。周明堂也。云文王德稱文祖者，下文乃單文祖德，直謂明堂為文祖。此言文祖，又與武王並稱，則以文王有文德，合於火精，故即以文祖稱之也。云烈威者，詩離云：既右烈考，亦謂武王。箋用釋詁：訓烈為光，此云威者，釋訓云：烈烈威也。

典殷獻民，亂為四方新辟。作周恭先，曰其自時中，又萬邦咸休，惟王有成績。

作周者，詩文王序云：受命作周，言孺子來洛邑相宅，其大厚典法，及殷之賢聖臣治事，為四方新君。作立周邦，以恭敬為率，先聿其用，是宅中出治，萬邦皆慶，惟王有成功矣。曰同，說文云：詮詞也。 予且以多子越御

事，篤前人成烈，答其師，作周孚先。

多衆，子男子之美稱，謂衆卿大夫。釋詁云：烈，業也。師，衆也。孚，信也。言我以衆君子于治事之臣，厚先王之成業，以答衆庶，作立周邦，以信為先也。 考朕昭子刑，乃單文祖德。

馬融曰：單，信也。鄭康成曰：成我所用明子之法度者，乃盡明也。 堂之德，明堂者，祀五帝大皞之屬，為用其法度也。周公制禮六典，就其法度而損益用之。

考者，釋詁云：成也。昭者，說文云：日明也。刑者，釋詁云：法也。單者，詩箋云：盡也。言成明子之法度，乃盡明堂之盛德。昭子謂成王。詩維天之命云：我其收之，駿惠我文王。箋云：我其聚斂之，以制法度，以大順我文王之意，謂為周禮六官之職也。引此文，馬注見釋文，以單為信者，詩天保：俾爾單厚。釋詁：某氏注：作亶。毛傳云：單，信也。鄭注見詩維天之命疏：云成我所用明子之法度者，以考為成。昭為明，刑為法也。云乃盡明堂之德者，以單為盡。文祖為明堂，見上注。大戴盛德篇云：聖王之盛德，人民不疾，六畜不疫，五穀不災，諸侯無兵而正，小民無刑而治，蠻夷

懷服人民疾。六畜疫。五穀災者。生于天。天道不順。生於明堂不飾。故有天災。則飾明堂。月令。春木。夏火。中央土。秋金。冬水。皆言盛德所在。天子順四時五行之德以出治。是明堂之德也。云祀五帝者。月令。春帝大暉。夏帝炎帝。中央帝黃帝。秋帝少昊。冬帝顓頊。是也。大暉之屬。五人帝配明堂。五色之帝。即黃神斗。赤熯怒。白招拒。叶光紀。靈威仰之神。鄭以此文云刑。即是法度。故但舉太暉等人帝。不及天帝也。郊特牲疏云。五帝稱上帝。孝經曰。嚴父莫大于配天。下即云宗祀文工於明堂。以配上帝。帝若非天。何得云嚴父配天也。而賈逵馬融王肅等。以五帝非天。唯用家語之文。謂大暉炎帝黃帝五人帝之屬。其義非也。據此是知賈馬唯言明堂有人帝。鄭于此雖言人帝。尚有天帝也。云周公制六典云云者。周禮太宰掌建邦之六典。一曰治典。二曰教典。三曰禮典。四曰政典。五曰刑典。六曰事典。盛德篇云。明堂。天法也。禮度。德法也。所以御民之嗜欲好惡。以順天法也。冢宰以成道。司徒以成德。宗伯以成仁。司馬以成聖。司寇以成義。司空以成禮。六官六政以御天地人事。據大傳。居攝六年制禮。而小雅斯干疏。引鄭志。答趙商張逸二條。皆謂周公于洛邑建明堂。是制禮用明堂法也。云就其法度。謂就大暉等五帝之法。度損益之者。馬氏注論語所損益云。謂文質三統是也。

伴來毖殷。乃命寧王。鄭康成曰。周公謂文王為寧王。

成王亦謂武王為寧王。此一名二人兼之。

疏

平當為扈。見上疏。毖同秘。廣雅釋詁云。勞也。又見大誥。言使我來勞慰殷民。乃以寧王之命。書疏引顧氏云。文武使我來慎教殷民。我今受文武之

命。以安民也。鄭注見詩何彼穠矣疏。以寧為寧王。謂兼文武者。周公謂文王為寧王。大誥君奭。皆有其文。云成王亦謂武王為寧王。于尚書無其文。而鄭言此者。周書度邑解云。武王曰。我南望過于三塗。我北望過于有嶽。不願瞻過于河宛。瞻于伊洛。無遠天室。周本紀云。王曰。定天保。依天室。悉求夫惡。既從殷王受。日夜勞來。定我四土。我維顯服。及德方明。自洛納延于伊納。居易毋固。其有夏之居。我南望三塗。北望嶽鄙。顧瞻有河。粵詹維伊。無遠天室。營周居于洛邑。而後去。則營洛乃武王之意。此毖殷乃受命于武王也。

予

以秬鬯一卣。曰明禋。拜手稽首。休享。鄭康成曰。禋。芬芳之祭。曰明禋者。六典成祭于明

堂。告五帝太暉之屬也。

疏

秬。說文作疆。以秬為或作字。云黑黍也。一桴二米以釀也。鬯。說文云。以秬釀鬱草。芬芳攸服。以降神也。詩江漢云。秬鬯一卣。傳云。鬯。香草也。築耨合而鬯之曰鬯。箋云。秬鬯。黑黍酒也。謂之鬯者。芬

香條鬯也。疏云：禮緯有秬鬯之草，中候有鬯草生郊，皆謂鬱金之草也。周禮鬱人：凡祭祀賓客之裸事，和鬱鬯以實彝而陳之。注云：鄭司農云：鬱，草名，十葉為貫，百二十貫為樂，以煮之，饑中，停于祭前，鬱為草若蘭。說文同。又云：一曰鬱鬯，百草之華，遠方鬱人所貢芳草，合釀之以降神。鬱，今鬱林郡也。卣者，釋器云：中尊也。禮者，周禮大宗伯以禮祀昊天上帝。注云：禮之言烟，周人尚臭，烟氣之臭聞也。休者，釋言云：休，慶也。享者，釋詁云：獻也。秬鬯二卣者，明堂祭五天帝，以文王配，祭五人帝，以武王配，各一卣也。鄭注見周禮大宗伯疏及書疏云：禮芬芳之祭，謂以秬黍釀鬱草，有芬芳也。云明禮者，六典成祭于明堂，是明禮以明堂得名。周禮大宗伯以禮祀昊天上帝，則禮是祀天地之名。五人帝配五方天帝，并昊天上帝為六天，故知禮是祭五帝也。文武亦配食於明堂，下文又祭其廟者，洛邑新廟成，復告祭之。此鄭義也。

予不敢宿，則禋于文王武王。鄭康成曰：既告明堂，則復禋於文武之廟，告成洛

邑。宿者，詩傳云：一宿曰宿，言不敢宿，謂即以文王配天帝，武王配人帝，而祭于明堂。上文云：秬鬯二卣，一祭天帝，文王，一祭人帝，武王也。云禋者，配天之名，偽傳以上明禮，與此禮文明為一事，或用古說也。鄭注見書疏，以上明禮為既告明堂，云復禋于文

武之廟者，周書作雒解，有大廟宗宮考宮。注云：大廟，后稷廟，二宮，祖考廟，考廟也。據此是洛有文王武王廟。詩清廟序云：清廟祀文王也。周公既成洛邑，朝諸侯，率以祀文王焉，是其事也。不及后稷者，大事格于祖，經義皆然，示成先志。

無有遘自疾。萬年厭于乃。惠篤敘。

惠者，廣雅釋詁云：仁也。遘者，釋詁云：遇也。疾者，詩思齊云：肆戎疾不殄，傳云：故今大疾，害人者，自者，詩傳云：用也。言以仁意厚敘其臣民，無或于所遇之人，用疾害之政。

德。馬融曰：厭，飫也。殷乃引考。王。

釋詁云：引，長也。考，成也。言殷之士民，萬年飽厭于汝德，則殷其延長有成也。馬注見釋文云：厭，飫也。鄭注曾子問云：厭，厭飫神也。義同。

倅殷，乃承敘萬年，其永觀朕子懷德。戊辰，王在新邑。

王使殷民承順其敘，將自是萬年，其長觀法我周家子孫，而懷其德矣。

戊辰，王在新邑。

烝。馬融曰：王在新邑絕句。鄭康成讀王在新邑烝。漢書律歷志三統云：十二月戊辰晦，周公以反政，故洛誥篇曰：戊辰，王在新邑烝。祭歲，命作策。江氏聲云：戊辰為十

二月日也。十二月于周爲季冬。於夏正爲首時。此十二月正當烝。以爲晦日。則非也。大傳云。周公攝政五年。營成周。七年致政。則召誥是攝政五年事。洛誥乃七年時事。劉歆以召誥與此篇爲一年內事。而據其三月丙午。臚以推此戊辰爲十二月晦。以聲推之。戊辰蓋十二月之十二日。鄭以經文二月既望爲一月。下文丙午。臚是二月。則七年十二月丁巳朔戊辰。乃其十二日。此鄭說也。烝者。周禮大宗伯云。以烝祭冬。享先王。釋天云。冬祭曰烝。馬鄭讀見釋文。釋文烝下無祭字。書疏云。鄭以烝祭上屬。江氏聲云。烝下不必言祭。舉春秋文爲證。云釋文是也。今從之。

祭歲。文王駢牛一。武王駢牛一。王命作冊。逸視冊。惟告周公其後。

鄭康成曰。歲成王元年正月朔日也。以朝享之後。用二特牛。禘祭文王武王於文王廟。使史逸讀所作冊祝之書。告神以周公其宜立爲後者。謂將封伯禽也。是非時而特格祖廟。故文武各特牛也。冊一作

策。

**疏**

祭歲者。謂歲朝朝享也。詩烈文序云。成王卽政。諸侯助祭也。箋云。新王卽政。必以朝享之禮。祭于祖考。告嗣位也。駢卽說文解字。周禮牧人云。凡陽祀用駢牲。毛之。注云。駢牲赤色。檀弓云。周人尙赤。牲用駢。卽大傳所云易犧牲也。前文不言牲色。蓋稱殷

禮。則用白牡矣。爲周公立後。必于廟者。祭統云。古者明君。爵有德而祿有功。必賜爵祿於太廟。示不敢專也。下文云。王入大室。裸。則此當在明堂。明堂亦云文王廟。卽謂文祖也。大戴明堂篇云。或以爲明堂者。文王之廟也。告嗣位畢。卽可封周公後。蓋一日之事。俱卽在明堂。詩維清疏。引洛誥此文。及鄭注。而云。彼言正月朔日。與此祭祖告嗣位同日事也。此言以朝享之禮。彼言禘祭文武者。此言卽政助祭。是王自祭廟告已嗣位。彼祭文武謂告封周公。此二禮必不得同也。何則。身未受位。不可先以封人。明是二者各自設祭。當是先以朝享之禮。徧祭羣廟。以告已嗣位于祭之末。卽勅戒諸侯事訖。乃更以禮禘祭文武于文王之廟。以告封周公也。案詩疏以徧祭羣廟告嗣位。乃更禘祭文王廟。失之。鄭注見詩維清疏。云歲成王元年正月朔日者。上文烝是冬祭。于烝下言祭歲。明是冬後改歲。有事而祭。此時周公既反政。則成王卽政。及封公後二事。皆常於歲首行之。故知是元年正月朔日也。云朝享者。鄭注周禮司尊彝云。朝享。謂朝受政於廟。云禘祭文王武王于文王廟者。此禘非謂三年一禘之祭。止取義於禘之言。合文武異廟而合祭。自當遷卑就尊。故知

于文王廟也。云使史逸讀所册祝之書者。逸與佚通。史其官。借周公太公召公俱為成王四輔者也。云告神以周公宜為後者。以言祝册。故知是告神。謂文武之神也。云謂封伯禽者。伯禽周公子魯公也。公羊文十三年傳云。封魯公以為周公主。是周公其後。謂封伯禽也。偽傳以烝祭歲為句。合為一事。失之。鄭云。禘祭文王武王于文王廟。似即明堂也。册。律歷志作策。

王賓殺禋咸格王入大室裸

馬融曰。大室。廟中之

夾室。

王賓。謂助祭諸侯。郊特性云。諸侯為賓。灌用鬱鬯。烈文詩序云。成王即政。諸侯助祭也。殺者。謂殺牲。禋者。堯典禋於六宗。大傳作煙。注云。煙祭也。字當為禋。魏受禪表亦作煙。山堂考索引三禮義宗云。禋。煙也。潔也。精也。釋詁云。咸。皆也。格。至也。大室者。明

堂中央室。亦曰大廟。詩斯干疏。載鄭志。答張逸引洛誥。王入大室一條。言周公于洛邑建明堂宗廟王寢。皆為天子制。裸者。周禮大宗伯以肆獻裸享先王。注云。裸之言灌。灌以鬱鬯。謂始獻尸求神時也。周禮小宰之職。凡祭祀贊王幣爵之事。裸將之事。注云。裸。謂贊王酌鬱鬯以獻尸。謂之裸。裸之言灌也。明不為飲。主以祭祀。唯人道宗廟有裸。天地大神至尊不裸。莫稱焉。禮器云。裸用鬱鬯。明堂位云。裸用玉瓚大圭。案此云。入大室裸。大室。明堂也。上云。王賓助祭諸侯也。明堂之祭。以祖宗配享天神。而有裸禮。則鄭云。天地大神不裸。未詳也。馬注見釋文。以大室為廟中之夾室者。大室在明堂中央。左青陽。右總章。夾之也。

王命周公後作册逸誥

祭統說爵賞之施云。祭之日。一獻。君降立於阼階之南。南嚮。所命者北面。史由君右。執策

命之。注一獻。一酌尸也。此是諸侯命其臣之禮。與此少異。王命封伯禽為周公後。作為册書。王南鄉。周公北面。伯禽後之亦北面。史逸由王右。執册誥之。皆降拜册受册。公羊文十三年傳云。封魯公以為周公也。周公拜乎前。魯公拜乎後。曰。生以養周公。死以為周公主。詩魯頌云。王曰叔父。建爾元子。俾侯于魯。大啓爾宇。為周室輔。蓋其誥詞。

在十有一月。惟周公誕保文武受命。惟七年。

馬融曰。惟

七年。周公攝政。天下太平。鄭康成曰。文王得赤雀。武王俯取白魚。受命皆七年而崩。及周公攝政。不敢

過其數也。

疏

經言在十有一月。則周公居攝。周七年也。此上文言祭歲。則是成王歲朝即政而祭也。故此于篇終記公居攝之年。數必言十有一月者。明終是歲。乃而七年也。誕者。釋詁云。大也。保者。詩傳云。安也。馬注見釋文。鄭注見詩文王序疏。

周禮天官序官疏云文王得赤雀者尙書中候云周文王爲西伯季秋之月甲子赤雀銜丹書入豐止於昌戶王再拜稽首受最曰姬昌蒼帝子亡殺者紂也注云稽首頭至地也最要者也已上中候見詩文王疏及周禮大祝疏文王世子疏等書云武王取白魚者見大誓文王九年崩見周本紀管子小問篇云武王伐殷克之七年而崩云周公攝政七年者周書明堂解韓非說難二篇淮南齊俗訓皆言周公居攝七年與鄭合也鄭氏用衛宏說武王崩成王年十歲武王喪畢時年十二周公辟居東都時年十三遭雷風之變時年十四明年迎周公年十五封康叔時年十八反政時年二十一明年卽政年二十二也若史公以武王崩時成王在繡襪則與鄭說又異賈誼新書修政語下云周成王年二十歲卽位享國親以其身見于粥子之家而問焉與卽政時年二十二之說又異蓋古文說無周公辟居二年也

## 卷二十

### 多士第二十 周書十一

**史遷說成王旣遷殷頑民周公以王命告作多士**

**疏**

史公說見周本紀史記魯周公世家云及七年後歸政成王北面就臣位胸綳如畏然初成王少時病周公乃自揃

其蚤沈之河以視于神曰王少未有識奸神命者乃且也亦藏其策于府成王病有瘳及成王用事人或譖周公周公奔楚成王發府見周公禱書乃泣反周公周公歸恐成王壯治有所淫佚乃作多士是此篇作於周公被譖奔楚成王迎歸之後也蒙恬傳云及王能治國有賊臣言周公且欲爲亂久矣王若不備必有大事王乃大怒周公且走而奔於楚成王觀於記府得周公且沈書乃流涕曰孰謂周公且欲爲亂乎殺言之者而反周公且亦與魯世家說同蒙恬見百篇之書未可以爲謬誤然則周公避管蔡居東之後又有被

歸奔楚之事。在作此多士之前。召誥之後矣。所云賊臣。即奄君也。故經文有云昔朕來自奄。琴操云。周公因誅管蔡之後。有謗公于王者。言公專國大權。詐策謀。將危社稷。不可置之。成王聞之。勃然大怒。欲囚周公。周公乃奔于魯而死。云周公被謗。在誅管蔡之後。與史記說同。云奔魯而死。又異說也。或誤傳耳。若然。則經云惟三月。又非成王元年三月。鄭說與古文異也。

惟二月。周公初于新邑洛。用告商王士。鄭康成曰。成王元年三月。周公自王城初往成

周之邑。用成王命。告商王之衆士。以撫安之。鄭注見書疏。云成王元年三月者。不從史公說。為周公被謗歸也。云自王城初往成周之邑者。地理志云。河南郡雒陽。周公遷殷民。是為成周

河南。周公致太平。營以為都。是為王城。案雒陽故城。在今河南洛陽縣東北二十里。河南故城。在今洛陽縣西北二十里。漢河南縣。在伊水之北。洛水之南。雒陽縣在洛水之北也。云用成王命而告商王士者。以下王若曰知之。王若曰。爾

殷遺多士。弗弔。旻天大降喪于殷。馬融曰。秋曰旻天。秋氣殺也。方言降喪。故稱旻天也。

弔者善也。漢書五行志。載哀十六年左傳。旻天不弔。注應邵曰。旻天不善于魯。王氏引之曰。大誥曰。弗弔天。及此弗弔旻天。俱當連讀。言此不詳善之旻天也。詩節南山云。不弔昊天。亂靡有定。箋云。弔至也。至猶善也。春秋左氏襄十三年傳云。君子以吳為不

弔。言伐人之喪不詳。即越語云。助天為虐者。不詳是也。偽傳以不弔絕句。解為不至固不安。顏師古注。釋義傳云。不為天所弔。憫亦于文義不協。馬注見釋文云。秋曰旻天者。釋天文云。秋氣殺者。月令孟秋云。天地始肅。仲冬云。殺氣浸盛。是秋氣殺也。云方言降喪。故稱

旻天者。馬意以上文言周之三月。是建寅之月。而舉秋時天號。取義于肅殺也。鄭駁異義云。旻天不弔。求天之生殺。當得其宜。猶人之說事。各從其主爾。我有周佑命。將天明威。致王罰。

勅殷命。終于帝。佑者釋詁作右。云勅也。勅即助也。將者。鄭注聘禮云。猶奉也。勅同飭。詩傳云。正也。言我周佑助天命。奉天明威。致王者之罰。以敕正殷命。以終于上帝之事。肆爾多士。非



我小國敢弋殷命。馬融弋作翼。曰取也。鄭康成曰翼猶驅也。非我周敢驅取汝殷之王命。

肆者釋詁云今也。弋一作翼。翼猶掩也。掩亦取也。釋鳥云以翼右掩左。雌是翼義為掩。詩生民鳥覆翼之。謂以翼覆之。覆亦掩蓋之義。詩韓奕云奄受北國。傳云奄撫也。鄭注文王世子以撫為有。則奄亦有也。說文云掩自闕而東謂取曰揜。一曰覆也。則翼掩覆取皆通義也。馬注見釋文云翼取者以翼同弋。易小過云公弋取彼在穴。高誘注呂氏春秋云弋獵也。其義俱為取。鄭注見書疏云翼猶驅者詩騶虞云壹發五豝。傳云虞人翼五豝以待公之發。此即驅字義也。弋鄭本亦作翼。見釋文。

惟天不

界允罔固亂。弼我我其敢求位。

界者釋詁云予也。允者釋言云佞也。罔者論語云罔之生也幸而免。何氏注云罔誣罔也。罔者孔氏安國注論語云蔽也。亂者高誘注呂氏春秋云

惑也。弼者說文云輔也。言惟天所不與者。佞罔蔽惑之人。故輔佐我。我其敢求天位乎。

惟帝不界。惟我下民秉為。惟天明畏。

帝亦天也。秉者釋詁云執也。畏同威。廣雅

釋言云畏威也。言惟天不界。無形可見。當驗之于我下民所執所為。即是天降明威矣。舉陶謨云天明威自我民明威。

我聞曰。上帝引逸。

論衡語增篇云。經曰。上帝引逸。謂虞舜也。舜承安繼治任賢。使能恭己無為。而天下治。又自然篇云。天無為至德之人。稟天氣多。故能則天。自然無為。周公曰。上帝引佚。謂舜禹也。下同。是以上帝為古帝也。引者釋詁云。長也。逸者高誘注呂氏春秋云。不勞也。

則惟帝降格。嚮于時。

有夏謂桀也。適者廣雅釋言云。悟也。則者釋詁云。法也。降者釋言云。下也。格同假。釋詁云。升也。嚮俗字。當為向。時者釋詁云。是也。言夏桀不悟長保之道。惟天以禍福升降善惡。向于是也。

帝大淫。泆有辭。泆馬融作屑。曰過也。惟時天罔念聞。厥惟廢元命。降致罰。乃命

爾先祖成湯革夏。俊民甸四方。

**疏**

庸者。詩傳云。用也。淫者。廣雅釋言云。游也。泆者。一切經音義五。引蒼頡云。蕩也。二十三云。佚。古文泆同。辭者。說文云。訟也。有辭。言有罪狀。呂刑。鯀

有辭於苗。春秋左氏襄二十三年傳云。臧孫曰。無辭。言已罪無可指斥也。元者。詩傳云。大也。革者。說文云。更也。俊者。馬鄭注。皋陶謨云。才德過千人為俊。甸者。詩傳云。治也。言天心向夏。夏弗能用。桀大游蕩有罪。狀聞于天。惟時天亦不念聞而佑之。其惟廢大命。降致誅。罰。乃命爾祖成湯。改更夏命。用賢才治四方也。江氏聲以引逸為不進。遺佚之賢。以不適為大傳。一不適謂之過。言不貢士。義亦可通。或王氏充所說。今文也。馬注見釋文。泆作屑者。多方言。紂大淫圖天之命。屑有辭。與此文相似。則泆即屑字。聲相近之異文也。說文云。屑。動作切切也。方言云。屑。勞也。又云。迹迹。屑屑不安也。正與引逸之義相反。云過者。仍用逸義為訓。釋言云。逸。過也。

自成湯至於帝乙。罔不明德恤祀。

**疏**

史遷說為

無不率祀明德。亦惟天丕建。保乂有殷。殷王亦罔敢失帝。罔不配天其澤。

**疏** 帝乙。湯後第六世孫。

祖乙見易乾鑿度。先儒以為武乙。紂父。據殷本紀。武乙為偶人射天。震死。不合謂之明德。恤祀。帝乙當為祖乙也。見酒誥疏。明。勉也。恤者。高誘注。秦策云。願也。丕者。釋詁云。大也。建者。說文云。立。保者。詩傳云。安也。乂者。釋詁云。治也。澤者。趙岐注。孟子云。祿也。詩文王云。殷之未喪師。克配上帝。傳云。帝乙以上也。箋云。紂父。以前未有喪天下。皆能配天而行。是鄭以此帝乙為紂父。疑非也。經言自湯至于祖乙。共有七世。無不勉德。願祀者。亦惟天大建立之。以安治有殷。殷王亦無敢失天意。無不配天以終其祿。史公說見魯世家。言無不率祀明德者。率者。釋詁云。循也。明德如左傳云。明德以薦其馨香。

在今後嗣王。誕罔顯于天。矧曰其有德。念于先王。勤家。誕

淫厥泆。罔固于天。顯民祗。

**疏**

史遷作不顧天及民之從也。馬融曰。紂大淫樂其逸。無所能顧

念于天。施顯道於民而敬之也。泆。一作佚。

**疏**

言在今嗣王。紂大無顯德于天。況其有能從念先王。勤家之訓。大淫游佚。豫無顧于天之顯道。及民之敬順。史記魯世家云。多士稱曰。自湯至於帝

乙無不率祀明德。帝無不配天者。在今後嗣王。紂誕淫厥佚。不顧天及民之從也。集解引徐廣曰。一作敬之也。下又云其民皆可誅。是民之從言民之不順也。徐廣從作敬者。釋詁云。祇敬也。別本史記。詁祇為敬。又云民可誅者。則謂其民化紂。亦不敬順。此古文說也。馬注見史記集解。以誕為大。釋詁文云。淫樂者。王逸注楚詞云。淫游也。言游樂云。無所顧念於天。施顯道于民而敬之。則祇謂紂之不敬。以民字上屬天。顯為義也。洪史記魯世家作佚。一切經音義二十三云。佚古文洸同。

保降若茲大喪。惟天不畀。不明厥德。凡四方大小邦喪。罔非有辭于罰。言惟時天不保

佑下如此大喪亡之災。惟天不與。不勉其德者。非惟紂也。凡四方小大國喪亡。無非有罪狀。而天誅罰之。周書世俘解云。武王遂征四方。凡愍國九十有九國。孟子滕文公篇云。周公相武王。誅討伐奄。三年討其君。滅國者五十。

殷多士。今惟我周王。不靈承帝事。有命曰。割殷。告勅于帝。不者釋詁云大也。靈者詩箋云善也。割者高誘注齊策云。

取湯誓。率割夏邑。史記作奪。勅同飭。詩傳云正也。此告多士。言今惟我周王。大善承奉天事。天有命。奪取殷國。告成勅正之事於天。禮大傳云。牧之野。武王之大事也。既事而退。柴于上帝。是也。

王家我適。貳者釋詁云疑也。適者鄭注雜記云。讀為匹敵之敵。論語里仁篇。無適也。釋文云。鄭本作敵。是適敵通也。言我之事。不欲疑殷與之為敵。惟汝王武庚。與我為敵而畔也。予其曰。惟爾洪

無度。我不爾動。自乃邑。洪者釋詁云大也。我其言惟汝大無法度。我不汝先動。動自汝邑。言由武庚發難。予亦念天。即于殷大戾。肆

不正。即者詩傳云就也。釋詁云肆。故也。戾。罪也。正者鄭注周禮大司馬云。正之者。執而治其罪。言我亦念天之就殷降大罪戾。非汝多士之由。故不正其罪。王曰。猷。告爾多士。予惟時

其遷居西爾。非我一人奉德。不康寧。時惟天命。猷同繇。釋詁云。繇於也。道也。遷徙也。寧康安也。時是也。奉德多方云。秉德奉猶秉也。王曰於者。

歎詞言予惟是其遷居汝於成周非我一人秉德不安靜是惟順天意也成周在紂城朝歌之西南故云四

無違一作維天命元朕不敢有後無我怨違者

詩傳云去也言汝無違去此遷所我不敢復有後命亦無我怨烹平石經作維天命元朕不敢有未詳唐石經初刻後下有誅字

惟爾知惟殷先人有册有典殷革夏命

今爾又曰夏迪簡在王庭有服在百僚迪者釋詁云進也簡者詩箋云擇也釋詁云服事也察官也僚與寮同言惟汝知殷先人有典册記識革夏命之事今汝

又曰夏進用在王庭者有殷之衆士治事在百官怨周之不用殷士

予一人惟聽用德肆予敢求爾于天邑商鄭康成曰言天邑

聽者廣雅釋詁云從也孔晁注周書云順天邑者白虎通京師篇云天子所都夏商曰邑周曰京師言我不汝用我惟順用有德之臣故予不敢求汝于商邑而用之也言其不肯順周為我用也致猶

商者亦本天之所建言不敢也與多士言為遜詞鄭注見書疏云天邑商亦本天之所建者詩商頌云天命元鳥降而生商又云帝立子生商是也

予惟率肆矜爾肆矜一作夷憐非予罪時

惟天命惟一作維

率者同吹說文云吹詮詞也詩曰吹求厥寧今詩作通蓋語詞肆者杜氏注左傳云緩也彼疏云緩縱罪人謂放赦之也言我惟緩爾之罪而又矜之非予之罪過是惟天命使然肆矜作夷憐

憐者論衡雷虛篇云人君子罪惡初聞之時怒以非之及其誅之哀以憐之故論語曰如得其情則哀憐而勿喜尚書曰予惟率夷憐爾案此今文書說也以夷為誅者易雜卦傳云明夷誅也憐為矜者引論語哀憐亦哀矜異文憐矜聲相近惟一作維見烹平石經

王曰多士多士上一有告爾昔朕來自奄予大降爾四國民命經言昔朕來自奄者書序云成王東伐淮夷遂

踐奄作成王征成王既踐奄遷其君子薄姑周公告召公作將薄姑成王歸自奄在宗周作多方書疏引鄭注云此伐淮夷與踐奄是攝政三年伐管蔡時事其編篇于此未聞謂編在多士無逸君爽之後也案周本紀召公為保周公為師東伐淮夷踐奄亦在多士無

序云成王東伐淮夷遂

踐奄作成王征成王既踐奄遷其君子薄姑周公告召公作將薄姑成王歸自奄在宗周作多方書疏引鄭注云此伐淮夷與踐奄是攝政三年伐管蔡時事其編篇于此未聞謂編在多士無逸君爽之後也案周本紀召公為保周公為師東伐淮夷踐奄亦在多士無

逸之後與上文周公奉成王命伐武庚誅管叔放蔡叔不同時誅管蔡在攝政時踐奄在七年歸政後蓋史公所用孔安國古文說管蔡流言周公不避居而以成王命伐誅武庚及三監及七年反政有譖公者成王疑之公乃奔楚成王開金縢悟迎周公歸乃作多士毋逸故此篇述朕昔來自奄也管蔡流言時奄君亦與知尙書大傳載其事其時未及誅奄君也及反政後又有譖公者當即奄君故蒙恬云殺言之者而反周公且當謂成王踐奄也其周公在豐病沒葬畢有暴風雷雨之事又在其後因命魯郊此史公說書之次與諸子所載雖有異詞然皆古說也若大傳則云二年克殷三年踐奄則踐奄者周公與書序所言成王征及成王歸自奄不合此今文異說不可附合古文且大傳有揜諧在君爽之後百篇之序所無疑揜即奄也王氏應麟以爲即成王征案奄既滅於攝政三年此時又何誥俱不可解宜以史公所序爲是奄者說文作郚云周公所誅郚國在魯郡國志魯國奄國劉昭注引皇覽曰奄里伯公冢在城內祥舍中民傳言魯五德奄里伯公葬其宅史記周本紀正義引括地志云兗州府曲阜縣奄里即奄國之地也案曲阜今山東兗州府屬縣史記集解引鄭注云奄國在淮夷之北又與說文皇覽不同實則淮夷北境即魯七百里之境也經言予大降爾四國民命疑即大傳揜諧云四國者詩破斧云周公東征四國是皇傳云四國管蔡商奄也是毛氏說伐管蔡時即踐奄亦同大傳與史記異也王曰多士熹平石經

我乃明致天罰移爾遐逝比事臣我宗多遜

移者同逸說文云遷徙也遐俗字釋詁云遐遠也詩傳云遐遠也當

借瑕爲之逃者說文云遠也古文作過釋詁云過遠也比者釋詁云備也廣雅釋詁云近也遜同遜說文云順也言今遷汝於洛邑遠汝故土附近臣事我宗周庶其多遜順矣

王曰告爾殷多士今予惟

不爾殺予惟時命有申

釋詁云時是也申重也言今我不忍誅汝惟是重申前命以告汝前命謂大降爾四國民之命也

今朕作大邑于茲洛

予惟四方罔攸賓

馬融云賓却也洛一作維惟一作維賓一作責

賓釋文云徐音殯則與攢同馬注見釋文云賓却者戰國趙策

云六國從親以攢秦史記蘇秦傳作賓秦又六國表云秦小嬴遠諸夏賓之比於戎翟是賓義爲攢却也洛作維惟作維賓作責皆熹平石經字漢石經洛俱作維惟多作維段氏玉裁云漢人不以避諱改經字多士篇維字兩見可以知伏生經文作維非以火行忌水

之故。擅改經文也。

亦惟爾多士攸服。奔走臣我多遜。爾乃尙有爾土。爾乃尙寧幹止。爾克

敬。天惟畀矜爾。爾不克敬。爾不啻不有爾土。雷一作翅。予亦致天之罰於爾

躬。關

幹俗字。當爲榦。楚詞招魂云。去君之恆幹。注云。體也。則寧幹謂安其身體。又廣雅釋詁云。幹。事也。似卽此注。則寧幹當爲安汝之事。啻者。但也。無逸篇云。不啻不敢含怒。鄭注作不但不敢含怒。此節義易明。不復釋之。啻作翅。見釋文引。徐本翅與啻

與相近。假借字。

今爾惟時宅爾邑。繼爾居。爾厥有幹。有年于茲。洛洛一作維。爾小子乃興

從爾遷。疏

居者。江氏聲云。繼爾所居之業也。宅爾邑。既謂安其居處。則繼爾居。不得復謂居處。易文言傳云。修辭立其誠。所以居業也。詩蟋蟀云。職思其居。亦謂所爲之事爲居也。興者。詩箋云。盛也。言汝惟是宅於洛邑。繼其所居之業。汝其有

事有年於此土。汝子孫其興盛。從汝遷居基之矣。洛一作維。見熹平石經。

王曰。又曰。時予乃或言。爾攸居。疏

或者。鄭注論語云。有也。江氏聲云。王曰。下有脫文。段氏玉裁云。唐石經或言之。

間多一字。諦視是誨字。與僞傳教誨之言合。此言今時乃有言告汝。汝其安所居哉。

卷二十一

無逸第二十一 周書十二

**史遷說周公恐成王壯治有所淫泆乃作多士作毋逸無一作亡逸一作佚一作劬**

史公說見魯世家云周公

奔楚成王發府見周公禱書乃泣反周公周公歸作此及多士無作毋者困學記聞引尚書大傳同熹平石經存乃劬及毋劬于遊田字亦作毋周本紀作無疑後人改亂之今文尚書作毋也漢書梅福傳云留意亡逸之戒又作亡顏師古注漢書翼奉鄭崇杜欽谷永傳引書皆作亡逸士昏禮夙夜毋違命注云古文字作無是毋可通無毋者說文云止之也从女有奸之者大禹謨疏引作毋止之也其字从女內有一畫象有姦之者禁止令勿姦也古人言毋今人言莫又見禮記釋文引說文略同則今本說文有脫文也逸大傳作佚周禮庾人注杜子春云佚當為逸是佚與逸通也熹平石經乃逸作乃劬則此毋逸亦作劬劬字說文所無逸者章昭注吳語云樂也佚者廣雅釋詁云樂也是逸佚同義劬者廣雅釋詁云戲也釋言云劬豫也此正今文尚書舊說史記魯世家云恐成王有所淫佚乃作多士則經文本作佚可知蓋孔氏古文作佚也

周公曰嗚呼君子所其無逸鄭康成曰嗚呼者將戒成王欲求以深感動之君子止謂在

官長者所猶處也君子處位為政其無自逸豫也嗚呼者說文烏孔子曰烏盱呼也取其助氣故以為烏呼君子者白虎通號篇云君之為言羣也子者丈夫之通稱也所者廣

雅釋詁云處所居也鄭注見書疏云君子謂有官長者鄭注禮器云君子謂大夫以上與此同義先知稼穡之艱難乃逸穡一作嗇論衡儒增篇引此文說之云人之筋骨非木非

石不能解故張而不弛文王不為弛而不張文王不行一弛一張則知小人之依依同衣白虎通衣裳篇云衣者隱也說文云衣依也謂知小人

之隱也周語云勤恤民隱注云隱痛也古音哀如依故依亦作哀康誥曰兄亦相小人厥父母勤勞稼穡厥子不念鞠子哀言不念稚子之隱也說文憇痛聲也孝經曰哭不憇今孝經作偯

乃不知稼穡之艱難。乃逸。乃諺。逸一作劫。諺一作憲。既誕。誕一作延。否則侮厥

父母。否一作不。曰。昔之人無聞知。史記魯世家云。毋逸稱為人父母。為業至長久。子孫驕奢忘之。以亡其家。為人子可不慎乎。釋此節之義也。相者。釋詁云。視也。諺者。論語先進

篇云。由也。嘑。集解引鄭注云。子路之行。失于嘑。嘑也。皇侃疏引王弼云。嘑。剛強也。案劉逵注魏都賦云。叛換。猶恣睢也。則嘑。嘑為恣睢強悍之義。嘑。即諺俗字。誕者。廣雅釋言云。誕也。則者。釋詁云。法也。言視小人。其父母勤勞稼穡。其子不知稼穡之艱難。乃自逸豫。又畔

諺。誕。不循法。則謂古昔之人。無所聞知。否則當為不則。句上屬。熹平石經作乃。勅乃。憲既延。不則。侮厥下。闕。諺作憲者。詩板傳云。憲憲。猶欣欣也。則憲亦自喜之意。誕作延。否作不。省文。

周公曰。嗚呼。我聞曰。

昔在殷王中宗。古文尚書說經稱中宗。明其廟宗而不毀。鄭康成曰。中宗。謂大戊也。嚴恭寅

畏。史遷寅作敬。馬融嚴作儼。鄭康成曰。恭在貌。敬在心。天命自度。度一作亮。治民祇懼。

史遷祇作震。治一作日。不敢荒寧。馬融曰。知民之勞苦。不敢荒廢自安也。肆中宗之享

國。史遷肆作故。享作饗。七十有五年。中宗者。詩烈祖序云。祀中宗也。箋云。中宗。殷王大戊。湯之元孫也。有

帝太庚崩。子帝小甲立。帝小甲崩。弟雍已立。帝雍已崩。弟大戊立。殷復興。諸侯歸之。故稱中宗。為湯元孫太庚之子也。嚴同儼。詩傳云。矜莊貌。恭同龔。說文云。慤也。慤。謹也。寅者。釋詁云。敬也。度者。詩傳云。法度也。祇者。釋詁云。敬也。荒者。周書謚法云。好樂怠政曰荒。寧者。釋詁云。安也。肆者。釋詁云。故也。言中宗自持敬畏。以天命為法度。治民敬懼。不敢怠荒。安寧。故中宗享國久也。古文尚書說。見詩烈祖疏。引五經異義云。詩魯說。丞相匡衡。以為殷中宗。周成宣王。皆以時毀。謹案春秋公羊。御史大夫賈禹說。王者宗有德。廟不毀。宗而復



毀非爲德之義。鄭從而不駁。史公寅作敬者。釋詁文。祇作震者。鄭注內則云。祇或作振。舉陶謨。祇敬六德。夏本紀作振敬。振與震同。肆作故。釋詁文。享作饗者。熹平石經。亦俱作饗。馬作饗。見釋文。知民之勞苦云云。見史記集解。鄭注見詩商頌譜疏。及書疏云。恭在貌。敬在心者。以恭寅並舉。寅爲敬。故以在心與貌別之。熹平石經。度作亮者。釋詁云。亮信也。言以天命自信亮。卽說文亮字異文。

其在高宗時。舊勞于外。澗時一作寔。爰暨

小人。史遷舊作久。爰暨作爲與。馬融曰。武丁爲太子時。其父小乙使行役。有所勞苦於外。與小人

從事。知小人艱難勞苦也。鄭康成曰。高宗謂武丁也。舊猶久也。爰于暨與也。武丁爲太子時。殷道衰。爲

其父小乙將師役于外。與小人之故。言知其憂勞也。暨一作泊。高宗者。殷本紀云。帝小乙崩。子帝武丁立。武

子帝祖庚立。祖已嘉武丁之以祥維爲德。立其廟爲高宗。時舊勞于外。中論天壽篇引時作寔。釋詁云。時是也。公羊桓六年傳云。寔來者何。猶曰是人來也。則時寔是同義。史公舊作久者。說文云。龜舊也。白虎通著龜篇云。龜之爲言久也。是舊久同義。爰暨作爲與者。爰與爲形相近。古文或作爲字。暨爲與。釋詁文。馬鄭注俱見史記集解。鄭注又見詩商頌譜疏云。爰於者。釋詁文。泊與者。說文作臭泊。又假音字。詩譜引此經亦作泊。云武丁爲太子時。殷道衰者。殷本紀云。帝陽甲之時。殷衰。自中丁以來。廢適而更立諸弟子。弟子或爭相代立。比九世亂。於是諸侯莫朝。是殷自中丁已下。九世衰亂。至盤庚遷居。殷道復興。小辛小乙。又以弟繼兄。殷道或又衰。故漢書五行志。劉向以爲殷道既衰。高宗承敝而起。盡涼陰之哀。天下應之也。殷本紀亦云。武丁卽位。思復興殷。而未得其佐也。云爲其父小乙將師役於外者。易既濟云。高宗伐鬼方。三年克之。詩殷武云。撻彼殷武。奮伐荆楚。粟入其阻。是皆高宗師役。以爲太子時事。則未聞。

作其卽位。乃或亮陰。史遷或作有亮。一作涼。一作涼陰。一作闇。二年不言。亮陰。大傳作梁闇。說高宗居凶廬。三年不言。此之謂梁闇。又說

不言國事。馬融曰：亮信也。陰默也。為聽于冢宰。信默而不言。鄭康成曰：作起也。諒闇轉作梁闇。楣謂之

梁。闇謂廬也。小乙崩。武丁立。憂喪三年之禮。居倚廬。柱楣。不言政事。

**疏**

作者詩傳云始也。古文多以乍為作。乍亦始也。史公或作有者。今文也。下文亦

罔或克壽。論衡作亦罔有。大傳見殷傳云。書曰高宗梁闇三年不言。何謂梁闇也。注云。闇讀如鷓鷯。謂廬也。傳曰高宗居凶廬云云。又大傳云。高宗有親喪。居廬三年。然未嘗言國事。而天下無背叛之心者何也。及其為天子之時。盡以知天下人民之所好惡。是以雖不言國事。而知天下無背叛之心。是三年不言。為不言國事也。檀弓云。古者天子崩。王世子聽政于冢宰三年。是有國事。則冢宰代王出令也。馬注見春秋左氏隱元年疏。云亮信陰默者。何晏論語集解引孔安國注同。馬氏不以為凶廬也。晉書二十。杜預議。皇太子喪服。引書傳云。亮信也。陰默也。為聽于冢宰。信默而不言。即論語孔注。鄭注見詩商頌譜疏。云作起者。以上文有舊勞于外。故訓作為起。鄭注考工記云。作猶起也。云諒闇轉作梁闇者。用大傳義。云楣謂之梁者。釋宮文。喪服傳云。居倚廬。寢苦枕塊。既虞。翦屏柱楣。注云。柱楣所謂梁闇。禮記大傳云。父母之喪。居倚廬不塗。寢苦枕塊。非喪事不言。君為廬宮之。既葬。柱楣塗廬。不於顯者。君大夫士皆宮之。既練。居聖室。白虎通喪服篇云。倚廬於中門外東牆下。戶北面。是倚廬為始。遭喪時所居。柱楣謂既葬後所居也。云不言政事者。三年聽于冢宰。王不自言也。

其惟不言言乃雍。

**疏**

史遷雍作謹。鄭康成曰。其不言之時。時有所言。則羣臣皆和諧。

**疏**

史公雍作謹者。與檀弓坊記同。集解引鄭元曰。謹喜悅也。言乃喜悅。則民臣望其言久矣。與書疏所引鄭注不同者。是檀弓注。又鄭注坊記云。謹當為歡聲之誤也。其既言天下皆歡喜樂其政教也。或今文作歡。古文作雍。史記魯世家。用今文集解所引。或檀弓注。或為大傳鄭注也。鄭注見書疏。云其不言之時。時有所言者。謂冢宰攝政出號令。代王言也。羣臣知君能盡孝。故相悅從之。詩傳云。雍和也。諒一作涼。見漢書五行志。

不敢荒寧。嘉靖殷邦。

**疏**

史遷嘉

作密。邦作國。馬融曰。甯安也。

**疏**

嘉者。釋詁云善也。史公嘉作密者。東觀漢記序曰。密靜天下。容於小大。高宗之極至也。亦以嘉為密。今文尚書也。詩傳云。密安也。說文云。宓安也。蓋密與宓通。靖者。詩傳云和也。馬

注見史記集解云  
寧安者釋詁文

至于小大無時或怨

**疏**

鄭康成曰小大謂萬人上及羣臣言人臣大小皆無怨

王也肆高宗之享國五十有九年

**疏**

史遷享作饗九年作五年五十有九年一作百年

**疏** 小大

者詩泮水云無小無大箋云臣無尊卑是小為卑大為尊也時者釋詁云是也鄭注見書疏以小大為萬人及羣臣者義同詩箋偽傳以為小大之政失之史公作五十五年者異文五十九年一作百年者熹平石經所寫今文也漢書五行志云高宗致百年之壽劉向杜欽傳亦云百年論衡氣壽篇云高宗享國百年周穆王享國百年并未享國之時皆出百三十四歲矣又無形篇異虛篇皆云高宗享福百年皆用今文尚書也

其在祖甲

**疏**

鄭康成曰祖甲武丁

子帝甲也不義惟王舊為小人

**疏**

史遷舊為久小人下多於外馬融曰祖甲有兄祖庚而祖甲

賢武丁欲立之祖甲以王廢長立少不義逃亡民間故曰不義惟王久為小人也武丁死祖庚立祖庚

死祖甲立鄭康成曰祖甲有兄祖庚賢武丁欲廢兄立弟祖甲以此為不義逃於人間故云久為小人

**疏**

祖甲者殷本紀云帝武丁崩子帝祖庚立帝祖庚崩弟祖甲立是為帝甲帝甲淫亂殷復衰周語衛彪偃曰元王勤商十四世而興帝甲亂之七世而隕注云帝甲湯後五世也亂湯之法至紂七世而亡也是帝甲非令主然或以能讓且知小民之艱難故見

稱於書古人不求備之道也史公舊作久見上疏小人下有於外二字馬注見史記集解云祖甲有兄祖庚而祖甲賢武丁欲立之祖甲以王廢長立少不義逃亡民間不知出典惟呂氏春秋必已篇云孝已疑注云孝已殷王高宗子也後漢書鄧暉傳云高宗明君吉甫賢臣及有繼介放逐孝子是高宗所廢為孝已祖甲以為不義而逃之書傳長誤作祖庚或孝已祖庚俱廢未可知也鄭注見書疏

作其即位爰知小人之依能保惠于

庶民。[疏]史遷惠作施。庶作小。不敢侮鰥寡。[疏]史公惠作施者。韋昭注晉語云。施惠也。庶作小者。異文。肆祖甲之享國。卅有

三年。[疏]史遷肆作故。享作饗。[疏]卅見開成石經。說文云。卅。三十并也。今正義本作三十。史記亦作三十。疑後人所改。按秦刻石廿及卅。載在史記。皆為二十三。則句增一字。與文體不合。是知後人改之。

自時厥後。[疏]此句一在高宗之饗國百年下。無其在祖甲已下一節。[疏]熹平石經。或怨肆高宗之享國百年。自時厥後。下闕。洪氏隸釋載其

文云。此碑獨闕祖甲。計其字當在中宗之上。以傳序為次也。案漢書韋元成傳。王舜劉歆議曰。於殷太甲曰太宗。大戊曰中宗。武丁曰高宗。周公為毋逸之戒。舉殷三宗以勸成王。書疏引王肅云。祖甲。湯孫太甲也。殷本紀太甲稱太宗。以為祖者。祖宗為不毀廟之通稱。

孝經稱宗。祀文王於明堂。祭法云。祖文王而宗武王。則太甲雖太宗。亦可稱祖甲。熹平石經。既以高宗享國百年。經文接連自時厥後。則今文其在祖甲一節。必在殷王中宗之前。今文與古文簡冊之異。但王肅既見今文。以祖甲為太甲。又從古文祖甲在高宗之後。為

之說曰。先中宗。後祖甲。先盛德。後有過也。史記索隱云。按紀年。太甲唯得十二年。此云祖甲享國三十三年。知祖甲是帝甲明也。以駁王肅案。太平御覽八十三。引帝王世紀云。太甲一名祖甲。享國三十三年。二百歲。皇甫謐說多同。王肅肅亂經之人。言誠不足取。然與

皇甫謐俱以祖甲為太甲。似見今文。當不以人廢言。故取其說於此。他與偽傳說同。多不用之。立王生則逸。生則逸。不知稼穡之艱難。不聞小人

之勞。惟耽樂之從。自時厥後。亦罔或克壽。[疏]耽一作湛。之從一作是從。或一作有。[疏]耽同。姚釋

詰云。樂也。詩傳云。耽。樂也。說文作憺。本字耽。與樂同義。並舉者。詩常棣釋文引韓詩云。湛。樂之甚也。中庸引詩湛作耽。是耽湛通也。論衡語增篇。引此篇說之云。長夜之飲。糟丘酒池。不舍晝夜。是必病。病則不甘飲食。困毒而死。雖未死。宜羸臞矣。耽。論衡引作湛。之從。漢

書鄭崇傳。及論衡中論。皆作是從。亦罔或。或十年。或七八年。或五六年。或四三年。[疏]四三年。一作

三四年。漢書杜欽傳欽說王鳳引經曰或四三年言失欲之生害也中論引作三四年周公曰嗚呼厥亦惟我周。段氏玉裁云尚書大傳云書曰厥兆天子爵系之無逸白

虎通爵篇云書無逸篇曰厥兆天子爵蓋古文尚書厥亦惟我周五字今文尚書如此云兆天子爵者即兆基王迹之謂案兆亦字形相近惟我周不應是天子爵之誤顧君廣圻以為脫天子爵三字惟我周三字下屬大王王季為句也。大王王

季克自抑畏文王卑服即康功田功。馬融卑作俾曰使也抑者詩傳云抑抑慎密也廣雅釋言云抑治也釋詁云服事也安康

也言其惟我周先王能自慎畏文王就卑賤之事安居之功田作之功說文有康字云屋窳窳也是康同康為居屋也馬注見釋文卑作俾云使者釋詁文言文王使就治康功田功蓋勤稼穡之事也。徽柔懿恭懷保小

民惠鮮鰥寡。民一作人鰥一作矜鮮一作于徽者釋詁云善也柔者章昭注晉語云仁也懿者釋詁云美也恭者釋詁云敬也詩傳云懷和也保安也釋詁云惠愛也

鮮善也墨子兼愛篇云文王不為衆庶侮鰥寡不為暴勢奪穡人黍稷狗彘是以老而無子者有所得終其壽連獨無兄弟者有所雜于生人之間少失其父母者有所放依而長說此經之義也民作人鮮作于者漢書谷永傳所引亦見熹平石經是今文也石經鰥作矜。

自朝至于日中昃。昃一作仄不遑暇食用咸和萬民遑一作皇文王不敢盤

于遊田以庶邦惟正之供。正一作政供一作恭楚語右史倚相引周書曰文王至於日中昃不皇暇

昃曰昃易曰日中則昃案說文作厝云日在西方時側也易離九三日昃之離荀爽云初為日出二為日中三為日昃經言日中及昃欲見其勤也釋文云本又作仄者省文遑者釋言云暇也盤者釋詁云樂也楚語無以庶邦三字謂文王敬恭於政事遑俗字當從楚語為皇正作政供作恭皆楚語所

引也西京賦李善注引田作畋。文王受命惟中身厥享國五十年。鄭康成曰受命受殷王嗣

位之命。中身謂中年。

**疏**

文王受命七年而崩。故鄭以為受嗣位之命是也。鄭注見書疏。云受殷王者。周禮典瑞云。凡諸侯之適子。誓于天子。注云。誓猶命也。言誓者。明天子既命以為嗣。樹子不易也。周語魯武公以括與戲見

王。王立戲。注云。以為太子。春秋文元年。天王使毛伯來錫公命。穀梁傳云。禮有受命。無來錫命。來錫命。非正也。是諸侯世子嗣位為君。必受命天子。殷制亦然。考文王序云。文王受命作國也。箋云。受天命而王天下。又文王有聲詩云。文王受命。有此武功。箋云。武功謂伐四國。及崇之功。則又是受商王錫弓矢。專征伐之命。鄭恐人疑此受命。如彼二文所言。故特言受殷王嗣位之命也。知者。大傳云。文王受命七年而崩。此言中身。則是中年。其後享國五十年。非彼二文之受命明矣。呂氏春秋制樂篇云。文王立國八年。歲六月地動。改行重善。無幾何。疾乃止。文王即位八年而地動。已動之後。四十三年。凡文王立國五十一年而終。韓詩外傳說亦與此同。經云。五十年。舉成數也。

周公曰。嗚呼。繼自今嗣王。則其無淫

于觀。

**注**

鄭康成曰。淫。放恣也。淫者。浸淫不止。嗚呼。一作烏虜。于逸于遊于田。以萬民惟正

之供。無皇曰。今日耽樂。

**注**

無淫于觀。至惟正之供。一作毋淫于酒。毋劫于游田。維政之共。皇一

作兄。

**疏**

鄭注見書疏。云淫。放恣者。春秋左氏成二年傳云。淫縱其欲。縱欲。故為放恣也。云侵淫不止者。說文淫。浸淫也。無淫于觀。至惟正之供。漢書谷永傳。引經曰。繼自今嗣王。其毋淫于酒。毋逸于游田。惟正之供。說之曰。未有身治正而臣下邪者也。

熹平石經。有酒毋劫于遊田。維七字亦同。漢書蓋今文也。石經皇作兄。秦誓。我皇多有之。公羊傳作而況乎我多有之。是皇與況通。詩常棣。況也。永嘆釋文云。或作兄。章昭注國語曰。況。益也。然則無兄曰。為毋益曰也。經作皇者。古文釋詁云。暇也。嗚呼。顏師古注漢書翼奉傳。引作烏虜。乃非民攸訓。非天攸若。時人不則有愆。無若殷王受之迷亂。酗于酒德哉。

**疏**

無。一作毋。酗。一作配。

**疏**

訓者。說文云。訓。說教也。釋言云。若。順也。迷。惑也。酗。當為酌。說文云。醉釐也。不。語詞。愆者。釋言作魯。云過也。言無自寬暇。曰今日湛樂。乃非所以教民。非所以順天。是人則有愆。尤。毋若殷紂之以惑

亂醜酒為德也。論衡譴告篇云：周公勅成王曰：毋若殷王紂。毋者，禁之也。漢書翼奉傳注師古曰：周書亡逸之篇曰：周公曰：烏虘以若殷王紂之迷亂，配于酒德哉。醜作配者，說文云：配，酒色也。酒色，謂顏色。齊同曰酒。見上疏。

周公曰：嗚呼！我聞曰：古之人猶胥訓告，胥保惠，胥教誨，民無或胥譎張為幻。

呼。我聞曰：古之人猶胥訓告。胥保惠。胥教誨。民無或胥譎張為幻。馬本譎作轉。

譎一作倂。上無胥字。

胥者，釋詁云：相也。說文云：譎，誦也。讀若醜。周書曰：無或譎張為幻。及云：幻相詐惑也。引周書同。釋詁云：倂，張誑也。郭氏注引書曰：無或倂張為幻。俱無胥字。言古人相訓告相安順相教誨，民無有誑為

詐惑者。馬本作轉。見釋文。後漢書皇后紀亦作轉。張楊雄國三者篇又作倂。張聲之假借。

此厥不聽。人乃訓之。乃變亂先王之正刑。至于小大。

民否則厥心違怨。否則厥口詛祝。聽一作聖。乃訓之。一無之字。變亂先王之正刑。一無

先王。

聽者，鄭注祭義云：謂順教令也。廣雅釋詁云：從也。刑者，釋詁云：法也。詛祝者，詩蕩云：侯作候祝。傳云：作祝詛也。箋云：祝詛求其凶咎無極也。言此其不從人之訓，乃至變亂先王之法度。至於小大臣民，不則遠戾，怨恨其上，不則詛祝其上。也。聽

作聖者，熹平石經文。管子四時篇云：聽信之謂聖。秦泰山碑：皇帝躬聽。史記作躬。聖是聖與聽義相通也。訓下無之字。變亂下無先王俱見石經今文也。之字疑衍。

周公曰：嗚呼！自殷王中宗及

高宗及祖甲及我周文王。茲四人迪哲。

迪者，釋詁云：作也。哲者，方言云：智也。

厥或告之曰：小人怨汝

詈汝。則皇自敬德。厥愆曰：朕之愆。

鄭康成曰：皇謂暇。言寬暇自敬。皇自。一作兄曰。詈者。

說文云：罵也。鄭注見書疏。以皇為暇者，釋詁云：違，暇也。皇自，熹平石經作兄曰。章氏注國語云：兄，益也。皇曰敬德，即益曰敬德也。

允若時。不啻不敢含怒。鄭康成曰：不但

不敢含怒。乃欲屢用之。以知已政得失之源也。

**疏**

釋詁云。允信也。時是也。說文云。音語時。不音也。鄭注見書疏。以音為但者。聲之轉。云知已政得失者。周語曰。口之宣言也。善敗于是

乎興。春秋左氏襄卅傳。鄭人游于鄉校。以論執政。然明謂子產曰。毀鄉校如何。子產曰。何為。夫人朝夕退而游焉。以議執政之善否。其所善者。吾則行之。其所惡者。吾則改之。是吾師也。若之何毀之。是亦欲聞小人之言。以考已政得失也。

此厥不

聽。人乃或譎張為幻。曰。小人怨汝詈汝。則信之。則若時。不永念厥辟。不寬綽厥

心。亂罰無罪。殺無辜。怨有同。是叢于厥身。

**疏**

辟者。釋詁云。法也。綽者。釋言云。寬綽也。綽亦為寬。叢者。說文云。聚也。言人誑汝以民怨詈汝。即信之。則如是不長念

其法。不寬裕其心。妄行殺罰。民心同怨。實叢集于其身也。

周公曰。嗚呼。嗣王其監于茲。

**疏**

言當視此致怨之由

以為戒。熹平石經。嗚呼作於戲。無其字。今文也。匡謬正俗云。古文尚書皆作嗚呼。今文尚書皆作於戲。案古文尚書作烏虜。見前。

### 卷二十二

#### 君奭第二十二 周書十三

**注** 史遷說成王既幼。周公攝政。當國踐祚。召公疑之。作君奭。君奭不說周公。周公乃稱湯時有伊尹



云云。於是召公乃說。

**疏**

史公說見燕世家。云召公疑之。又云君奭不說周公者。漢書孫寶傳云。周公上聖。召公大賢。尚猶有不相說。著於經典。兩不相損。王莽傳。羣臣奏引書曰。我嗣事子孫云云。說曰。周公服天子之冕。南面

而朝羣臣。發號施令。常稱王命。召公賢人。不知聖人之意。故不說也。皆用此經之義也。後漢書申屠剛傳。注云。言周公既還政成王。宜其自退。今復為相。故不說也。案史公以召公不說。在周公踐祚之時。太子賢以為在還政之後。或今古文異說也。編篇在多士之後。疑非踐阼時矣。

周公若曰。君奭。

**疏**

君者。釋詁云大也。君是后辟尊稱。奭者。說文云。此燕召公名。白虎通王者不臣篇云。召公文王子。詩甘棠疏。引皇甫謐云。文王庶子。案史記但云與周同姓。穀梁莊十三年傳云。燕周之分子也。注云。分子謂

周之別子孫也。禮大傳云。別子為祖。注云。別子謂公子。然則是文王之從子。傳載文王之子無名奭者。史記集解云。譙周曰。周之支族。食邑於召。謂之召公是也。

弗弔。天降喪于殷。殷既墜厥

命。我有周既受。我不敢知曰。厥基永孚于休。若天棐忱。我亦不敢知曰。其終出

於不祥。

**疏**

馬融終作崇。曰充也。鄭康成曰。言與君奭同知。舉其殷興亡以為戒。崇。一作道。**疏**弔者。鄭注費誓

云。善也。墜。當依說文為隊。俱見前疏。釋詁云。基。始也。孚。付。古字通。釋言云。休。慶也。若。順也。釋詁云。棐。輔也。謀。誠也。忱。同謀。祥。善也。言不善之天。降喪亡之禍于殷。殷卒墜失其命。我周受之。我不知殷之始長付畀以慶者。順天輔誠也。亦不敢知其終出於不永也。祥與素俱以羊為聲。祥亦永也。盤庚丕乃崇降不祥。熹平石經作不永。馬注見釋文。終作崇者。詩傳云。崇。終也。云充者。釋詁文。樂記云。復。繼以崇。注云。崇。充也。凡六奏以充武樂也。注上六成云。成。奏也。每奏一終為一成。是充即終也。鄭注見書疏。云與君奭同知。舉其殷興亡為戒者。謂此我不敢知。云指殷之興亡言也。始。孚于休。興也。終。出于不祥亡也。崇。熹平石經作道。今文也。

嗚呼。君已曰。時我。我亦不敢寧於上帝命。弗永

遠念天威

時者釋詁云是也言君既云是我我亦不敢安于天命弗永遠念天之威罰述召公委任于已已不敢不遠慮而違辭委任也

越我民罔尤遠惟人在

尤同郵釋言云過也說文作訖言于我民無過失無背違惟恃有人在化導之

我後嗣子孫大弗克恭上下遏佚前人光在家不知天

命不易天難諶乃其墜命

恭一作共佚一作失天難諶一作天應棐諶其墜作亡隊

漢書

王莽傳羣臣奏曰臣聞周成王幼少周道未成成王不能共事天地修文武之烈周公權而居攝周道成王室安不居攝則恐隊失天命書曰我嗣子孫大不克共上下遏失前人光在家不知命不易天應棐諶乃亡隊命注師古曰言我恐後嗣子孫大不能恭承天地絕失先王光大之道不知命之難天所應輔唯在有誠所以亡失其命也案漢書釋後嗣子孫為成王大弗克恭上下為共事天地自虎通以大誓上天下地為上下是也釋遏佚前人光為修文武之烈前人謂文武烈者詩傳云光也遏止也佚同失釋在家為不居攝言退老也一作皆今文即上王莽傳所引經以天應棐諶為天難諶者釋詁云諶信也詩大明云天難忱斯不易維王傳云忱信也天之意難信矣不可改易者天子也是天命不易為不可改易師古注不易為難非也經言在家不知天命有不易之道委之以天難信乃其隊失大命也

弗克經歷嗣前人恭明德在今予小子旦非克有正迪惟前人光施于

我冲子

經者釋詁云常也歷者釋詁云艾歷也歷亦為艾詩傳云艾久也嗣者釋詁云繼也恭同龔說文云愨也迪也釋詁云道也施者詩箋云延也言弗能常久繼前王恭愨顯明之德在今我小子旦非能有以正人也惟道揚前人光美

延于我幼君而已又曰天不可信我道惟寧王德延天不庸釋于文王受命鄭康成曰又曰

人又云周公稱人之言也言寧王者即文王也

天不可信即謂上天難諶我道惟文王德延道即上迪施即延釋者說文云捨釋也言天難信我惟道揚文王之德使之延長天不

用捨其所受之命。鄭注見書疏。云鄭以又曰爲周公稱人之言。言天命靡常不可信也。云寧王卽文王見上疏。

公曰。君奭。我聞在昔。成湯既受命。時則有若

伊尹。格于皇天。**疏**史遷格作假。在太甲時則有若保衡。**疏**鄭康成曰。皇天北極大帝也。

伊尹名摯。湯以爲阿衡。阿倚衡平也。伊尹湯所以倚而取平以尹天下。故曰伊尹。至太甲改曰保衡。保

安也。言天下所取安。所取平。阿衡保衡。此皆三公之官。當時爲之號也。**疏**史公格作假者。今文格皆爲假。格者

升配于天也。下文云。陟配天。陟亦陞也。鄭注見史記集解。及詩蕩疏。書疏云。伊尹名摯者。出孫子用間篇。云湯以爲阿衡。詩長發云。實

惟阿衡。實左右商王。傳云。阿衡伊尹也。箋云。阿倚。衡平。伊尹湯所依倚而取平。故以爲官名。云以尹天下。故曰伊尹者。說文。伊殷聖人

阿衡。尹治天下者。釋言云。尹正也。云至太甲。改曰保衡者。伊尹相太甲。有師保之任。文王世子云。虞夏商周。有師保。有疑丞。設四輔。及

三公。不必備。惟其人。語使能也。謂之保衡。兼其官稱之也。云皇天北極大帝者。周禮太宗伯云。以蒼璧禮天。注云。此禮天以冬至。謂皇

天大帝在北極者。鄭注月令云。皇天北辰。耀魄寶也。商人祖契而宗湯。則湯配五帝於明堂也。案呂氏春秋本味篇云。有佚民女子得嬰兒。其母居伊水之上。故命之曰伊尹。則伊爲水名。因以爲氏。知鄭所云依倚者。釋阿衡。非伊字詰也。在太戊。時則有若伊陟。臣扈。格于上帝。**疏**史遷格作假。馬融曰。格至也。道至于上帝。謂奉天時也。鄭

康成曰。上帝。太微中其所統也。伊陟。伊尹之子。**疏**殷本紀。太戊。湯五世孫。其間兄弟相及。有外丙。仲士。太丁。小甲。雍已等。則湯至太戊。除太丁未爲君。凡九君矣。史記三代世表。未詳其年。竹書紀年。湯爲天子。至太戊元年。凡八十四年。恐不足據也。臣扈在湯時。夏社序云。湯既勝夏。欲遷其社。不可。作夏社。疑至臣扈。不得至太戊時。尚在。或別一人也。言湯則曰格于皇天。大戊則曰格于上帝。大戊中宗廟不毀。配食五帝於明堂。故云格于上帝。馬注

見史記集解云格至者釋詁文云道至于上帝謂奉天時者太微五帝迭相休王以成四時春生夏長秋收冬藏奉天時者順其氣以出令若月令所紀是也中宗蓋配食之鄭注見史記集解及詩蕩疏云太微中者何休注公羊傳云上帝五帝在太微之中迭生子孫更王天下鄭注月令祈穀于上帝云上帝太微之帝也疏云上帝太微之帝者春秋緯文太微為天庭中有五帝座蒼曰靈威仰赤曰赤熛怒黃曰含樞紐白曰白招拒黑曰汁光紀郊天各祭所感帝殷祭汁光紀周祭靈威仰以其不定總云太微之帝若迎春前帝後王皆祭靈威仰秋冬仿此云太微中其所統者是指太微所統之五帝也

有若巫賢在武丁時則有若甘盤史遷盤作般史遷又作治後漢書張衡傳云咎單巫咸實守王家用此經也在祖乙時則

今人表甘盤與傳說並列史公作般省文率同聿文選注引薛章句云聿辭也陳者漢書哀帝紀注李斐云道也言惟此有道之臣安治有殷故殷禮陟

配天多歷年所殷禮謂殷之祀禮陟配天者祭法云殷人禘饗而郊冥祖契而宗湯注云禘郊祖宗謂祭祀以配食也禘謂祭昊天于圜丘也祭上帝于南郊曰郊祭五帝五神于明堂曰祖宗祖宗通言耳多歷年所春秋

左氏宣三年傳云商載祀六百也天惟純佑命則釋詁云純大也右勳也佑俗字當為右勳即助也則商實百姓王人罔

不秉德明恤小臣屏侯甸矧咸奔走實者釋詁云是也百姓者詩傳云百官族姓也王人江氏聲云王氏族人同姓之臣也恤者漢書韋元成傳注師古曰安也當

是舊注小臣舉其臣之微者屏侯甸侯甸之為屏藩者矧者說文作𠄎云詞也咸者釋詁云皆也奔走者詩緜云予曰有奔走言是商之異姓百官及王族無不奉德明安者至小臣外而屏藩侯甸其皆效奔走服從王事

用又厥辟故一人有事于四方故一作迪事一作使若卜筮罔不是孚父同艾釋詁云艾相

也。辟君也。孚信也。言惟此羣臣各稱其德用相其君。故天子有事于四方。如卜筮無不見信于神人也。文選王褒四子講德論引書云。迪一人使四方若卜筮。或今文作迪作使。漢人用之。事使篆文相近。李善注引此亦作迪。一人有事四方。又引孔安國曰。迪道也。孚信也。今偽傳無此話。

公曰君爽天壽平格。鄭康成曰格謂至于天也。專言臣事。保父有殷有殷嗣。壽者廣雅釋詁云久也。平與杼通。釋詁云使也。釋詁云格陞也。嗣繼也。威者釋言云則也。則亦

為威固者。韋昭注晉語云定也。亂者釋詁云治也。公告召公言天久使假天之臣。安治有殷。有殷繼天之王。至紂滅棄威則。今汝長念此天威。則當有定命。命其治以光明我新造之國矣。鄭注見書疏云。格謂至于天者。釋詁云格至也。至于天謂格于皇天。格于上帝是也。故云專言臣事。

公曰君爽在昔上帝割申勸寧王之德。割申勸甯王。一作周田觀文王。其集

大命於厥躬。緇衣引君爽曰。在昔上帝周田觀文王之德。其集大命於厥躬。注云。古文周田觀文王之德。為割申勸寧王之德。今博士讀為厥亂勸寧王之德。三者皆異。古文似近之。割言蓋也。案言文王有誠信之德。天蓋申

勸之。集天命于其身。謂使之王天下也。割為蓋者。釋言云。蓋割裂也。二字同訓。割申勸與周田觀字形相近。古割字作害也。此今文異字。博士讀割申為厥亂。亦今文。謂夏侯歐陽尚書也。惟文王尚克修和我

有夏亦惟有若虢叔有若閔天有若散宜生有若泰顛有若南宮括。大傳說

文王四年伐畎夷紂乃囚之五年四友獻寶乃得免於虎口出而伐耆又說文王以閔天太公望南宮

括散宜生為四友鄭康成曰詩傳說有疏附奔走先後禦侮之人而曰文王有四臣以受命此之謂也。

不及呂望者太師也。教文王以大德。周公謙不敢自比焉。

**疏**

有夏謂殷都中夏。修和謂修和於紂也。大傳說見春秋左氏襄卅一年疏。又說見玉海官制。周本紀云。西

伯曰。文王禮下賢者。太顛闕天散宜生鬻子辛甲大夫之徒。皆往歸之。崇侯虎譖西伯於殷紂曰。積善累德。諸侯皆嚮之。將不利於帝。帝乃囚西伯於羑里。闕天之徒患之。乃求有莘氏美女。驪戎之文馬。有熊九駒。他奇怪物。因殷嬖臣費仲而獻之。紂大說曰。此一物足以釋西伯。況其多乎。乃赦西伯。賜之弓矢斧鉞。使西伯得征伐。即其事也。亦見大傳及淮南道應訓。互有詳略。今以史記正史。故載其說。紂叔者。春秋左氏僖五年傳云。紂仲紂叔。王季之穆也。為文王卿士。勳在王室。晉語云。文王在傅弗勤。處師弗煩。敬友二紂。其即位也。咨于二紂。度于闕天。謀于南宮。考地理志。右扶風有紂縣。此西紂也。是紂叔所封。河南滎陽縣。注應劭曰。故紂國。今紂亭。是此東紂也。是紂仲所封。此經紂叔為西紂。其後為晉獻公所滅者也。鄭注見詩緜疏。及書疏云。詩傳說有疏附奔走先後禦侮之人者。詩緜云。予曰有疏附。予曰有奔走。予曰有禦侮。傳云。率下親上曰疏附。相道前後曰先後。喻德宣譽曰奔走。武臣折衝曰禦侮。云呂望太師者。詩大明云。維師尚父。傳云。師太師也。可尚可父。大傳云。散宜生闕天南宮。括三子者。學乎太公。又云。太公遂與三子見文王於羑里。此獨不及太公。故鄭言周公謙不敢以太師自比也。

又曰。無能往來。無一作亡。

**疏**

漢書朱雲傳。雲疏言丞相韋元成。容身保位。亡能往來。注李奇曰。不能有所前却。案前却謂進退也。

是無能往來。為無能進賢退不肖。

茲迪彝教。文王蔑德降于國人。

**疏**

鄭康成曰。蔑小也。

**疏**

釋詁云。迪道也。彝常也。蔑緩讀為敷。說文云。敷眇也。

眇。即妙字。蔑德。言妙德也。敷與熾通。亦美也。周書祭公解云。追學于文武之蔑言。無能進退。為文王道。此常教。故文王美德。不能下于國人。周公謙也。鄭注見書疏。以蔑為小者。廣雅釋詁云。儻小也。又云。緒懺末也。言無能以文王緒餘之小德。教國人明大德。非國人所及也。能企亦惟純佑秉德。迪知天威。乃惟時昭文王。迪見冒聞于上帝。馬融曰。勗勉也。

冒一作勗。惟時受有殷命哉。

**疏**

迪者。釋詁云。進也。昭同。詔釋詁云。勗也。又云。相勗也。迪見之迪用也。見牧誓疏。見猶顯也。冒與懺音相近。義得為勉。言惟大助奉德之人。進知天之威命。乃惟是相

文王用顯。懋勉發聞于天。惟是受有殷之大命也。馬注見釋文。云勛勉者。釋詁文。崔瑗侍中箴曰。昔在周文。創德四鄰。勛聞上帝。賴茲四臣。亦作勛。

曰。至武王時。號叔等有死者。餘四人也。

**疏**

迪從由得聲。亦或同。猶言至武王時。惟此四人。尚猶有祿也。鄭注見書疏。云號叔等有死者。周書克殷解。有泰顛闕天。又有南宮忽。南宮伯達。無散宜生。

忽與括聲相近。蓋一人也。史記周本紀。武王克紂。祭社時。散宜生太顛。闕天皆執劍以衛。又言命南宮括。散鹿臺之財。發鉅橋之粟。又言命南宮括。史佚。展九鼎保玉。此展九鼎之南宮括。周書謂之南宮伯達。則惟號叔未有見。故鄭疑其死也。論語。武王曰。予有亂臣十人。馬氏注。數闕天。散宜生。太顛。南宮括。皆列其中。亦無號叔。

後暨武王。誕將天威。咸劉厥敵。

**疏**

暨者。釋詁云。與也。威者。廣雅釋詁云。力也。咸與滅通。廣雅釋詁云。殺滅也。釋詁云。劉。

克也。說文云。鎬。殺也。劉即鎬字。周書世俘篇。漢書律歷志。皆引武成篇云。咸劉商王紂。或解咸為皆。失之。春秋左氏文十七年傳云。克滅侯。宣多。昭二十六年傳云。則有晉鄭。咸黜不端。疏云。咸諸本或作滅。此言四人。後與武王大將天力。殺克其敵也。惟

茲四人。昭武王惟冒。冒一作暱。不單稱德。

**疏**

昭與詔通。釋詁云。詔。亮相道也。冒與懋聲相近。又通勛。勉也。釋詁云。丕。大也。詩箋云。單。盡。周書祭公解云。昭王之所勛。詩涼彼武王。此云昭武王惟冒。言相道武王。惟懋勉也。不單稱德。言大盡稱其德也。冒說文作暱。云低目視也。周書曰。武王惟暱。蓋孔壁古文。冒作暱。古文假借字。許氏以低目視釋暱。此字詁。非經義也。亦如堯典肆類作繇類。皋陶謨朋淫作期淫。或以釋經文。失之。遠矣。

今在予小子旦。若遊大川。予往暨汝。爽其濟。小子同未。在位。誕無我責。收

罔勛不及。

**疏**

游者。詩傳云。行也。濟者。釋言云。渡也。收者。章昭注。吳語云。還也。言今我如行大川。我先往與汝其渡。我冲子雖即政。與未。在王位同。大無責我。還國。但無人勉我。以不及前人耳。謂不及四人之功也。偽傳以收字屬罔勛不及。及為句。失之。嗇造德不降。我則鳴鳥不聞。鳥一作鳳。矧曰其有能格。馬融曰。鳴鳥。謂鳳皇。失之。

也。鄭康成曰：耆，老也。造成也。詩曰：小子有造，老成德之人。不降志與我並在位，則鳴鳥之聲不得聞，乃

曰：有能格于天者乎？言必無也。鳴鳥，謂鳳也。

**疏**

耆者，釋詁云：老壽也。造者，鄭注王制云：成也。周語云：周之興也，鸞鷟鳴於岐山。注云：三君云：鸞鷟，鸞鳳之別名也。後漢書賈逵傳云：武王終父

之業，鸞鷟在岐，言天不降下老成德之人，我則猶望鳴鳳之不可聞也。況其有德能陞于天乎？馬注見釋文云：鳳皇者，釋鳥云：鸞鳳，其

鳴皇。鄭注見魏志管寧傳注云：耆者，老。釋詁文：造成，與注王制造士同。云：不降志與我並在位者，論語云：不降其志，言不事王侯，高尚其

志也。鳥作鳳者，釋文云：鳴鳥一本作鳴鳳者，非。

公曰：嗚呼！君肆其監于茲，我受命無疆，惟休無大惟艱。

公曰：嗚呼！君肆其監于茲，我受命無疆，惟休無大惟艱。

**疏** 釋詁云：肆，今也。監者，

視也。言君今其視於此，我國家受命無

竟，惟休慶亦大惟艱，謂命不于常也。

告君乃猷裕，我不以後人迷。

**疏** 鄭康成曰：召公不說似隘急，

故令謀於寬裕也。

**疏**

猷者，釋詁云：謀也。廣雅釋詁云：裕，容也。迷，誤也。言告君乃謀容人之道，我之心迹，不與後人疑誤也。鄭注見書疏。

公曰：前人敷乃心，乃悉命

汝作汝民極。曰：汝明勛，偶王在亶，乘茲大命，惟文王德，不承無疆之恤。

**疏** 敷者，詩

也。悉者，釋詁云：盡也。極者，詩傳云中也。偶者，廣雅釋詁云：耦，侑也。偶與耦通。亶者，釋詁云：誠也。乘者，詩傳云：升也。顏氏家訓音辭篇引

劉昌宗周官晉讀乘若承，言前人布乃心，甚盡命汝立民之中，謂曰：汝其以明德勉侑王，惟在誠心。江氏聲云：周公召公，蓋並受武王

願命，命輔成王，四輔偶俱以侑王，故曰偶王。又言承此大命，惟文王

之德，是承受任大貴重，無竟之憂也。江氏聲以丕承上屬為句，是也。

公曰：君告汝朕允，保奭其汝克敬，以

予監于殷，喪大否，肆念我天威。

**疏**

允者，釋詁云：誠也。保，召公官。文王世子云：保也者，慎其身以輔翼之，而歸諸道者也。克，能以與俱見前疏。否，讀如易卦之否。肆者，詩傳云：長也。威力



見上疏周公稱召公官而告之言汝能敬與予  
監視殷之喪亡大否既長念我受命之由天力  
予不允惟若茲誥予惟曰襄我二人汝有合哉言

曰在時二人天休茲至惟時二人弗戡其汝克敬德明我俊民在讓後人于不

時囊者杜注左傳云成也囊我絕句二人者王制云八伯各以其屬屬於天子之老二入分天下以為左右二伯合者釋詁云對也茲與滋通說文云益也戡與堪通釋詁云勝也明者堯典明明史記上明為悉俊者說文云才千人也丕者漢書注師

古云奉也周公言予不誠而惟若此相告乎言以誠告也予方思曰汝當成我之美今之二伯惟我與汝二人合對哉言者曰在是二人致天休美益至惟是二人弗敢勝當其汝能敬德明揚才俊之民則我亦可以異讓後來之人予以奉是天休矣周公謙言已不敢

任太平瑞應欲召公別舉賢以相輔助  
嗚呼篤棊時二人我式克至于今日休釋詁云篤厚也棊輔也式者釋言云用也言此時厚輔王業者惟是我二人我

用能至於今日有此休慶  
我咸成文王功于不怠不冒海隅出日莫不率俾鄭康成曰率循也俾使

也四海之隅日出所照無不循度而可使也咸者釋詁云皆也丕大冒與懋聲相近不冒當絕句俾者釋言云職也言我與汝皆成文王之功于不怠而大懋勉之使我所治東海之隅日

出之所莫不循職漢書武帝紀云莫不率俾注師古曰言皆循其職實而可使也周公召公分陝為二伯公羊隱五年傳云自陝而東者周公主之自陝而西者召公主之使東海率職是周公之任也推本文王功者文王亦州伯也鄭注見魏志武帝紀注云率循俾使

皆釋詁文以海隅為四海之隅出日為日出所照是分海隅日出為二義言疆界之廣也  
公曰君子不惠若茲多誥予惟用閔于天越民與

慧通江氏聲云漢書昌邑王傳云清狂不惠注蘇林云心不慧周公謙也穀梁僖二年傳云達心則言略達心即慧也閔者詩箋云悼傷也越與粵通釋詁云於也言我不智慧故如此煩言多誥我惟用悲閔于天命民心之不易保若篇首所云不敢寧于上帝命弗永

3797017

違念天威。越我民罔。公曰。嗚呼。君惟乃知民德。罔不能厥初。惟其終。鄭康成曰。召公是時尤違。惟人在之義。

意說。周公恐復不說。故依違託言民德以剴切之。

呼召公言汝亦知民之行。無不能其初。惟其終之難乎。言我當終成其業。不容去國也。鄭注見書疏。以此為恐召公意說。而復

有不說。故託言民德以切告之。云剴切之者。詩爾無正箋云。以事類諷切。剴微之言。疏云。書傳注云。剴切。說文云。剴。摩也。謂摩切其傍。不斥言也。

祇若茲。往敬用治。

祇者。馬氏注易復卦云。詞也。往者。謂述職治。自

陝以西也。言我所告。祇如此而已。君其往敬。以為治哉。白虎通巡。狂篇云。傳云。周公入為三公。出為二伯。中分天下。出黜陟。詩曰。周公東征。四國是皇。言東征述職。又曰。蔽芾甘棠。勿剪勿伐。召伯所茇。言邵公述職。親說舍於野棠之下也。偽傳以此經二人為文王武王失之。鄭注以海隅為四海之隅。不據狹東言之。亦未為得也。

中華書局影印 民國二十九年四月廿日贈送



國家圖書館



004850330

